

শ্রীচৈতন্যদেবের দক্ষিণ ভ্রমণ

প্রথম অঙ্ক

শ্রীচৈতন্য-চরিতামৃত

শ্রীচারুচন্দ্র শ্রীমানী বি, ই প্রণীত

নাহার এণ্ড কোং,

খাসাট—১৩৪৩

প্রকাশক—শ্রীললিতমোহন শ্রীমানী

৯ নং উল্টাভাঙ্গা মেন রোড,

কলিকাতা।

এক টাকা।

প্রিন্টার—

শ্রীপূর্ণচন্দ্র মুন্সী ও শ্রীকালিদাস মুন্সী

পুরাণ প্রেস

২১ নং বলরাম ঘোষের ষ্ট্রীট, কলিকাতা।

উৎসর্গ পত্র

পরমারাধা পরমপূজনীয়া শ্রীযুক্তা মাতৃদেবী

শ্রীচরণকমলেষু ।

মা

তোমার পদারবিন্দে আমার যাবতীয় তীর্থ বিরাজমান ;
তুমি আমার নিকট “স্বর্গাদপি গরীয়সী” মূর্তিমতী সারাংসার
তীর্থ । এই গ্রন্থোক্ত বহুতীর্থ তুমি দর্শন করিয়া ধন্য ও
কৃতকৃত্য হইয়াছ । আমি তোমার শ্রীচরণ আশ্রয় করিয়া
মহাপ্রভুর তীর্থ-পর্যটন কাহিনী বিরত করিতে সমর্থ
হইয়াছি । তুমি স্বধর্মনিরতা ও পুণ্যশীলা, তোমার
সংস্পর্শে ও তোমার আশীর্কাদে এই গ্রন্থের নিয়তি সুপ্রসন্ন
হইবে আশায়, তোমার নামে পুস্তকখানি উৎসর্গ করিলাম ।

দশহরা—

২৮ জ্যৈষ্ঠ, ১৩৪২ সাল ।

তোমার স্নেহের

চারু ।

“যখনই ধর্মের গ্লানি হয় হে ভারত,
অধর্মের অভ্যুত্থান যে সময়ে হয়
তখনই করি আমি আগাকে সৃজন ।
সাধুদের পরিত্রাণ, দুষ্কৃত-বিনাশ
করিবারে. করিবারে ধর্ম-সংস্থাপন
যুগে যুগে করি আমি জনম গ্রহণ ॥”

শ্রীমদ্ভগবদ্গীতা ।

শ্রীচৈতন্যদেবের দক্ষিণ ভ্রমণ

অবতরণিকা

“নমো বিশ্বরূপায় বিশ্বস্থিত্যন্ত হেতবে
বিশ্বেশ্বরায় বিশ্বায় গোবিন্দায় নমো নমঃ ।
নমো বিজ্ঞানরূপায় পরমানন্দ রূপিণে
কৃষ্ণায় গোপীনাথায় গোবিন্দায় নমো নমঃ ॥”
“মুকং কেরোতি বাচালং পঙ্গুং লজ্জয়তে গিরিম্ ।
যৎরূপা তমহং বন্দে পরমানন্দ মাধবম্ ॥”
“বন্দে শ্রীকৃষ্ণচৈতন্য-দেবং তং করুণার্ণবম্ ।
কলাবপ্যতি গুঢ়েয়ং ভক্তির্ষেণ প্রকাশিতা ॥”
“অগত্যেক গতিং নত্না হীনার্থাধিক সাধকম্ ।
শ্রীচৈতন্যঃ লিখাগ্যস্ত্য মাধুর্যোশ্বর্ষশীকরম্ ॥”

গতিহীনগণের একমাত্র গতি, নিঃসম্বলগণের উপায় স্বরূপ
শ্রীচৈতন্যদেবকে নমস্কার করিয়া তাঁহার মাধুর্য ও ঐশ্বর্যের
কণামাত্র লিখিতেছি ।

এই পুস্তক, একখানি ভ্রমণ র্নতাস্ত । সভ্যদেশের অধিবাসী-
বর্গ সকলে একবাক্যে দেশ-ভ্রমণের আবশ্যিকতা ও উপকারিতা
স্বীকার করেন । অবসর মত দেশ-পর্যটন করা কর্তব্য, একথা
অস্বীকার করিবার উপায় নাই ; এ পরামর্শ অবহেলা করাও

অনুচিত। বিশেষতঃ বাঁহারা সহরে বা নগরে বাস করেন তাঁহাদের পক্ষে দেশ-ভ্রমণ অতীব প্রয়োজনীয়। জীবন সংগ্রামের গভীর আবর্ত ও কঠোর সামাজিক আচার ব্যবহারের বিভীষিকার মতো কালাতিপাত করিয়া এবং স্বভাবের শোভা সন্দর্শনে বঞ্চিত হইয়া, হতভাগ্য নগরনাসী গৃহস্থগণকে বড়ই উৎসাহহীন, বিম্ব ও ব্যাকুল হইয়া পড়িতে হয়। সেই বিভীষিকা ও ব্যাকুলতার হস্ত হইতে নিষ্কৃতিলাভ করিয়া শান্তি পাইবার আশায়, তাহাদিগকে কপটতাপূর্ণ, কোলাহলময় নগর পরিত্যাগ করতঃ জনশূন্য স্থানে ছুটিয়া বাহির হইয়া যাঁতে হয়।

ধনীদিগের বিলাসভূমি নগরের সৌন্দর্য্য সীমাবদ্ধ, কৃত্রিম, বৈচিত্র্যহীন ও বিরক্তিজনক। সূত্রান্ত এখানে সামান্য কারণেই মন চঞ্চল হয়, হৃদয় বিক্ষুব্ধ হয়, শরীর অবসন্ন হয়; কিন্তু প্রকৃতির বিশাল, আবর্জনাহীন, শান্তিপূর্ণ, অনুপম লীলাভবনে যে সৌন্দর্য্য বিকসিত আছে, তাহা মহিমাময়, অপরিচ্ছিন্ন ও বৈচিত্র্যপূর্ণ। চতুর্দিকে গভীর অথচ হাস্যময়, আড়ম্বরহীন অথচ মনোমোহন দৃশ্যাবলী দেখিতে দেখিতে চঞ্চলচিত্ত শান্ত হয়, শরীর পুলকিত হয়, হৃদয়ে এক অভিনব স্বর্গীয় ভাবের উদয় হয়।

প্রকৃতি মাতা তাহার সুবিশাল প্রমোদ কানন এবং বিপুল ভাণ্ডার আপামরজনসাধারণের জন্য সমভাবে উন্মুক্ত রাখিয়াছেন। তাঁহার নিকট ধনী, নিধন, পণ্ডিত, মূর্খ, সাধু, তস্কর সকলেই সমান। সকলেই অবলীলাক্রমে অসঙ্কুচিতচিত্তে মাতৃক্রোড়ে

আশ্রয় গ্রহণ করিতে পারে। প্রকৃতিমাতাও গর্ভধারিণীর ন্যায় সংসার-দুঃখ অসহিষ্ণু, ভগ্নোত্তম, মুহ্যমান, হতভাগ্য সন্তানগণকে শান্তিদানে রূপগতা করেন না। বনমধ্যে বৃক্ষতলেই হউক, গিরিগহ্বরেই হউক, নির্ঝরির সন্নিধানেই হউক, আর প্রান্তর মধ্যেই হউক, বৃক্ষক্রমে বিশ্রামসুখভোগ করুন, কেহ আপত্তি করিবে না। প্রস্রবণ হইতে স্নানির্মল, স্নানীতল, ও স্নানিষ্ঠ জলপান করিয়া পিপাসার শান্তি করুন, প্রকৃতির বিপুল ভাণ্ডারের নানাবিধ উপাদেয় ফলসমূহ নির্ভয়ে দ্বিধাশূন্যচিত্তে গ্রহণ করিয়া জঠরজ্বালা নিবৃত্তি করুন, কেহ আপনাকে নিষেধ করিবে না, কেহ আপনার প্রতিদ্বন্দ্বিতা করিবে না, কেহ আপনাকে প্রতিরোধ করিবে না। এই স্থানে কোন সামাজিক কৃত্রিমতা নাই, কোন বিবাদ বিসম্বাদ নাই, সংসারের জ্বালা যন্ত্রণা নাই। বিশ্বনিয়ন্তার এই রাজ্যাংশে যে আশ্রয় গ্রহণ করে, অন্ততঃ তৎকালে সে-ই মুক্ত, সে-ই স্বাধীন, সে-ই ধর্ম-পরায়ণ।

ধর্মভাব হিন্দুর অস্থিমজ্জায় জড়িত, ধর্মপ্রবৃত্তি শোণিত-ধারার ন্যায় পুরুমানুক্রমে হিন্দুর শিরায় শিরায়, ধমনীতে ধমনীতে প্রবাহিত। শোণিত শরীর হইতে বহির্গত হইয়া গেলে, যেমন দেহের সৌষ্ঠবও সূক্ষ্মা নষ্ট হইয়া যায়, সেইরূপ ধর্মকে হিন্দুর জীবন হইতে অপসারিত করিলে, হিন্দু-জীবনের লালিত্য, সম্পদ, মাধুর্য্য সকলই ধ্বংস প্রাপ্ত হয়; জীবন নিরর্থক হয়। হিন্দু ভূমিষ্ঠ হইবার সময় হইতেই মাতৃস্তনের

সহিত ধর্মরূপ পৌষ্মধারা পান করিতে আরম্ভ করিয়া আজীবন উহা দ্বারা পরিবর্দ্ধিত ও পরিপুষ্ট হয়। হিন্দুর আহারে বিহারে, আচারে ব্যবহারে ধর্ম ; শয়নে উপবেশনে, নিদ্রায় জাগরণে, উত্থানে গতনে ধর্ম। ধর্মছাড়া হিন্দুর আর অন্য গতি নাই। সুতরাং দেশ-ভ্রমণ হিন্দুর ধর্মের অন্তর্গত। হিন্দুর দেশ-ভ্রমণের অপর নাম তীর্থ-ভ্রমণ।

হরিৎপত্র বিশিষ্ট বনস্পত্তিনিচয়ের মধ্য দিয়া অনবরত কুলু কুলু শব্দে নাচিয়া নাচিয়া, আঁকিয়া বাঁকিয়া, চঞ্চলগতিতে নিম্নাভিনুখগামিনী তরঙ্গিণীর স্মৃচ্ছ বক্ষোপরি প্রতিফলিত জ্যোৎস্নারাজি নয়ন পথে পতিত হইলে এবং নিব্বারের অক্ষুটি কলতান, বিহঙ্গমের কূজন, প্রাক্ষুটিত বন-কুমুম সৌরভ-বাহী সুখস্পর্শ সমীরণের শন্ শন্ শব্দ, বৃক্ষপত্রের অবিরাম মর্ম্মরধ্বনি, শ্রবণবিবরে প্রবেশ করিলে সংসারের যাবতীয় ব্যাপার স্মৃতিপথ হইতে অন্তহিত হইয়া, মহিমাময় বিরাটপুরুষের করুণার কথায় হৃদয় পূর্ণ হইয়া যায়।

নিজ্জন বিটপীতলে রজনী যাপন, প্রভাতকালে বিহঙ্গমের বৈতালিক গানে নিদ্রাভঙ্গ, বনজাত ফলমূলে উদর পূরণ, অঞ্জলি অঞ্জলি করিয়া নিব্বারের জলপান অভ্যাস করিলে বিষয়াসক্তি দূরীভূত হইয়া যায়। বিষয়ে অনাসক্ত ব্যক্তির চিত্ত স্বতঃই ঈশ্বরাভিমুখে ধাবিত হয়। কিশলয়সমস্থিত পাদপ-নিচয় পরিশোভিত গিরিশিখর, চিরকলনাদিনী যদৃচ্ছাগামিনী নিব্বারিণী, শস্যশ্রামল রমণীয় দিগন্ত-বিস্তৃত সমতলক্ষেত্র,

অরণ্যপ্রদেশের স্নিগ্ধগন্তীর অনির্কচনীয় শোভা, মধুরগতি ক্ষীণ-
কায়া গিরিনদীর নির্মল প্রবাহ প্রভৃতি হৃদয়মোহকারী দৃশ্যরাজি
অবলোকন করিতে করিতে অস্তঃকরণে এক অভূতপূর্ব, স্বর্গীয়,
শান্তিময় ভাবাবেশ হয় ; তখন জানিতে কৌতূহল হয়, প্রকৃতি-
দেবীর এই অতুলনীয় কমনীয় মূর্তির সৃষ্টিকর্তা কে ? কবি
লিখিয়াছেন,

“বল গো শোভনে অয়ি প্রকৃতি সুন্দরী !
কে রচিল তোমার এ কান্তি সুখকরী ?
কোথা সে রচয়িতা সর্বগুণাধার ?
কোথা গেলে পাব আমি দরশন তাঁর ?
তাঁর কৃপা সিন্ধুনীরে হয়েছি মগন,
মিলিবে কি ক’রে সেই অমূল্য রতন ?”

সেই পরমপিতা বিশ্বরচয়িতার অপার করুণা হৃদয়ে
উপলব্ধি করিতে পারিলে, ভীষণ পাষণ্ড নাস্তিকেরও কঠিন
অস্তঃকরণ দ্রবীভূত হইয়া ধীরে ধীরে কৃতজ্ঞতা ও
ভক্তিরনের সংমিশ্রণে প্ররুত্তি ও প্রকৃতির আমূল পরিবর্তন
সাধিত হয়। তখন মঙ্গলময় পরম কারুণিক বিশ্বনাথের
চরণোদ্দেশে মস্তক স্বতঃই অবনত হইয়া আসে। এবং
মৰ্ম্মস্থলে যে অপরূপ সঙ্গীতধ্বনি উথিত হয়, যে স্পন্দন অনুভূত
হয়, তাহা অতীব বিচিত্র, ও হৃদয় উন্মাদকারী ; সে পবিত্র
আকাজ্জকার উৎপত্তি হয়, তাহা সর্বত্যাগী উদাসীনগণেরও
বাঞ্ছনীয়। অকিঞ্চিৎকর সংসারসুখের উপাদানসমূহ সেই

আকাঙ্ক্ষার পরিভূঞ্জিত করিতে পারে না ; সেই স্পন্দন প্রশমিত করিতে পারে না। প্রভূত সংসারসুখে বিভূষিত হইয়া, পরমার্থ অনুসন্ধান করিবার নিমিত্ত অন্তরের অন্তঃস্থল হইতে প্রেরণা আইসে। দেবতার গুণকীর্তন বাতীত এবং দেবারাধনা বাতীত কিছুতেই হৃদয় প্রকৃতিস্থ হয় না। দেবালয়ের শঙ্খ ঘণ্টাধ্বনি বাতীত কোনও সঙ্গীত, মনস্তৃষ্টি সাধন করিয়া মগ্নবাবীর সহিত একতান হইতে পারে না ; সেই অপার্থিব আকাঙ্ক্ষার পরিভূঞ্জিত করতঃ পরমানন্দ দান করিতে পারে না।

সেই সময় স্মৃতিবলে দেবপ্রতিমার সম্মুখীন হইতে পারিলে, নয়নের অঙ্গানাবরণ উন্মোচিত হইয়া গিয়া, মানস নয়নে দেবতার অন্তর্নিহিত স্বরূপ দেখিবার সৌভাগ্য ও অধিকার জন্মে। অনতিকালমধ্যে শ্রীকৃষ্ণস্কুরণ বা স্ব স্ব ইষ্টদেবতার মূর্তি চক্ষুর সম্মুখে প্রতিভাত হয়। সেই কমনীয়রূপ মানসনয়নের গোচর হইবামাত্র সংসারবন্ধন শিথিল হইয়া যায়। সঙ্গে সঙ্গে নিময়বাসনা, সংসারচিন্তা, উদ্বেগ, অসুখ, হিংসা প্রভৃতি দুর্দমনীয় মনোরত্তিগুলির কবল হইতে নিষ্কৃতিলাভ করিয়া, অভূতপূর্ব স্বর্গীয় আনন্দে হৃদয় ভরিয়া যায়।

তীর্থস্থানে দেবদর্শন মনুষ্যত্ব ও পরমার্থ লাভের প্রধান সহায়। ঘরে বসিয়া পরমার্থচিন্তার বল ব্যাঘাত আছে। সংসার চিন্তা হইতে অব্যাহতি লইয়া, নির্জনস্থানে গমন করতঃ, পরমার্থ চিন্তার সুবিধা করিয়া লওয়াই তীর্থযাত্রার প্রধান উদ্দেশ্য। তীর্থস্থানে সাধু সন্ন্যাসী দিগের দর্শন সহজলভ্য। তাঁহাদের

সহিত সদালাপে, তাঁহাদের ধর্মজীবনের উজ্জ্বল দৃষ্টান্ত অনুসরণে ভগবদ্ভক্তি আপনা হইতে উদয় হয়। দেবস্থানে পারমার্থিক চিন্তার যেরূপ সুন্দর সুবিধা হয় তেমন আর কোথাও হয় না। সেই জন্য হিন্দুগণ সংসারের মায়াজাল ছিন্ন করিয়া, অন্তিমে যোগ্যব্যক্তির উপর সংসারভার অর্পণ করতঃ, আত্মীয়স্বজন ও বাসস্থান পরিত্যাগ পূর্বক তীর্থ-পর্যটনের সৌভাগ্য লাভ করিবার আশীর্বাদ, দেবতাদিগের নিকট প্রার্থনা করিতেন।

দেশ-ভ্রমণের অনেক পুস্তক থাকা সত্ত্বেও আমার এই পুস্তক লিখিবার উদ্দেশ্য, তীর্থ-পর্যটন উপলক্ষ্য করিয়া শ্রীচৈতন্যদেবের জীবনীর একাংশ আলোচনা করা।

শ্রীমদ্ভাগবতে আছে, আর্ষ্যাবর্তে কোথাও কোথাও বৈষ্ণব দৃষ্ট হয়, কিন্তু দ্রাবিড়ে, যেখানে তাম্রপর্ণী, কৃতমালা, পরশ্বিনী প্রভৃতি নদী আছে, যাঁহারা ঐ সকল নদীর জল পান করেন, তাঁহারাই ভগবদ্ভক্ত হন। দক্ষিণা-পথে ভক্তসংখ্যা যেরূপ অধিক, তীর্থসংখ্যা ও তদ্রূপ। যে নয়টী নদী বিষ্ণু পাদপদ্ম হইতে উদ্ভূতা হইয়াছে, তাহাদের মধ্যে গোদাবরী, রেবা (নর্মদা), গৌতমী গঙ্গা, কৃষ্ণা, কাবেরী, ব্রাহ্মণী, বৈতরণী এই সাতটী দক্ষিণদেশস্থা। জলশুদ্ধির মন্ত্রে গোদাবরী, নর্মদা ও কাবেরীর নাম উল্লেখ আছে।

“মহেন্দ্রো মলয়ঃ সহঃ শুক্রিমান ঋক্ষপর্কতঃ

বিক্র্যশ্চ পরিপাত্রশ্চ সপ্তাত্র কুলপর্কতঃ”

দক্ষিণ প্রদেশকে বেষ্ঠন করিয়া আছে। মহর্ষি মাণ্ডুকর্ণি পঞ্চ

অপ্সরাকে পত্নীরূপে গ্রহণ করিয়া এই দক্ষিণদেশের পঞ্চাঙ্গর নামক সরোবরে অবস্থান করিতেন। এই দক্ষিণাপথের দণ্ডকারণো ভগবান শ্রীরাগচন্দ্র পিতৃসভাপালনার্থে চতুর্দশ বৎসর বাস করিয়াছিলেন, এই প্রদেশের অনেক স্থান তাঁহার পাদপূজিতে তীর্থরূপে পরিণত হইয়াছে। এই অরণ্যের ভিতর বিখ্যাত পঞ্চবটী বন। এই বনে রামানুজ লক্ষ্মণ সুপ্ননখার নামাকর্ষণ ছেদন করিয়াছিলেন। দণ্ডকারণের দক্ষিণে পরম রমণীয় পল্লী সরোবর এবং ঋষামুখ পর্বত। এই স্থানে রঘুনাথ জনকনন্দিনীর উদ্ধারের জন্য সুগ্রীব ও হনুমানের সহিত মিলিত হন।

শাস্ত্রবিদ্যাসী হিন্দুগণের ধারণা এই যে, দক্ষিণাপথের মলয়পর্বতোপরি মহর্ষি অগস্ত্যা এখনও ঈশ্বর আরাধনার জীবনযাপন করিতেছেন। আধুনিক মনোবিগণ স্থির করিয়াছেন যে, মহর্ষি অগস্ত্যই দক্ষিণভারতে আয্যসভ্যতার প্রবেশপথ পরিষ্কার করিয়াছিলেন।

মহাকবি কালিদাস তাঁহার অনু তনয়ী লেখনীমুখে দক্ষিণ সমুদ্রের শোভা বর্ণনা করিয়াছেন। গোদাবরী প্রভৃতি নদীর তীরস্থ কাননশোভা অনির্করণীয় ও মনোমুগ্ধকর। এই দক্ষিণাপথেই কেবলদেশ বা পরশুরাম ক্ষেত্র; ভগবান পরশুরাম, কেবলের মধ্যে সর্বশ্রেষ্ঠ পুণ্যভূমি ত্রিচুড়ে বাস করিয়া শিবালয় স্থাপন করিয়াছিলেন। এই প্রদেশে শিবাবতার ভগবান শ্রীমন্ শঙ্করাচাৰ্য্য আবির্ভূত হইয়া, বৌদ্ধধর্ম বিতাড়িত করিয়া হিন্দু

ধর্মের পুনঃপ্রতিষ্ঠা করিয়াছিলেন। এই প্রদেশেই শ্রীমৎ রামানুজাচার্য্য শ্রীবৈষ্ণবসম্প্রদায় সৃষ্টি করিয়া বিষ্ণুপূজার প্রথম প্রবর্তন করেন।

দক্ষিণ প্রদেশে সর্বত্রই শিবপূজা প্রচলিত, সুতরাং শিব-মন্দিরের আধিকা দৃষ্ট হয়। ভগবান আশুতোষ, কুম্ভকোণম্ এ 'কুম্ভেশ্বর,' মাদুরায় 'সুন্দরেশ্বর,' তাঞ্জোরে 'রুদ্ধেশ্বর,' তিরুভেলায়ে 'অচলেশ্বর,' তিনভেলীতে 'বংশেশ্বর,' এবংগোকর্ণে 'মহাবালেশ্বর,' রূপে অবস্থান করিতেছেন। এই দক্ষিণদেশে দ্বাদশটি অনাদি জ্যোতিলিঙ্গের মধ্যে, 'মল্লিকার্জুন' নামক মহাদেব কৃষ্ণানদীতীরে শ্রীশৈলে, 'ওঁকারেশ্বর' নামক মহাদেব নর্মদা নদীতীরে মাক্কাতায়, 'ত্র্যম্বকেশ্বর' নামক মহাদেব গোদাবরী নদী তীরে ত্র্যম্বকে এবং 'রামেশ্বর' নামক মহাদেব সেতুবন্ধ রামেশ্বরে অধিষ্ঠিত আছেন। এই দক্ষিণাপথে ভগবান ভবানীপতি কুত্তিবাস পাঞ্চভৌতিক মূর্তিতে বিরাজমান। কাঞ্চীপুরে ক্ষিত্তিমূর্তি, কলহস্তীতে বায়ুমূর্তি, চিদাম্বরম্ এ ব্যোমমূর্তি, শ্রীরঙ্গম্নগরে অপমূর্তি, এবং তিরুবনমলায়ে তেজোমূর্তি বিদ্যমান আছে। এই দক্ষিণদেশে হরপার্বতী আত্মজ দেবসেনাপতি যড়ানন, স্কন্দক্ষেত্রে সুব্রহ্মণ্যস্বামী বা কুমারস্বামীরূপে বিরাজ করিতেছেন।

ভগবান রেবতীরমণ বলদেব এই দক্ষিণদেশের ৩২টি তীর্থ পরিভ্রমণ করিয়াছিলেন; সেই সকল তীর্থ এখনও বর্তমান আছে। এই প্রদেশে চতুরানন ব্রহ্মার মন্দির আছে এবং

পূজাও হইয়া থাকে। এই প্রদেশে ভগবান শ্রীপতি ও উমা-পতি, উভয়ের সম্মিলিতমূর্তিতে শঙ্করনারায়ণ ও হরিহররূপে বিরাজিত আছেন।

শ্রীনন্দনন্দন বনমালী শ্রীকৃষ্ণ, দ্বিভুজ বালগোপাল মূর্তিতে উড়ুপীনগরে প্রসিদ্ধ বৈষ্ণবাচার্য্য শ্রীমন্মাধবাচার্য্য কর্তৃক স্থাপিত মন্দির উজ্জ্বল করিতেছেন। ভগবান কমলাপতি, অনন্তশয্যায় শয়ান শ্রীরঙ্গনাথ মূর্তিতে শ্রীরঙ্গধামের এবং অনন্তপদ্মনাভরূপে ত্রিবঙ্গুররাজ্যের শোভা বর্দ্ধন করিতেছেন। ভক্তবৎসল নারায়ণ, এই দক্ষিণদেশের পয়স্বিনীনদীতীরে আদিকেশব মূর্তিতে, ত্রিবঙ্গুর রাজ্যে শ্রীজনার্দনরূপে, পাক্কার পুরে বিঠোবা মূর্তিতে, কাঞ্চীপুবে শ্রীবরদা রাজরূপে, এবং তিরুমালায় ব্যাকটেশ্বররূপে অধিষ্ঠান করিয়া ভক্তগণের মনোবাঞ্ছা পূর্ণ করিতেছেন।

জগজ্জননী হৈমবতী, এই দক্ষিণাপথের পশ্চিম উপকূলে বোম্বাই সহরে মুম্বাদেবীরূপে ; দক্ষিণ প্রান্তভাগে কুমারী মূর্তিতে বিরাজ করিয়া অধম সন্তানগণের দুর্গতিনাশ করিতেছেন। গোদাবরী সাগরসঙ্গমে গণেশজননী, কমলে-কামিনীরূপে শ্রীমন্তু সদাগরকে দর্শন দিয়াছিলেন।

তীর্থ-পর্যটন এবং তীর্থকথা আলোচনা করার প্ররতি হিন্দুর স্বভাব সিদ্ধ। সাধারণ মানবের তীর্থভ্রমণ কাহিনী পাঠ করিলে যে জ্ঞান ও আনন্দলাভ হয় মহাপ্রভুর তীর্থযাত্রা বিবরণ পাঠ করিলে তাহা অপেক্ষা অধিক জ্ঞান ও আনন্দ লাভ ত হইবেই,

অধিকন্তু ধর্মপ্রাণ হিন্দুসন্তানগণের নিকট ঐ বিবরণ বিশেষ-
রূপে আদরণীয় হওয়া সম্ভব। মহাপ্রভু তীর্থযাত্রার ব্যাপদেশে
কিভাবে তীর্থযাত্রা করিতে হয়, কিভাবে দেবদর্শন করিতে হয়
জীবগণকে শিক্ষা দিয়াছিলেন। সুতরাং তাঁহার পদ্ধতি
অনুসরণ করিলে, তাঁহার শ্রীচরণ স্মরণ করিয়া, শ্রীভগবানের
উপর নির্ভর করতঃ তীর্থযাত্রা করিলে, তীর্থ দর্শন ও দেবদর্শন
সার্থক হইবে এরূপ আশা করা অসঙ্গত নয়।

তীর্থ বিষয় আলোচনা করিবার ইচ্ছায় আমি শ্রীচৈতন্য
চরিতামৃত্তে বিবৃত শ্রীচৈতন্যদেবের দক্ষিণ ভ্রমণ বিবরণ অনুসরণ
করিয়া এবং Imperial Gazetteer of India এবং অন্যান্য
পুস্তক হইতে তথ্য সংগ্রহ করিয়া শ্রীচৈতন্যদেবের দক্ষিণ ভ্রমণ
রচনা করিয়াছি। সুধীগণের মনোরঞ্জন করিতে সমর্থ হইব
এরূপ সৌভাগ্য কিম্বা বিদ্যাবুদ্ধিও আমার নাই। কিন্তু যদি
এই গ্রন্থ পাঠ করিয়া কাহারও সামান্য মাত্র সুবিধা বা উপকার
হয়, তাহা হইলে আমার পরিশ্রম সার্থক হইয়াছে বিবেচনা
করিব। পাঠক পাঠিকাগণের নিকট আমার বিনীত নিবেদন
এই যে, অনুগ্রহ পূর্বক অপরাধ ও ত্রুটি মার্জনা করিয়া এই
পুস্তকের ভ্রমপ্রমাদগুলি আমার গোচর করিলে আমি চিরকৃতজ্ঞ
ও পরম অনুগৃহীত হইব।

৯ নং উল্টাডাঙ্গা মেন রোড,

কলিকাতা।

শ্রীচারুচন্দ্র শ্রীমাণী।

২৮শে জ্যৈষ্ঠ, ১৩৪২ সাল।

সূচীপত্র

প্রথম পরিচ্ছেদ—তীর্থপর্যটন	১— ১৭
দ্বিতীয় পরিচ্ছেদ—তীর্থপর্যটন	১৮— ৩৫
তৃতীয় পরিচ্ছেদ—তীর্থপর্যটনের ফল	৩৬— ৫০
চতুর্থ পরিচ্ছেদ—তীর্থস্থানের তালিকা	৫১— ৬৪
পঞ্চম পরিচ্ছেদ—তীর্থস্থান পরিচয়	৬৫—১৩৩
ষষ্ঠ পরিচ্ছেদ—উপসংহার	১৩৪—১৪৪

শ্রীচৈতন্যদেবের দক্ষিণ ^{উর্গা পূ} ভ্রমণ

প্রথম পরিচ্ছেদ

তীর্থ-পর্যটন

শ্রীচৈতন্যদেব ১৪৩২ শকের (১৫১০ খৃষ্টাব্দের) বৈশাখ মাসের প্রথমে দক্ষিণদেশ পরিভ্রমণ করিবার অভিলাষ করেন । তিনি তাঁহার আপনার অন্তরঙ্গ বন্ধু ও ভক্তগণকে নিকটে আনাইয়া, তাঁহাদিগকে আলিঙ্গন করিয়া হস্ত ধারণপূর্বক বিনয়-নম্র-বচনে বলিলেন, “তোমরা আমার প্রাণ অপেক্ষা প্রিয়তম, প্রাণ ত্যাগ করিতে পারি কিন্তু তোমাদিগকে ছাড়িতে পারিনা । তোমরা আমার প্রকৃত বন্ধুর কার্য্য করিয়াছ । তোমাদের কৃপায় আমার জগন্নাথ দর্শন হইয়াছে । অধুনা আমি তোমাদের নিকট এই প্রার্থনা করিতেছি যে তোমরা সকলে আমাকে দক্ষিণ দেশে যাইতে অনুমতি প্রদান কর । অগ্রজ বিশ্বরূপের অনুসন্ধান করিবার জন্য আমি কাহাকেও সঙ্গে না লইয়া একাকী দক্ষিণ দেশে গমন করিব । যতদিন পর্য্যন্ত আমি তীর্থ পর্য্যটন সমাপন করিয়া প্রত্যাভর্তন না করি ততদিন তোমরা নীলাচলে অবস্থান কর ।” এই কথা শুনিয়া ভক্তমণ্ডলী অতীব দুঃখিত

হইলেন। তাহাদের মুখ শুখাইয়া গেল, মস্তকে যেন বজ্রাঘাত হইল। কেহ কোনও উত্তর করিতে পারিলেন না; সকলে বিষণ্ণবদনে বাঙ নিষ্পত্তি না করিয়া বসিয়া রহিলেন। অবশেষে নিত্যানন্দপ্রভু বলিলেন, “ইহা কেমন করিয়া হইতে পারে? তুমি একাকী যাইবে ইহা কেহই সহ্য করিতে পারিবে না। তোমার যাহাকে ইচ্ছা এমন দু একজন লোক তোমার সঙ্গে চলুক। আমি দক্ষিণ প্রদেশের তীর্থ সকল পর্যটন করিয়াছি; তীর্থপথ বিশেষরূপই অবগত আছি। প্রভু! যদি তুমি অনুমতি কর তাহা হইলে আমি তোমার সঙ্গে যাইব।” প্রভু বলিলেন, “তুমি সূত্রধার, আমি নর্তক। তুমি আমাকে যেমন নাচাও আমি তেমনি নাচি। সন্ন্যাস ধর্ম গ্রহণ করিয়া আমি শ্রীন্দাবনধামাভিমুখে চলিলাম, তুমি আমাকে ভুলাইয়া অদ্বৈত-ভবনে লইয়া যাইলে। নীলাচল পথে, তুমি আমার সন্ন্যাস-আশ্রমের চিহ্ন দণ্ডগাছটী ভাঙ্গিয়া দিলে। তোমাদের অকৃত্রিম স্নেহে আমার সন্ন্যাসধর্ম নিষ্কল হইতেছে। জগদানন্দ আমাকে বিষয়ীর ন্যায় বিষয় ভোগ করাইতে চায়; তার ভয়ে আমি তাহার বাক্য লঙ্ঘন করিতে পারি না; যা বলে তাই করি। আমি সন্ন্যাসধর্ম পালন করিতে শীতকালে তিনবার স্নান করি, ভূতলে শয়ন করি বলিয়া মুকুন্দ কোন প্রতিবাদ না করিয়া দুঃখিত অস্তুঃকরণে বিষণ্ণবদনে কালাতিপাত করে। তাহার দুঃখ দেখিয়া আমার হৃদয় ফাটিয়া যায়। আমি সন্ন্যাসী; দামোদর ব্রহ্মচারী লোকমত গ্রাহ্য করে না। আমাকে

বিন্দুমাত্র ঞায়পথভ্রষ্ট, সন্ন্যাসধর্মচ্যুত হইতে দেখিলে দামোদর আমাকে শাসন করে। তোমাদের ভালবাসা আমাকে বাঁধিয়া রাখিয়াছে। ভ্রাতৃগণ! তোমরা ধৈর্য্যাবলম্বন করিয়া নীলাচলে অবস্থান কর, আমি একাকী তীর্থ ভ্রমণ করিয়া আসি।”

নিত্যানন্দপ্রভু, জগদানন্দপণ্ডিত, মুকুন্দ ও দামোদর এই চারিজন তাঁহার সঙ্গে যাইবার জন্য কত অনুনয় বিনয়, সাধা-সাধনা করিলেন কিন্তু প্রভু কিছুতেই স্বীকৃত হইলেন না। তখন অনেক বাদানুবাদের পর, অনন্তোপায় শ্রীকৃষ্ণচৈতন্য, নিত্যানন্দ-প্রভুর অনুরোধে কৃষ্ণদাস নামক এক ব্রাহ্মণ-কুমারকে সমভিব্যাহারে লইয়া যাইতে স্বীকার করিলেন। সকলের সঙ্গে প্রভু সার্কভৌম ভট্টাচার্য্য মহাশয়ের গৃহে গমন করিলেন ; এবং তাঁহার নিকট দক্ষিণাপথে তীর্থ-যাত্রার সঙ্কল্প প্রকাশ করিলেন। প্রভুর অভিপ্রায় অবগত হইয়া ভট্টাচার্য্য মহোদয় বড়ই ব্যাকুল হইয়া পড়িলেন। তিনি প্রভুর চরণযুগল ধারণ করিয়া গলদশ্রবণমুখে গদগদবচনে বলিতে লাগিলেন, “পূর্বপূর্বজন্মের পুণ্যফলে তোমার সাহচর্য্য লাভ করিয়াছিলাম ; এখন বিধাতা আমার উপর বিরূপ হইয়া তোমার সঙ্গসুখ হইতে বঞ্চিত করিলেন। মাথায় বজ্রাঘাত হইয়া যদি পুত্র অকালে কালগ্রাসে পতিত হয়, তাহা অনায়াসে সহ্য করিতে পারি কিন্তু তোমার বিচ্ছেদছালা একেবারে অসহ্য। যখন তুমি সঙ্কল্প করিয়াছ তখন তুমি যাইবেই যাইবে ; কেহ তাহার অন্যথা করিতে পারিবে না। তবে আমার বিনীত নিবেদন এই যে দয়া করিয়া আরও দিন

কয়েক এইস্থানে অবস্থান কর, আমরা মনের সাধ মিটাইয়া প্রাণভরিয়া তোমার চরণকমল সন্দর্শন করি।” শ্রীচৈতন্যদেব সার্কভৌম ভট্টাচার্য্য মহাশয়ের প্রার্থনা প্রত্যাখ্যান করিতে না পারিয়া সেইস্থানে তিন চারিদিন অতিবাহিত করিলেন। প্রভু ভট্টাচার্য্য মহাশয়ের নিকট তীর্থযাত্রা করিবার অনুমতি প্রার্থনা করিলেন ; নিরুপায় ভট্টাচার্য্য আর থাকিবার জন্য অনুরোধ করিতে সাহস করিলেন না ; বিদায় দিতে সম্মত হইলেন।

সকলে মিলিয়া প্রভুর সহিত জগন্নাথ মন্দিরে আগমন করিলেন। নীলাচলনাথ দর্শন করিয়া তাঁহার নিকট অনুমতি প্রার্থনা করিলেন। পূজারী প্রভুকে মালাপ্রসাদ আনিয়া দিল। আজ্জামালা পাইয়া প্রভু ভট্টাচার্য্য মহাশয় ও অন্যান্য নিজগণের সহিত জগন্নাথ দেবকে প্রদক্ষিণ করিয়া ও ভক্তিভরে প্রণাম করিয়া সহর্ষে দক্ষিণাপথ তীর্থ পর্য্যটনে যাত্রা করিলেন।

সার্কভৌম মহাপ্রভুর সহিত সমুদ্রতীর পর্য্যন্ত আগমন করিলেন। গৃহাভিমুখে প্রত্যাগমন করিবার পূর্বে তিনি প্রভুর নিকট নিবেদন করিলেন, “আমার একটা অনুরোধ রক্ষা করিও। গোদাবরী নদী তীরে বিজ্ঞানগরে উৎকল রাজ-প্রতিনিধি রাজা রামানন্দ রায় বাস করেন। তিনি তোমার উপযুক্ত সহচর ; তাঁহার ঞায় রসিক ভক্ত পৃথিবীতে আর নাই। আমি তাঁহার উচ্চ অঙ্গের ধর্মভাব বুঝিতে না পারিয়া, অজ্ঞানতা বশতঃ সময়ে সময়ে তাঁহাকে পরিহাস করিয়াছিলাম। তোমার কৃপায় আমার জ্ঞানোদয় হইয়াছে ; তুমি তাঁহার সহিত সাক্ষাৎ

করিও, প্রচুর আনন্দ উপভোগ করিবে।” শ্রীচৈতন্যদেব রাজা রামানন্দ রায়ের সহিত সাক্ষাৎ করিবেন অঙ্গীকার করিয়া সার্কভৌম ভট্টাচার্য্য মহাশয়কে বিদায় দিবার জন্য আলিঙ্গন করিয়া বলিলেন, “ঘরে বসিয়া কৃষ্ণ আরাধনা করিয়া আমাকে আশীর্বাদ কর যেন আমি তোমার প্রসাদে তীর্থ ভ্রমণ সমাপন করিয়া নিরাপদে নীলাচলে প্রত্যাবর্তন করিতে পারি।” এই বলিয়া মহাপ্রভু দ্রুত পাদবিক্ষেপে সেই স্থান হইতে চলিয়া গেলেন। তৎক্ষণাৎ সার্কভৌম ভট্টাচার্য্য মহাশয় মূর্ছিত হইয়া ভূতলে পতিত হইলেন। নিত্যানন্দ প্রভু, ভট্টাচার্য্য মহাশয়ের মূর্ছা অপনোদন করিয়া, তাঁহাকে ভূমি হইতে উত্তোলন করিয়া, জনৈক ভক্ত সমভিব্যাহারে তাঁহাকে গৃহে পাঠাইয়া দিলেন। ইত্যবসরে গোপীনাথ বস্তু প্রসাদ লইয়া আগমন করিলেন।

গোপীনাথ ও নিত্যানন্দাদি চারিজন^{দেখ}ের সহিত মহাপ্রভু আলালনাথে উপস্থিত হইলেন। পুরীর চারি ক্রোশ দক্ষিণে আলালনাথের মন্দির। প্রভু আলালনাথকে প্রণাম ও বন্দনা করিয়া প্রেমাবেশে নৃত্যগীত করিতে লাগিলেন। দেখিতে দেখিতে সেন্থান জনতায় পরিপূর্ণ হইয়া গেল। লোকারণ্যের ভিতর জ্ঞানহারা গৌরহরি হরিবোল হরিবোল বলিয়া নৃত্য করিতেছেন; তথু কাঞ্চন সদৃশ বর্ণ, পরিধানে অরুণ বসন, পুলক, অশ্রু, কম্প প্রভৃতি সাত্ত্বিক ভাব দেখিয়া সকলে চমৎকৃত হইলেন। যে আসে তাহার আর বাটী

ফিরিয়া যাইবার ইচ্ছা হয় না। আবাল বৃদ্ধ বনিতা সকলে প্রেম তরঙ্গে ভাসমান হইয়া উন্নতের ন্যায় নৃত্যগীত করিতে লাগিলেন। মধ্যাহ্ন কাল অতীত হইয়া গেল কিন্তু জনতার কিছুমাত্র ভ্রাস হইল না দেখিয়া নিত্যানন্দ গোসাঞি বলপূর্ব্বক মহাপ্রভুকে স্নানাহারার্থ লইয়া গেলেন। গোপীনাথ দুই প্রভুকে পরিতোমে আহার করাইলেন। প্রভুর শেষ প্রসাদান্ন সকলে মিলিয়া গ্রহণ করিল।

এদিকে জনতা উত্তরোত্তর বৃদ্ধি পাইতে লাগিল, সকলে ঘন-ঘন হরিধ্বনি করিতে লাগিল। তখন মহাপ্রভু আর স্থির থাকিতে পারিলেন না, দ্বার উন্মোচন করিয়া বাহিরে আসিলেন। সকলে তাঁহার শ্রীমূর্ত্তি দর্শন করিয়া বিমল আনন্দ উপভোগ করিতে লাগিল। রাত্রে কেহ নিদ্রা গেল না; কৃষ্ণকথা প্রসঙ্গে রজনী অতিবাহিত হইল। প্রভু প্রত্যুষে স্নানাহিক সমাপন করিয়া ভক্তগণকে আলিঙ্গন করিয়া বিদায় দিলেন। অনেকে গৌর বিরহ সহ্য করিতে না পারিয়া মূর্চ্ছিত হইয়া ভূতলে পতিত হইল; কিন্তু গৌরহরি সেদিকে দৃকপাত করিলেন না। ভক্তগণের বিরহে তাঁহার হৃদয় ফাটিয়া যাইবার উপক্রম হইল, কিন্তু তিনি শোকাবেগ সংবরণ করিয়া প্রেমাবেশে নাম সঙ্কীৰ্ত্তন করিতে করিতে মত্তসিংহের ন্যায় সেশ্বান হইতে প্রস্থান করিলেন। কৃষ্ণদাস পাত্র-বস্ত্র লইয়া তাঁহার অনুগমন করিল। ভক্তগণ সেদিন উপবাসী থাকিয়া পরদিন দুঃখিতাস্তঃকরণে নীলাচলে প্রত্যাবর্ত্তন করিল।

“কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! হে ।
 কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! হে ।
 কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! রক্ষ মাম্ ।
 কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! কৃষ্ণ ! পাহিমাম্ ॥

রাম রাঘব ! রাম রাঘব ! রাম রাঘব ! রক্ষমাম্ ।

কৃষ্ণ কেশব ! কৃষ্ণ কেশব ! কৃষ্ণ কেশব ! পাহিমাম্ ॥”

এই শ্লোক পড়িতে পড়িতে পথ অতিবাহিত করিতে
 লাগিলেন ।

আলালনাথ হইতে নিমাইচাঁদ কুর্মক্ষেত্রে উপনীত হইলেন ।
 কুর্মবিগ্রহ দেখিয়া প্রণাম করিয়া স্তুতি করিলেন । কখনও
 হাসিতে হাসিতে, কখনও কাঁদিতে কাঁদিতে নৃত্যগীত করিতেছেন
 দেখিয়া সকলে চমৎকৃত হইলেন, সকলে মোহিত হইয়া
 গেলেন । কতক্ষণ পরে প্রভুর বাহুজ্ঞান হইল । কুর্মদেবের
 সেবকেরা তাঁহার প্রতি সম্মান প্রদর্শন করিয়া আদর অভ্যর্থনা
 করিতে লাগিলেন । কুর্মনামে এক বৈদিক ব্রাহ্মণ ভক্তিশ্রদ্ধা
 সহকারে প্রভুকে নিমন্ত্রণ করিয়া নিজালয়ে লইয়া গেলেন ।
 তাঁহার পদ প্রক্ষালন করিয়া পরিবারস্থ সকলে সেই পাদোদক
 পান করিলেন । পরে তাঁহাকে পরম পরিতোষ পূর্বক
 ভোজন করাইয়া তাঁহার প্রসাদাবশেষ সপরিবারে গ্রহণ
 করিলেন । প্রভু সেই স্থানেই রজনী অতিবাহিত করিলেন ।
 প্রাতঃকালে স্নানাদি সমাপন করিয়া প্রয়াণ করিলেন । কুর্ম
 তাঁহার অনুসরণ করিয়া অনেক দূর গমন করিলেন । পরিশেষে

মহাপ্রভু কুর্মকে গৃহে থাকিয়া নিরন্তর কৃষ্ণনাম লইবার উপদেশ দিয়া গৃহে পাঠাইয়া দিলেন ।

বাসুদেব নামে এক কুষ্ঠরোগগ্রস্থ সদাশয় ব্রাহ্মণ গৌর-
হরির প্রস্থানের পর, কুর্ম-গৃহে প্রভু অবস্থান করিতেছেন
শুনিয়া, তাঁহার শ্রীচরণ দর্শনার্থ কুর্মের গৃহে আগমন করিলেন ।
প্রভু চলিয়া গিয়াছেন দেখিয়া অনেক প্রকার বিলাপ করিতে
লাগিলেন । এমন সময় গৌরহরি অকস্মাৎ তথায় উপস্থিত
হইয়া বাসুদেবকে আলিঙ্গন করিলেন । প্রভুর স্পর্শে
বাসুদেবের সকল দুঃখ দূর হইল, তাহার দুরারোগ্য ব্যাধি
অন্তর্হিত হইল । বাসুদেব নিরাময় হইয়া মনোহর কলেবর
প্রাপ্ত হইলেন । প্রভুর রূপা দেখিয়া বাসুদেব বিস্মিত হইয়া
প্রভুর স্তব করিতে লাগিলেন ।

“মোরে দেখি, মোর গন্ধে পলায় পামর
হেন মোরে স্পর্শ তুমি, স্বতন্ত্র ঈশ্বর ।
কিন্তু আছিলাম ভাল অধম হইয়া
এবে অহঙ্কার মোর জন্মিবে আসিয়া ॥”

প্রভু তাহাকে সান্ত্বনা করিয়া কহিলেন, “তুমি নিরন্তর কৃষ্ণ
নাম কর ; কৃষ্ণনাম লইতে উপদেশ দিয়া জীবের উদ্ধার
সাধন কর । অচিরে শ্রীকৃষ্ণচন্দ্র তোমায় দয়া করিবেন ; তোমার
কখনও অভিমান জন্মিবে না ।” এই বলিয়া শ্রীচৈতন্যদেব
তথা হইতে অন্তর্হিত হইলেন । কুর্ম ও বাসুদেব দুইজনে
পরস্পরের গলা ধরিয়া রোদন করিতে লাগিলেন ।

প্রভু ভ্রমণ করিতে করিতে কিছুদিন পরে 'জয়ড' নৃসিংহ ক্ষেত্রে উপস্থিত হইলেন। নৃসিংহমূর্তি দেখিয়া, সাষ্টাঙ্গে প্রণিপাত করিয়া

“শ্রীনৃসিংহ জয়, নৃসিংহ জয়, জয় নৃসিংহ
প্রহ্লাদেশ জয় পদ্মমুখ পদ্মভূঙ্গ ॥”

বলিয়া স্তুতি করিয়া প্রেমাবেশে নৃত্য করিতে লাগিলেন। নৃত্যগীত শেষ হইলে নৃসিংহসেবক মালাপ্রসাদ আনিয়া দিল। এখানেও এক ব্রাহ্মণ তাঁহাকে নিমন্ত্রণ করিলেন। তাহার বাটীতে ভিক্ষা গ্রহণ করিয়া রজনী যাপন করিলেন। প্রেমাবেশে দিগ্বিদিক জ্ঞানশূন্য হইয়া চলিতে চলিতে, সকলকে বৈষ্ণব ধর্মে দীক্ষিত করিতে করিতে, গোদাবরী নদী তীরে আসিয়া উপনীত হইলেন।

গোদাবরীতীর ঘন সন্নিবিষ্ট বিবিধ বনপাদপ সমূহে সমাচ্ছন্ন। সেই অপূর্ব শোভাশালী বন ও নদী দেখিয়া যমুনা তীরস্থ বৃন্দাবন বলিয়া তাঁহার ভ্রম হইল। বাহুজ্ঞান হারাইয়া অনেকক্ষণ ধরিয়া নাচিতে নাচিতে গান করিলেন। পরে প্রকৃতিস্থ হইলে গোদাবরীর অপর পারে গিয়া স্নান করিলেন। স্নানের ঘাট হইতে কিছুদূরে বাইয়া উপবেশন করিয়া হরিনাম সঙ্কীৰ্ত্তন করিতে লাগিলেন। এমন সময়ে রাজা রামানন্দ রায় দোলায় চড়িয়া বহু সংখ্যক বৈদিক ব্রাহ্মণ সমভিব্যাহারে বাজনা বাজাইতে বাজাইতে স্নানার্থ সেই ঘাটে আসিয়া উপস্থিত হইলেন এবং স্নান তর্পণাদি শেষ করিলেন। এই

স্থানের নাম বিদ্যানগর। প্রভু তাঁহাকে দেখিয়াই সার্বভৌম ভট্টাচার্য্য মহাশয়ের নির্দেশমত তাঁহাকে রাজা রামানন্দ রায় বলিয়া চিনিতে পারিলেন, এবং তাঁহার সহিত মিলিত হইবার জন্য অতিশয় উৎকণ্ঠিত হইয়া উঠিলেন কিন্তু ধৈর্য্যাবলম্বন করিয়া সেই স্থানেই বসিয়া রহিলেন।

রাজা রামানন্দ স্নানাহ্নিক সমাপন করিয়া গৃহে ফিরিয়া যাইবার উদ্যোগ করিতেছেন, এমন সময়ে দেখিতে পাইলেন যে অনতিদূরে সুবলিত প্রকাণ্ডদেহ এবং কমললোচন এক অপূৰ্ণ সন্ন্যাসী দশদিক আলো করিয়া বসিয়া আছেন। সন্ন্যাসী দেখিয়া তিনি চমৎকৃত হইলেন এবং সন্ন্যাসীর নিকটে গিয়া দণ্ডবৎ হইয়া প্রণাম করিলেন। প্রভু জানেন তথাপি জিজ্ঞাসা করিলেন, “আপনি কি রাজা রামানন্দ রায়?” রায়জী উত্তর করিলেন, “আমিই সেই অধম শূদ্র।” তখন গৌরহরির ধৈর্য্যচ্যুতি হইল; তিনি আর স্থির থাকিতে পারিলেন না; দ্রুত পাদবিক্ষেপে রাজার নিকট গমন করিয়া তাঁহাকে গাঢ় আলিঙ্গন পাশে বদ্ধ করিলেন। উভয়েই প্রেমোন্মত্ত ও আত্মবিস্মৃত। উভয়ের শরীরে শ্বেদ, অশ্রু, কম্প, পুলক প্রভৃতি সাত্ত্বিক ভাবের উদয় হইল। আলিঙ্গন-বদ্ধাবস্থায় চৈতন্য হারাইয়া উভয়ে ভূতলে পতিত হইলেন। গৌরহরি বিহ্বল হইয়া ক্রন্দন করিতে লাগিলেন। এই দৃশ্য দেখিয়া রাজা রামানন্দ রায়ের সহচর ব্রাহ্মণগণ বিস্মিত হইয়া মনে মনে বাদানুবাদ করিতে লাগিলেন, “ব্যাপার কি? ব্রহ্ম সম

তেজোময় এই অপূর্ব সন্ন্যাসী একজন বিষয়ী শূদ্রকে আলিঙ্গন করিয়া ক্রন্দন করিতেছেন কেন ? আর কেনইবা মহারাজ মহা পণ্ডিত ও গান্ধীর্ষ্যশালী হইয়াও সন্ন্যাসীকে স্পর্শ করিবামাত্র এরূপ চঞ্চল হইয়া উঠিলেন ?” কিছুতেই ইহার মীমাংসা করিতে পারিলেন না। লোক সমাগম দেখিয়া উভয়ে ধৈর্য্যাবলম্বন করিলেন, এবং সুস্থ ও প্রকৃতিস্থ হইয়া সেই স্থানে উপবেশন করিলেন।

মহাপ্রভু হাসিয়া হাসিয়া বলিতে লাগিলেন, “সার্কভৌম ভট্টাচার্য্য তোমার গুণ বর্ণনা করিয়া তোমার সহিত সাক্ষাৎ করিবার জন্য আমাকে সনির্কঙ্ক অনুরোধ করিয়াছিলেন, তোমার সহিত সাক্ষাৎ করিবার জন্যই আমার এখানে আগমন। অনায়াসে তোমার সাক্ষাৎ লাভ হইল বড়ই ভাল হইল।” রাজা উত্তর করিলেন, “সার্কভৌম ভট্টাচার্য্য মহাশয় আমাকে ভূত্য জ্ঞান করিয়া বড়ই স্নেহ করেন। আমি তাঁহার রূপায় তোমার চরণ দর্শন করিলাম ; আমার মানবজন্ম সফল হইল। তুমি ঈশ্বর, সাক্ষাৎ নারায়ণ ; আমি রাজসেবী বিষয়ী শূদ্রাধম। তুমি ঘৃণা না করিয়া স্পর্শ করিয়া আমার উদ্ধার সাধন করিলে। পরমদয়ালু তুমি পতিত পাবন।” প্রভু বলিলেন, “তুমি ভাগবতোত্তম ; আমি মায়াবাদী সন্ন্যাসী। তোমার স্পর্শে পবিত্র হইলে আমার কৃষ্ণ প্রেম লাভ হইবে বলিয়া সার্কভৌম দয়া করিয়া তোমার সহিত সাক্ষাৎ করিবার উপদেশ দিয়াছিলেন।”

এইরূপে উভয়ে পরস্পর পরস্পরের স্তুতি করিতেছেন. এমন সময়ে এক বৈষ্ণব ব্রাহ্মণ আসিয়া প্রণাম করিয়া প্রভুকে নিমন্ত্রণ করিলেন। গৌরচন্দ্র নিমন্ত্রণ গ্রহণ করিলেন এবং ঈষৎ হাসিয়া রামানন্দকে বলিলেন, “তোমার মুখে কৃষ্ণ কথা শুনিতে আমার বড় অভিলাষ আছে, যেন আবার তোমার দর্শন পাই।” রায় বলিলেন, “যদি এই নরাধমকে উদ্ধার করিতে আসিয়াছ, তবে দিন কয়েক এখানে থাকিয়া আমার এই চঞ্চল, অপবিত্র মনকে শুদ্ধ ও শান্ত করিয়া কৃতার্থ কর।” রাজা প্রণাম করিয়া চলিয়া গেলেন ; গৌরহরি সেই ব্রাহ্মণের বাটী গিয়া মধ্যাহ্ন ভোজনাদি সমাপন করিলেন।

সন্ধ্যা হইল প্রভু স্নান করিয়া রাজার জন্য অপেক্ষা করিতেছেন, এমন সময় রাজা রামানন্দ রায় একমাত্র পরিচারক সমভিব্যাহারে তথায় আসিয়া মহাপ্রভুকে প্রণাম করিলেন। প্রভু রাজাকে আলিঙ্গন করিলেন। দুই জনে কথোপকথন আরম্ভ হইল।

প্রভু কহে পড় শ্লোক, সাধ্যের নির্ণয়
রায়কহে স্বধর্ম্যচরণে বিমুণ্ডক্তি হয়।
প্রভুকহে এহো বাহু আগে কহ আর
রায়কহে কৃষ্ণে কর্ম্মার্পণ সর্ব সাধ্যসার।
প্রভুকহে এহো বাহু আগে কহ আর
রায়কহে স্বধর্ম্ম ত্যাগ এই সাধ্যসার।

প্রভুকহে এহো বাহু আগে কহ আর
 রায়কহে জ্ঞানমিশ্রা ভক্তি সাধ্যসার ।
 প্রভুকহে এহো বাহু আগে কহ আর
 রায়কহে জ্ঞানশূন্য ভক্তি সাধ্যসার ।
 প্রভুকহে এহো হয় আগে কহ আর
 রায়কহে প্রেমভক্তি সর্ক সাধ্য সার ।
 প্রভুকহে এহো হয় আগে কহ আর
 রায়কহে দাস্ত্র প্রেম সর্ক সাধ্যসার ।
 প্রভুকহে এহো হয় আগে কহ আর
 রায়কহে সখ্য প্রেম সর্ক সাধ্যসার ।
 প্রভুকহে এহো উত্তম আগে কহ আর
 রায়কহে বাৎসল্য প্রেম সর্ক সাধ্যসার ।
 প্রভুকহে এহো উত্তম আগে কহ আর
 রায়কহে কাস্ত্র ভাব সর্ক সাধ্যসার ।
 প্রভুকহে এই সাধ্যাবধি স্মনিশ্চয়
 রূপা করি কহ যদি আগে কিছু হয় ।
 রায়কহে ইহার আগে পুছে হেন জনে
 এতদিন নাহি জানি আছেয়ে ভুবনে ।
 ইহার মধ্যে রাধার প্রেম সাধ্য শিরোমণি
 যাহার মহিমা সর্ক শাস্ত্রেতে বাখানি ।

রাজা রামানন্দ রায় রাধাকৃষ্ণ প্রেম তত্ত্ব ব্যাখ্যা করিলেন ।
 শুনিয়া শ্রীচৈতন্য রাজাকে গাঢ় আলিঙ্গন করিয়া, প্রেমাবেগে

উভয়ে গলাগলি করিয়া ক্রন্দন করিতে লাগিলেন। বিভাবরী প্রভাতা হইল। বিদায় কালে রাম রায় প্রভুর চরণ ধরিয়া মিনতি করিয়া বলিতে লাগিলেন, “যদি আমাকে কৃপা করিতে এখানে আগমন করিয়াছ, তবে কিছু দিন থাকিয়া আমার দুষ্টমনকে পরিশুদ্ধ করিয়া দাও।” প্রভু কহিলেন, “তোমার গুণ শুনিয়া আমি আসিয়াছিলাম, রাধাকৃষ্ণ প্রেমতত্ত্ব শুনিয়া কৃতার্থ হইলাম। দু দশ দিনের কথা কি বলিতেছ, যতদিন বাঁচিব, ততদিন তোমার সঙ্গ ছাড়িতে পারিব না। নীলাচলে দুইজনে একত্রে থাকিয়া কৃষ্ণকথায় জীবন অতিবাহিত করিব।” উভয়ে নিজ নিজ কার্যে চলিয়া গেলেন। সন্ধ্যাকালে রাজা রামানন্দ রায় আবার আসিয়া প্রভুর সহিত মিলিত হইলেন। নিভূতে বসিয়া আনন্দিতচিত্তে কথাবার্তা আরম্ভ করিলেন। প্রভু জিজ্ঞাসা করিতেছেন, রাজা প্রশ্নের উত্তর দিতেছেন।

প্রভুকহে কোন্ বিদ্যা বিদ্যামধ্যে সার ?

রায়কহে কৃষ্ণভক্তি বিনা বিদ্যা নাহি আর।

কীর্তিগণমধ্যে জীবের কোন্ বড় কীর্তি ?

কৃষ্ণপ্রেম-ভক্ত বলি:যার হয় খ্যাতি।

সম্পত্তিমধ্যে জীবের কোন্ সম্পত্তি গণি ?

রাধাকৃষ্ণে প্রেম যার সেই বড় ধনী।

দুঃখমধ্যে কোন্ দুঃখ হয় গুরুতর ?

কৃষ্ণভক্তি-বিরহ বিনু দুঃখ নাহি আর।

মুক্তমধ্যে কোন্ জীব মুক্ত করি মানি ?
 কৃষ্ণপ্রেম সাধে সেই মুক্ত শিরোমণি ।
 গানমধ্যে কোন্ গান জীবের নিজধর্ম ?
 রাধাকৃষ্ণের প্রেম কেলি যে গীতের মর্ম ।
 শ্রেয়োমধ্যে কোন্ শ্রেয়ঃ জীবের হয় সার ?
 কৃষ্ণভক্ত-সঙ্গ বিনা শ্রেয়ঃ নাহি আর ।
 কাহার স্মরণ জীব করে অনুক্ষণ ?
 কৃষ্ণনাম-গুণলীলা প্রধান স্মরণ ।
 ধ্যেয়মধ্যে জীবের কর্তব্য কোন্ ধ্যান ?
 রাধাকৃষ্ণ-পদাম্বুজ-ধ্যান সবার প্রধান ।
 সর্বত্যাগি জীবের কর্তব্য কাঁহা বাস ?
 শ্রীরন্দাবন-ভূমি বাঁহা নিত্য লীলা রাস ।
 শ্রবণ মধ্যে জীবের কোন্ শ্রেষ্ঠ শ্রবণ ?
 রাধাকৃষ্ণ-প্রেম-কেলি কর্ণ রসায়ন ।
 উপাস্ত্রের মধ্যে কোন্ উপাস্ত্র প্রধান ?
 শ্রেষ্ঠ উপাস্ত্র যুগল রাধাকৃষ্ণ নাম ।
 মুক্তি ভক্তি বাঞ্ছে যেই কাঁহা দৌহার স্থিতি ?
 স্ফারর দেহ দেবদেহ যৈছে অবস্থিতি ।
 অরসজ্ঞ কাক চুষে জ্ঞান নিস্বফলে
 রসজ্ঞ কোকিল খায় প্রেমাত্র মুকুলে ।
 অভাগিয়া জ্ঞানী আশ্বাদয়ে শুষ্কজ্ঞান
 কৃষ্ণপ্রেমামৃত পান করে ভাগ্যবানু ।

এইরূপে কৃষ্ণ কথায়, নৃত্যগীত, রোদনে রাত্রি শেষ হইল।
প্রাতঃকালে উভয়ে নিজ নিজ কার্যে চলিয়া গেলেন।

একদিন রাজা রামানন্দ প্রভুপদ ধরিয়া নিবেদন করিলেন,
“এই কয়দিনে কৃষ্ণতত্ত্ব, রাধাতত্ত্ব, প্রেমতত্ত্ব, লীলাতত্ত্ব, রসতত্ত্ব
কত তত্ত্বই আমার চিত্তে প্রকাশ করিলে। আমি দেখিতে
পাই যেন তুমি বংশীবদন শ্যামসুন্দর রূপে, ভাবময় কমল-নয়নে
আমার দিকে দৃষ্টিপাত করিতেছ।” গৌরচন্দ্র উত্তর করিলেন,
“রাধাকৃষ্ণে তোমার কিনা প্রগাঢ় প্রেম, সেইজন্য এইরূপ
দেখিতেছ।” রায় বলিলেন, “প্রভু, তুমি ভারি ভুরি ছাড়িয়া
দাও, আমি সব বুঝিয়াছি। শ্রীরাধিকার ভাবকান্তি অঙ্গীকার
করিয়া গুঢ়রূপে প্রেম-রস আশ্বাদন করিবার জন্য ভূতলে অবতীর্ণ
হইয়াছ। স্ব ইচ্ছায় আমাকে উদ্ধার করিবার জন্য এখানে
আসিয়াছ, এখন ছলনা করিতেছ কেন?” প্রভু রামানন্দের
কথায় হাসিয়া তাঁহাকে একাধারে সৌন্দর্য্য, মাধুর্য্য ও বিরাট
ভাব মিশ্রিত অপরূপ রূপ দেখাইলেন। রূপ দেখিয়া রাজা
রামানন্দ রায় মুর্ছিত হইয়া ভূতলে পড়িয়া গেলেন।

এইরূপে প্রভু রামানন্দ সঙ্গে কৃষ্ণকথা প্রসঙ্গে, নিগূঢ়
ব্রজের রস লীলা বিচারে, পরমানন্দে দশদিন কাটাইলেন।
অবশেষে বিদায়ের দিন উপস্থিত হইল। বিদায়কালে প্রভু
বলিলেন, “তুমি বিষয়ভোগ ছাড়িয়া নীলাচলে চল। আমিও
তীর্থ পর্য্যটন সমাপন করিয়া শীঘ্রই সেখানে তোমার
সহিত মিলিত হইয়া কৃষ্ণকথা রঙ্গে সুখে কাল কাটাইব।”

এই বলিয়া প্রভু রামানন্দকে আলিঙ্গন করিয়া বিদায় দিলেন ।

শ্রীচৈতন্যদেব রাজা রামানন্দ রায়ের নিকট বিদায় গ্রহণ করিয়া, তাঁহাকে নিজালয়ে পাঠাইয়া দিয়া শয়ন করিলেন । প্রত্যুষে শয্যা হইতে গাত্রোথান করিয়া, নিকটস্থ হনুমানজীর মন্দিরে গমন করিয়া মহাবীর পবনাত্মজকে প্রণাম করিয়া প্রব্রজ্যায় বহির্গত হইলেন ।

বিদ্যানগরে নানা ধর্মান্বলম্বী লোক বাস করিত । প্রভুর সহিত যাহার যাহার সাক্ষাৎ হইল, সকলে নিজ নিজ ধর্মমত পরিত্যাগ করিয়া প্রভুর অনুমোদিত বৈষ্ণব ধর্ম গ্রহণ করিল । রাজা রামানন্দ প্রভুর বিরহে অতিশয় ব্যাকুল হইয়া পড়িলেন । কাজ কর্ম পরিত্যাগ করিয়া তদাঙ্গদৃষ্টিতে প্রভুর ধ্যান করিতে করিতে কালাতিপাত করিতে লাগিলেন ।

প্রভু রামানন্দ রায়ের নিকট কৃষ্ণলীলামৃতরস আশ্বাদন করিয়াছিলেন ; ষাঁহার প্রভুকে দর্শন করিবার সৌভাগ্য লাভ করিয়াছিলেন, তাঁহারাও সেই রস আশ্বাদন হইতে বঞ্চিত হন নাই । সকলেই কৃষ্ণ উপাসক হইয়া কৃষ্ণনাম কীর্তন করিতে করিতে পরম আনন্দ উপভোগ করিয়াছিলেন ।

প্রভু—“রাম রাঘব ! রাম রাঘব ! রাম রাঘব পাহিমাম ।

কৃষ্ণ কেশব ! কৃষ্ণ কেশব ! কৃষ্ণ কেশব রক্ষমাম্ ॥”

এই শ্লোক পড়িতে পড়িতে প্রয়াণ করিলেন ।

দ্বিতীয় পরিচ্ছেদ

তীর্থ-পর্যটন

বিজ্ঞানগর হইতে প্রস্থান করিয়া শ্রীচৈতন্যদেব গৌতমী-
 গঙ্গায় স্নান করিয়া মল্লিকার্জুন তীর্থে আসিলেন ; সেখানে
 দাসরাম মহাদেব দর্শন করিলেন । আহোবল নগরে গমন
 করিয়া শ্রীনৃসিংহ মূর্তি দর্শন করিয়া প্রণতি ও স্তুতি করিলেন ।
 সিদ্ধবট ঘাইয়া সীতাপতি রঘুনাথমূর্তি দেখিয়া প্রণতি ও স্তুতি
 করিলেন । সিদ্ধবটে এক বিপ্র তাঁহাকে নিমন্ত্রণ করিলেন ।
 সেই বিপ্র নিরন্তর কেবল রামনাম করিতেন । রামনাম ভিন্ন
 অন্য নাম মুখে আনিতেন না । সেইদিন তথায় ভিক্ষা করিয়া,
 সেই ব্রাহ্মণকে কৃপা করিয়া, গৌরহরি প্রভাতে সেইস্থান ত্যাগ
 করিয়া স্কন্দক্ষেত্রতীর্থের দিকে অগ্রসর হইলেন । স্কন্দক্ষেত্রে
 কার্তিকেয় মূর্তি এবং ত্রিমঠে ত্রিবিক্রম বামন মূর্তি দর্শন করিয়া,
 সিদ্ধবটে সেই পরিচিত বিপ্রের আলায়ে পুনরায় গমন করিয়া
 দেখিলেন যে, ব্রাহ্মণ এক্ষণে আজন্মঅভ্যাস্ত রামনাম পরিত্যাগ
 করিয়া কৃষ্ণনাম লইতেছেন । মহাপ্রভু সেই ব্রাহ্মণকে জিজ্ঞাসা
 করিলেন, “পূর্বে তুমি অবিরত রামনাম লইতে, এখন কেন
 কৃষ্ণনাম লইতেছ ?” বিপ্র উত্তর করিল, “ইহা তোমার দর্শনের
 ফল । আমার বাল্যাবধি রামনাম গ্রহণের অভ্যাস ঘুচিয়া গিয়া
 তোমার অনুকরণে কৃষ্ণনাম লওয়া অভ্যাস হইয়াছে ।” এই

বলিয়া বিপ্র প্রভুকে প্রণাম করিল ; প্রভুও তাহাকে রূপা করিয়া রুদ্ধকাশী অভিমুখে যাত্রা করিলেন ।

রুদ্ধকাশীতে আগমন করিয়া শিব দর্শন, প্রণাম ও স্তবাদি শেষ করিয়া, তন্নিকটবর্তী একটি গ্রামে গিয়া একটি ব্রাহ্মণ বাটীতে আতিথ্যগ্রহণ ও বিশ্রাম করিলেন । প্রভু একজন পরম বৈষ্ণব, ইহা জানিতে পারিয়া জনৈক বৌদ্ধাচার্য্য ও তাহার শিষ্যগণ, প্রভুকে অপদস্ত করিবার জন্য একটি পাত্রে অপবিত্র অন্ন লইয়া আসিয়া, প্রভুর সম্মুখে বিষ্ণু-প্রসাদ বলিয়া রক্ষা করিল । অকস্মাৎ এক রুদ্ধাকার বিহঙ্গম আসিয়া সেই অন্নপূর্ণ পাত্রটি চঞ্চুপুটে লইয়া উড্ডীয়মান হইল । সেই অপবিত্র অন্নগুলি শিষ্যদিগের মস্তকে পতিত হইল ; এবং সেই খালা খানি তির্যকভাবে বৌদ্ধাচার্য্যের মাথায় পতিত হওয়ায় বৌদ্ধাচার্য্যের মস্তক কাটিয়া গেল ; আচার্য্য মূর্ছিত হইয়া ভূতলে পতিত হইলেন । শিষ্যগণ হাহাকার করিতে করিতে শ্রীচৈতন্যচরণে স্মরণ লইল । প্রভু সকলকে আচার্য্য-দেবের কর্ণে কৃষ্ণনাম উচ্চারণ করিতে পরামর্শ দিলেন । নামের এমনি মহিমা যে, শিষ্যগণ আচার্য্যের কর্ণে কৃষ্ণনাম উচ্চারণ করিবামাত্র বৌদ্ধাচার্য্য চেতনা প্রাপ্ত হইলেন এবং গাত্রোথান করিয়া 'হরি' 'হরি' বলিতে লাগিলেন । বৌদ্ধাচার্য্য, প্রভুকে 'কৃষ্ণ' বলিয়া বিনয়পূর্কক সম্ভাষণ করিতেছেন দেখিয়া উপস্থিত জনসাধারণ বিস্মিত হইল ।

সেইস্থান হইতে মহাপ্রভু ত্রিপদী ত্রিমল্ল আসিয়া চতুর্ভুজ

বিষ্ণুমূর্তি দর্শন করেন। তথা হইতে বেঙ্গলীতে পরিভ্রমণ করিয়া, ত্রিপদী আসিয়া শ্রীরাম রঘুনাথ দর্শন, প্রণাম ও স্তবন করিয়া, দয়াময় প্রভু পানানরসিংহে আসিয়া উপস্থিত হইলেন। প্রেমাবেশে শ্রীনৃসিংহদেবকে দর্শন, প্রণতি ও স্তুতি করিয়া সমাগত যাবতীয় লোককে চমৎকৃত করিলেন। তারপর প্রভু

শিবকাঞ্চীতে—শিব

বিষ্ণু কাঞ্চীতে—লক্ষ্মীনারায়ণ

ত্রিমল্ল

ত্রিকালহস্তিতে—মহাদেব

পক্ষতীর্থে—শিব

রুদ্ধকোলতীর্থে—শ্বেতবরাহ

পিতাম্বরে—শিব

শিয়ালীতে—ভৈরবী দেবী

কাবেরী-তীরে—গোসমাজশিব

বেদাবনে—অমৃতলিঙ্গ শিব

দেবস্থানে—বিষ্ণু ; শ্রীবৈষ্ণব সম্প্রদায়ের তীর্থ

কুম্ভকর্ণ কপালের সরোবর

শিবক্ষেত্রে—শিব

পাপনাসনে—বিষ্ণু

প্রভৃতি নানা তীর্থে নানারূপ দেবতা দর্শন, প্রণাম ও বন্দনা করিয়া অবশেষে শ্রীরঙ্গক্ষেত্রে আসিয়া উপনীত হইলেন।

কাবেরী নদীতীরে শ্রীরঙ্গনাথের মন্দির। কাবেরী নদীতে

স্নান করিয়া শ্রীরঙ্গনাথ দর্শন করিলেন। প্রণাম ও বন্দনা করিয়া কৃতার্থ হইলেন। তাঁহার ভাবাবেশে নৃত্য দর্শন করিয়া এবং হরিনাম সঙ্কীৰ্ত্তন শ্রবণ করিয়া আপামর জনসাধারণ চমৎকৃত হইল।

বেঙ্কটভট্ট নামে শ্রীবৈষ্ণব সম্প্রদায় ভুক্ত এক ব্রাহ্মণ প্রভুকে নিমন্ত্রণ করিয়া গৃহে লইয়া গেলেন। প্রভুর মধ্যাহ্নভোজনাদি শেষ হইলে বেঙ্কট নিবেদন করিলেন, “প্রভু, চাতুর্মাস্য* উপস্থিত হইয়াছে। আপনি রূপা করিয়া এই চারিমাস আমার ভবনে অবস্থান করিয়া, কৃষ্ণকথা কহিয়া আমাকে নিস্তার করুন।” প্রভু বেঙ্কটের প্রার্থনায় সম্মত হইয়া চারিমাস তথায় অতিবাহিত করিলেন।

এই চারিমাস, প্রভু প্রত্যহ কাবেরীনদীতে স্নান করিয়া, শ্রীরঙ্গনাথ দর্শন ও তাঁহার সম্মুখে নর্ত্তনকীৰ্ত্তন করিয়া পরম সুখে কৃষ্ণকথা কহিয়া কাটাইলেন। তাঁহার সেই দেবদুর্ভেদ সুকুমার তনু ও অলৌকিক প্রেমচেষ্টার কথা শুনিয়া, দলে দলে তাঁহাকে দেখিতে আসিতে লাগিল এবং তাঁহার দর্শনলাভ করিয়া সংসার জ্বালা হইতে নিষ্কৃতিলাভ করিতে লাগিল। দলে দলে

* রথযাত্রার পর শুক্লাদ্বাদশী হইতে জগদ্ধাত্রী পূজার পর শুক্লাদ্বাদশী পর্য্যন্ত এই চারিমাসকে চাতুর্মাস্য বলে। এই সময়ে বর্ষাকাল বলিয়া, যতদিন না বর্ষা শেষ হয় ততদিন পর্য্যন্ত সন্ন্যাসী পরিব্রাজকেরা তীর্থ পর্য্যটনে বহির্গত না হইয়া একস্থানে কালাতিপাত করেন।

কৃষ্ণভক্ত হইয়া, কৃষ্ণনাম বিনা অন্যান্য মুখে আনিত না। শ্রীরঙ্গক্ষেত্রের ব্রাহ্মণগণ প্রত্যেকে একদিন করিয়া প্রভুকে নিমন্ত্রণ করিয়া ভোজন করাইল। কিন্তু যখন চাতুর্মাস্য শেষ হইল, অনেকের তাঁহাকে নিমন্ত্রণ করিবার সৌভাগ্য হইল না।

শ্রীরঙ্গক্ষেত্রে এক বৈষ্ণব ব্রাহ্মণ দেবালয়ে বসিয়া অষ্টাদশ অধ্যায় শ্রীমদ্ভাগবদগীতা আনন্দে ও অভিনিবেশ সহকারে আত্মোপাস্ত পাঠ করিতেন। তাঁহার পাঠ অশুদ্ধ হইত বলিয়া কেহ বা তাঁহাকে নিন্দা করিত, কেহ বা তাঁহাকে উপহাস করিত। ব্রাহ্মণ কাহারও বাক্যে কৰ্ণপাত করিতেন না। একদিন শ্রীচৈতন্যদেব তাঁহার পাঠ শুনিলেন। পড়িতে পড়িতে ব্রাহ্মণের শরীরে পুলক, অশ্রু, কম্প, শ্বেদ প্রভৃতি সাত্ত্বিক ভাবের উদয় হইতেছে দেখিয়া বড়ই আনন্দিত হইলেন এবং ব্রাহ্মণকে জিজ্ঞাসা করিলেন, “মহাশয় গীতা পাঠে আপনার এত আনন্দ, এত সুখ কিসে হয়?” ব্রাহ্মণ উত্তর করিল, “মহাশয়, আমি মূর্খ, আমি শব্দার্থ পর্য্যন্ত জানি না; আমি গুরুর আজ্ঞায় গীতা পাঠ করি; শুদ্ধাশুদ্ধ আমার জ্ঞান নাই। কিন্তু আমি যতক্ষণ গীতা পাঠ করি ততক্ষণই দেখিতে পাই যে, নব জলধরশ্যাম শ্রীকৃষ্ণ অর্জুনের রথে বসিয়া, হস্তে অশ্বের বল্লা ধারণ করিয়া অর্জুনকে হিত উপদেশ দিতেছেন। তাহা দেখিয়া আমার হৃদয় আনন্দরসে আপ্লুত হয়, আমি গীতাপাঠ ছাড়িতে পারি না।” “তোমারই গীতা পাঠে সম্পূর্ণ অধিকার আছে। তুমিই গীতার সারমর্ম হৃদয়ে উপলব্ধি করিতে

পারিয়াছ। তুমি ধন্য।” এই বলিয়া প্রভু ব্রাহ্মণকে আলিঙ্গন করিলেন।

বেঙ্কট ভট্টের সহিত প্রভুর বন্ধুত্ব হইল। সেই সখ্য ভাব দিন দিন বর্দ্ধিত হইতে লাগিল। দুইজনে হাস্য পরিহাস ও কৃষ্ণকথায় কালযাপন করিয়া চারিমাস অতিবাহিত করিলেন। এই রূপে চাতুর্মাশ্য অবসান হইলে শ্রীশচীনন্দন প্রণাম করিয়া, শ্রীরঙ্গনাথের নিকট বিদায় লইয়া তীর্থভ্রমণে দক্ষিণদিকে যাত্রা করিলেন। বেঙ্কট ভট্ট তাঁহার অনুসরণ করিল। প্রভু অনেক বুঝাইয়া বেঙ্কটকে প্রতিনিরৃত্ত করাইয়া, বাটী পাঠাইয়া দিলেন।

তাহার পর গৌরহরি ঋষভ পর্বতে আসিয়া নারায়ণ দর্শন, প্রণাম, অর্চনা ও বন্দনা করিলেন। গৌরহরি জানিতে পারিলেন যে, মাধবেন্দ্রপুরীর অন্যতম শিষ্য পরমানন্দপুরী, নিকটে এক ব্রাহ্মণের বাটীতে চাতুর্মাশ্য যাপন করিতেছেন। মহাপ্রভু পুরীগৌঁসাঞি এর নিকট গমন করিয়া চরণ বন্দনা করিলেন; পুরীগৌঁসাঞি তাঁহাকে প্রেমালিঙ্গন করিলেন। দুইজনে সেই বিপ্রগৃহে কৃষ্ণকথা-রঙ্গে তিনদিন অতিবাহিত করিবার পর, পুরীগৌঁসাঞি বলিলেন যে, তিনি এখান হইতে পুরুষোত্তমে জগন্নাথ দর্শন করিয়া গঙ্গাস্নানের জন্য গৌড় দেশে গমন করিবেন। মহাপ্রভু তাঁহাকে পুনর্বার নীলাচলে যাইবার জন্য অনুরোধ করিয়া বলিলেন, “আমিও শীঘ্র সেতুবন্ধ রামেশ্বর দর্শন করিয়া নীলাচলে প্রত্যাবর্তন করিব। আমার একান্ত অভিলাষ যে আপনার নিকট থাকি। দয়া করিয়া

নীলাচলে আসিবেন।” পরমানন্দপুরী নীলাচলভিমুখে যাত্রা করিলেন এবং মহাপ্রভু শ্রীশৈলে গমন করিয়া শিবদুর্গা দর্শন করিলেন।

শ্রীশৈল হইতে কামকোষ্ঠী ; কামকোষ্ঠী হইতে দক্ষিণমথুরা আগমন করিলেন। দক্ষিণমথুরা কৃতমালা বা ভেগাই নদী তীরে অবস্থিত। এক রামভক্ত ব্রাহ্মণ তাঁহাকে নিমন্ত্রণ করিলে মহাপ্রভু কৃতমালায় স্নান করিয়া মধ্যাহ্নে তাহার গৃহে আগমন করিলেন। দ্বিপ্রহর অতীত হইয়া গিয়াছে ; সেবার কোনও আয়োজন করা হয় নাই দেখিয়া প্রভু তাহাকে ইহার কারণ জিজ্ঞাসা করিলেন। ব্রাহ্মণ রামভাবে বিভোর ছিলেন, উত্তর করিলেন, “আমি বনে বাস করি, এখানে রন্ধনের সামগ্রী পাওয়া যায় না, লক্ষ্মণ দূরদেশ হইতে বন্য ফলমূল আহরণ করিতে গিয়াছেন, লইয়া আসিলে সীতাদেবী রন্ধন করিবেন।” মহাপ্রভু ব্রাহ্মণের উপসনার পদ্ধতি দেখিয়া পরম পরিতোষ লাভ করিলেন। তৃতীয় প্রহর অতীত হইলে বিপ্র রন্ধন করিয়া, প্রভুর সেবা লইয়া নিজে উপবাসী রহিলেন। মহাপ্রভু জিজ্ঞাসা করিলেন, “তুমি উপবাস করিতেছ কেন ? আর কেনই বা হা ছতাস করিতেছ ?” ব্রাহ্মণ উত্তর করিল, “জগন্মাতা মহালক্ষ্মী সীতাঠাকুরাণীকে রাক্ষস স্পর্শ করিয়াছে, ইহা আমাকে শুনিতে হইল। এই দুঃখে আমার দেহ স্থলিয়া যাইতেছে ; কিন্তু প্রাণ বহির্গত হইতেছে না। এ শরীর ধারণ করিবার আর আমার ইচ্ছা নাই।” মহাপ্রভু ব্রাহ্মণকে প্রবোধ দিয়া বলিলেন,

৩৩৪৪/সং ২/প্রা ১৩ ৩৩৭

“চিদানন্দমূর্তি, ঈশ্বরপ্রেয়সী সীতাদেবীকে প্রাকৃত ইন্দ্রিয় দ্বারা স্পর্শ করা দূরে থাকুক দর্শন করা যায় না। রাবণের আগমন মাত্র সীতাদেবী অস্তর্হিতা হন। রাবণ মায়াসীতা হরণ করিয়াছিল, ইহাই শাস্ত্রের মর্ম ; তুমি আমার কথায় বিশ্বাস কর।” ব্রাহ্মণ প্রভুর কথায় বিশ্বাস করিয়া, আত্মহত্যার সঙ্কল্প পরিত্যাগ করিয়া আহাৰ করিলেন।

প্রভু কৃতমালায় স্নান করিয়া, দুর্কেশন যাইয়া রঘুনাথমূর্তি দর্শন করিলেন। মহেন্দ্রশৈলে পরশুরাম বন্দনা করিয়া, ধনুতীর্থে স্নান করিয়া, সেতুবন্ধ রামেশ্বরে শিবদর্শন করিয়া, বিশ্রাম করিলেন। অপরাহ্নে বিপ্র সভায় কুর্মপুরাণ পাঠ শুনিতে গেলেন। সে দিন পতিব্রতাউপাখ্যানে রাবণ কর্তৃক মায়াসীতার হরণবিষয় ব্যাখ্যা হইতেছিল। তিনি শুনিলেন যে, জগন্মাতা সতীকুলশিরোমণি, জনকনন্দিনী, শ্রীরামগৃহিণী সীতা, রাবণকে দেখিবামাত্র অগ্নির শরণাপন্ন হইয়াছিলেন। অগ্নিদেব সীতাকে পার্বতীর নিকট রক্ষা করিয়া, রাবণকে মায়াসীতা দ্বারা বঞ্চনা করেন। পরে যখন রঘুনাথ রাবণকে সবংশে নিধন করিয়া সীতাকে অগ্নিপরীক্ষা দিবার জন্য আনয়ন করেন, অগ্নিদেব তখন মায়াসীতা অস্তর্হিত করিয়া সত্যসীতা আনিয়া শ্রীরামচন্দ্রের নিকট উপস্থিত করেন। প্রভু এই ব্যাখ্যা শুনিয়া পরম প্রীত হইলেন। সেই দক্ষিণমথুরা নিবাসী রামভক্ত ব্রাহ্মণের কথা স্মরণপথে উদ্ভিত হইলে প্রভু তাঁহার জন্য কুর্মপুরাণের ঐ পুরাতন পত্রখানি প্রার্থনা করিয়া লইলেন।

একখানি নূতন পত্র লেখাইয়া সেই পুস্তক মধ্যে রাখাইলেন এবং দক্ষিণমথুরায় ফিরিয়া গিয়া ব্রাহ্মণকে সেই পত্রখানি প্রদান করিলেন। পত্রখানি পাইয়া, বিপ্র গৌরহরির পদযুগল ধারণ করিয়া আনন্দে অশ্রু বর্ষণ করিতে লাগিলেন এবং বলিলেন, “তুমি সাক্ষাৎ শ্রীরঘুনন্দন ; সন্ন্যাসীর বেশে আমাকে দর্শন দিয়া আমাকে মহাছুঃখ হইতে পরিত্রাণ করিলে।” গৌরহরি সেইস্থানে রাত্রি যাপন করিলেন।

তদনন্তর শ্রীগৌরচন্দ্র তাম্রপর্ণী নদীর কূলে কূলে পাণ্ড্যদেশ ভ্রমণ করিলেন। তথা হইতে

নয়ত্রিপদী

চিয়ড়তালার তীরে—শ্রীরাম-লক্ষ্মণ

তিলকাঞ্চীতে—শিব

গজেন্দ্র মোক্ষণে—বিষ্ণুমূর্তি

পানাগড়ি তীরে—সীতাপতি

চামতাপুরে—শ্রীরাম-লক্ষ্মণ

শ্রীবৈকুণ্ঠে—বিষ্ণু

মলয় পর্বতে—অগস্ত্য

কন্যা কুমারীতে—পার্বতীর কুমারী মূর্তি

আমলকীতলায়—শ্রীরামমূর্তি

দেখিয়া গৌরহরি মল্লারদেশে আগমন করিলেন। এখানে ভট্টমারী নামে এক সম্প্রদায় আছে। তমালকার্তিক দেখিয়া, বাতাপানীতে রঘুনাথ দর্শন করিয়া সেখানে রজনী অতি-

বাহিত করিলেন। এখানে ভট্টমারীরা মহাপ্রভুর সহচর কৃষ্ণদাসকে কামিনী-কাঞ্চনের লোভ দেখাইয়া তাহার বুদ্ধিনাশ করিলে কৃষ্ণদাস ভট্টমারীদের গৃহে গমন করে। মহাপ্রভু জানিতে পারিয়া, ভট্টমারীদিগের নিকট উপস্থিত হইয়া, অনেক কষ্টে কৃষ্ণদাসকে তাহাদের কবল হইতে উদ্ধার সাধন করিয়া সেই দিনই পয়শ্বিনী নদীতীরে চলিয়া যান।

সেই নদীতে স্নান করিয়া, আদিকেশব মন্দিরে কেশব দর্শন করিয়া প্রেমাবেশে নতি-স্তুতি, নৃত্যগীত করিতে লাগিলেন। তাঁহার প্রেমভাব দেখিয়া জনসাধারণ চমৎকৃত হইল এবং প্রভুকে সমাদর করিয়া দলে দলে তাঁহার শিষ্যত্ব গ্রহণ করিল। ভক্তগণের সহিত অনেক কৃষ্ণকথা হইল। পরে তিনি জানিতে পারিলেন যে এখানে 'ব্রহ্মসংহিতা' নামক এক পুঁথি আছে। পুঁথি দেখিতে পাইয়া তিনি অপার আনন্দলাভ করিলেন। বল যত্ন করিয়া ঐ পুঁথি লেখাইয়া লইলেন। ব্রহ্মসংহিতা একখানি সিদ্ধাস্তশাস্ত্র। শ্রীগোবিন্দের মহিমা বুঝিবার এমন দ্বিতীয় গ্রন্থ আর নাই। ইহা যাবতীয় বৈষ্ণবশাস্ত্র মধ্যে সর্বশ্রেষ্ঠ। অল্পকথায় কোনও শাস্ত্র এরূপ হৃদয়গ্রাহী সিদ্ধাস্তে উপনীত হইতে পারে নাই। তদনন্তর

ত্রিবন্ধু রাজ্যে—অনন্ত পদ্মনাভ ও শ্রীজনার্দিন

পয়োক্ষীতে—শঙ্করনারায়ণ

শ্রীমৎশঙ্করাচার্য্য প্রতিষ্ঠিত—সিংহারী মঠ

তুঙ্গভদ্রা নদীতীরে—মৎস্যতীর্থ

ইত্যাदि দর্শন করিলেন ।

ইহার পর শ্রীগৌরাজ উদিপী নগরে আসিয়া, উড়ুপকৃষ্ণ দেখিয়া মহামুখী হইলেন ; এবং প্রেমাবেশে নৃত্যগীত করিতে লাগিলেন । উড়ুপকৃষ্ণ সম্বন্ধে এক কিংবদন্তী আছে । কোন বণিকের অর্ণবপোত সমুদ্রমধ্যে জলমগ্ন হয় । সেই নৌকায় গোপীচন্দন-মুক্তিকার মধ্যে পরম রমণীয় গোপালকৃষ্ণমূর্তি প্রোথিত ছিল । মধ্বাচার্য্যকে স্বপ্নাদেশ হওয়ায়, তিনি উহাকে আনিয়া উদিপী নগরে স্থাপন করিলেন । তত্ত্ববাদীগণ অত্যাপি তাঁহার সেবা করিতেছেন । মধ্বাচার্য্যের অনুবর্তীগণকে তত্ত্ববাদী বলে । তত্ত্ববাদীগণ প্রভুকে মায়াবাদী সন্ন্যাসী জ্ঞান করিয়া প্রথমে সম্ভাষণ করেন নাই । পরে তাঁহার প্রেমাবেশ দেখিয়া চমৎকৃত হইলেন, এবং তাঁহাকে পরম বৈষ্ণব জ্ঞান করিয়া অতি সমাদরে তাঁহার সংবর্দ্ধনা করিলেন । গৌরচন্দ্র দেখিলেন, তত্ত্ববাদীগণ বৈষ্ণব বলিয়া পরিচয় দিয়া বিশেষরূপ গর্হ অনুভব করিতেছে । ইহা অবগত হইয়া তাহাদিগের সহিত কথোপকথন আরম্ভ করিলেন । তত্ত্ববাদীদিগের আচার্য্যকে শাস্ত্রে বুৎপন্ন দেখিয়া, প্রভু অতি দীনভাবে প্রশ্ন করিলেন,

“সাধ্যসাধন আমি না জানি ভালমতে ।

সাধ্যসাধন শ্রেষ্ঠ জানাহ আমাতে ॥”

আচার্য্য উত্তর করিলেন, “বর্ণাশ্রমধর্ম ও শ্রীকৃষ্ণে কর্মফল-

অর্পণ কৃষ্ণভক্তের শ্রেষ্ঠ সাধন। পঞ্চবিধ মুক্তিলাভ করিয়া বৈকুণ্ঠে গমনই শ্রেষ্ঠ সাধ্য, শাস্ত্র এই উপদেশ দিতেছে।” প্রভু বলিলেন, “শাস্ত্রের বিধান এই যে, হরিনাম শ্রবণ, কীর্তনই কৃষ্ণপ্রেম-সেবারূপ ফলের পরমসাধন। ভগবান শ্রীকৃষ্ণের গুণাদি শ্রবণ, কীর্তন, স্মরণ, পাদসেবন, পূজা, বন্দন, দাস্য, সখ্য ও আত্ম নিবেদন এই নবলক্ষণাভক্তিই কৃষ্ণপ্রেম লাভ করিবার উপায়। কৃষ্ণনাম শ্রবণ, কীর্তন ইত্যাদি করিতে করিতে কৃষ্ণপ্রেম হয়। কৃষ্ণপ্রেমই কৃষ্ণভক্তের শ্রেষ্ঠসাধ্য ; পরম পুরুষার্থ। ভক্তগণ কর্ম ও মুক্তি এই দুই বস্তুই পরিত্যাগ করেন। আর, তুমি আমাকে সন্ন্যাসী দেখিয়া, প্রবঞ্চনা করিয়া তাহাকেই সাধ্য-সাধন লক্ষণ বলিয়া নির্দেশ করিলে।” তত্ত্বাচার্য্য প্রভুর বৈষ্ণবতা দেখিয়া বিস্মিত হইলেন। মনে মনে লজ্জিত হইয়া নিবেদন করিলেন, “আপনি যাহা বলিলেন, বৈষ্ণবের পক্ষে তাহা সুনিশ্চিত সত্য ; তথাপি মধ্বাচার্য্য যাহা নির্দেশ করিয়াছেন, তদসম্প্রদায়ভুক্ত সকলে তাহাই আচরণ করে।” প্রভু বলিলেন, “কর্ম্মী ও জ্ঞানী উভয়েই ভক্তিধনে বঞ্চিত ; তোমাদের সম্প্রদায়েও আমি সেই লক্ষণ দেখিতেছি। তবে তোমাদের সম্প্রদায়ে একটি বিশেষ গুণ পরিলক্ষিত হইতেছে যে, সত্য বিগ্রহ প্রতিষ্ঠা করিয়া তোমরা ঈশ্বর প্রণিধান করিতেছ।”

তাহার পর গৌরহরি ফল্গুতীর্থ, ত্রিতকুপ, বিশালা গিরিবন্থ, পঞ্চাপরা তীর্থ ভ্রমণ করিলেন। গোকর্ণ শিব, দ্বৈপায়নী, সুপারক তীর্থ দর্শন করিলেন। কোলাপুরে লক্ষ্মী, ক্ষীর ভগবতী,

লাঙ্গগণেশ, চোরাভগবতী দর্শন করিয়া, তথা হইতে গৌরচন্দ্র ভীমা নদীতীরে পাণ্ডুপুরে বিঠলঠাকুর দেখিয়া পরম আনন্দ পাইলেন। প্রেমাষিষ্ট প্রভুর নর্তন কীর্তন দেখিয়া সকলে চমৎকৃত হইলেন। এক বিপ্র তাঁহাকে নিমন্ত্রণ করিলে প্রভু তথায় ভিক্ষা করিতে গিয়া একটা শুভ সংবাদ পাইলেন যে, শ্রীমন্মাধবপুরীর শিষ্য, শ্রীরঙ্গপুরী সেই গ্রামে এক বিপ্র গৃহে অবস্থিতি করিতেছেন। এই সমাচার অবগত হইয়া প্রভু অনতিবিলম্বে শ্রীরঙ্গপুরীর চরণদর্শনার্থ সেই বিপ্রগৃহে আসিয়া উপস্থিত হইলেন, এবং তাঁহাকে সাষ্টাঙ্গে প্রণিপাত করিলেন। শ্রীরঙ্গপুরী, গৌরের প্রেম, অশ্রু, পুলক, কম্প, ঘর্ম প্রভৃতি সাত্ত্বিক ভাব দেখিয়া বিস্মিত হইলেন এবং তাঁহাকে ধারণ করিয়া বলিলেন, “শ্রীপাদ উঠ, উঠ ; তোমাকে দেখিয়া আমি হৃদয়ে স্পষ্ট উপলব্ধি করিতে পারিতেছি যে, আমার ইষ্টদেবের সহিত তোমার কোন সম্বন্ধ আছে। তাহা না হইলে এরূপ প্রেম, এরূপ সাত্ত্বিকভাব অন্যের পক্ষে অসম্ভব।” প্রভুকে ভূমি হইতে উত্তোলন করিয়া, গাঢ় আলিঙ্গন করিয়া, গলাগলি করিয়া উভয়ে রোদন করিতে লাগিলেন। কিছুক্ষণ পরে উভয়ে ধৈর্য্যাবলম্বন করিলে, প্রভু ঈশ্বরপুরীর সহিত তাঁহার সম্বন্ধের বিষয় পুরীগৌসাত্ত্বিকে অবগত করাইলেন। এইরূপে দুইজনে পাঁচ সাত দিন কৃষ্ণকথা-প্রসঙ্গে অতিবাহিত করিলেন। শ্রীরঙ্গপুরী কৌতুক করিয়া প্রভুর জন্মস্থান জিজ্ঞাসা করিয়া জানিতে পারিলেন যে, শ্রীনবদ্বীপধাম তাঁহার জন্মস্থান। এই কথা

শুনিয়া শ্রীরঙ্গপুরী বলিলেন, “পূর্বে আমি শ্রীগাধবপুরীর সহিত নদীয়া নগরীতে গিয়া জগন্নাথ মিশ্রের ঘরে অতিথি হইয়া ভিক্ষা করিয়াছিলাম। জগন্নাথের পতিব্রতা স্নেহময়ী ব্রাহ্মণী রন্ধনকার্যে অতি নিপুণা ছিলেন। তিনি মূর্তিমতী জগদ্ধাত্রী ; অতি বাৎসল্যসহকারে পুত্রের ঞ্চায় আশাদিগকে আদর করিয়া মোচারঘণ্ট ইত্যাদি আহার করাইয়াছিলেন ; তাহার আশ্বাদ এখনও বিস্মৃত হইতে পারি নাই। তাঁহার এক উপযুক্ত পুত্র অতি অল্পবয়সে সন্ন্যাসধর্ম গ্রহণ করিয়াছিলেন ; তাঁহার নাম শঙ্করারণ্য। তিনি এই তীর্থে সিদ্ধিপ্রাপ্ত হইয়াছেন।” শ্রীরঙ্গপুরীর বাক্য শ্রবণ করিয়া প্রভু বলিলেন, “শঙ্করারণ্য আমার পূর্বাশ্রমের সহোদর ভ্রাতা এবং জগন্নাথ মিশ্র পূর্বাশ্রমের পিতা।”

এইরূপে সম্ভাষণাদির পর শ্রীরঙ্গপুরী দ্বারকা চলিয়া গেলেন। শ্রীগৌরচন্দ্র আরও তিন চার দিন ব্রাহ্মণের গৃহে বাস করিয়া পাণ্ডুপুর পরিত্যাগ করিয়া কৃষ্ণবেণী নদীতীরে আগমন করিলেন। তথায় নানা তীর্থ, নানা দেবমূর্তি দর্শন করিতে করিতে প্রভু এক গ্রামে আসিয়া উপস্থিত হইলেন। সেখানকার ব্রাহ্মণগণ পরম বৈষ্ণব। একদিন তাঁহারা ‘কৃষ্ণকর্ণামৃত’ নামক কৃষ্ণলীলা বিষয়ক গ্রন্থ পাঠ করিতেছেন, এমন সময় গৌরহরি তথায় আগমন করিলেন। কৃষ্ণকর্ণামৃত পাঠ শ্রবণ করিয়া তিনি পরম পরিতোষ লাভ করিলেন। ত্রিভুবনে কৃষ্ণকর্ণামৃত গ্রন্থের সমান উপাদেয় পুস্তক আর নাই। যিনি

ভক্তিসহকারে নিরন্তর ঐ পুস্তক অধ্যয়ন করিয়াছেন, তিনিই জানেন যে, কৃষ্ণলীলার সৌন্দর্য্য ও মাধুর্য্য বর্ণনা করিতে এবং শুদ্ধ কৃষ্ণপ্রেম-জ্ঞান লাভ করিবার সাহায্য করিতে এমন পুস্তক আর নাই।

‘ব্রহ্ম সংহিতা’ ও ‘কৃষ্ণকর্ণামৃত’ এই দুইটী পুঁথি যত্নে সহিত সংগ্রহ করিলেন। এই দুইটী গ্রন্থ পাইয়া, তিনি এরূপ পরমানন্দ লাভ করিলেন, যেন মহামূল্য রত্ন লাভ করিয়াছেন।

তারপর তাপী নদীতে স্নান করিয়া মাহিষ্মতীপুরে আসিলেন। নর্মদার তীরে নানা তীর্থ দর্শন করিলেন। ধনুতীর্থ দর্শন করিয়া নির্ঝঙ্ক্যতে স্নান করিলেন। তথা হইতে ঋষ্যমুখ পর্বত অতিক্রম করিয়া দণ্ডকারণ্যে আসিলেন। তথায় অতিরুদ্ধ, অতিশুল, অতিউচ্চ এক সপ্ততাল বৃক্ষ বিরাজিত ছিল। প্রভু ঐ বৃক্ষকে আলিঙ্গন করিবামাত্র সপ্ততালবৃক্ষ সশরীরে বৈকুণ্ঠে চলিয়া গেল। জনসাধারণ ঐ বৃক্ষ অস্তর্হিত হইল দেখিয়া চমৎকৃত হইল এবং সন্ন্যাসীকে রামের অবতার বলিয়া স্থির করিল। প্রভু পম্পা সরোবরে গমন করিয়া স্নান করিলেন। তদনন্তর পঞ্চবটীতে আসিয়া বিশ্রাম করিলেন। নাসিকে ত্র্যম্বক মহাদেব দর্শন করিয়া, ব্রহ্মগিরি হইয়া গোদাবরীর উৎপত্তিস্থান কুশাবর্ত্তে আগমন করিলেন। সপ্তগোদাবরী ও অন্যান্য বহুতীর্থ ভ্রমণ করিয়া বিজ্ঞানগরে প্রত্যাবর্ত্তন করিলেন।

রামানন্দ রায় প্রভুর আগমন সংবাদ প্রাপ্ত হইবামাত্র সানন্দে প্রভুর সহিত মিলিত হইয়া তাঁহার চরণে সাষ্টাঙ্গে প্রণিপাত

করিলেন। প্রভু তাহাকে ভূমি হইতে উত্তোলন করিয়া, গাঢ় আলিঙ্গনাবদ্ধ হইয়া প্রেমাবেশে ক্রন্দন করিতে লাগিলেন। কিছুক্ষণ পরে উভয়ে সুস্থির হইয়া, একত্রে উপবেশন করতঃ নানা প্রকার কথোপকথন করিতে লাগিলেন। প্রভু রামানন্দ রায়ের নিকট তীর্থযাত্রার বিবরণ বিবৃত করিলেন। 'ব্রহ্মসংহিতা' ও 'কৃষ্ণকর্ণামৃত' এই দুই গ্রন্থ রামানন্দ রায়কে উপহার দিয়া বলিলেন, "ভূমি আমার তীর্থযাত্রার পূর্বে যে সকল সিদ্ধান্ত আমাকে শুনাইয়াছিলে, এই দুইখানি গ্রন্থ তাহার সাক্ষ্য প্রদান করিতেছে।" রায় পুস্তক পাইয়া সুখী হইলেন এবং প্রভুর সহিত পাঠ করিয়া পরম আনন্দ উপভোগ করিলেন।

প্রভু আসিয়াছেন, এই কথা গ্রামে গ্রামে প্রচার হইতে না হইতে, দলে দলে লোক তাঁহার দর্শন লাভের আশায়, সেই স্থানে আগমন করিতে লাগিল দেখিয়া, রামানন্দ রায় সেই স্থান হইতে প্রস্থান করিলেন। মধ্যাহ্নকালে প্রভুও ভিক্ষা করিবার জন্য উঠিয়া গেলেন। রাত্ৰিকালে আবার উভয়ে মিলিত হইয়া, কৃষ্ণকথায় রজনী অতিবাহিত করিলেন। পাঁচ সাতদিন পরমানন্দে কাটিয়া গেল, তাহার পর যে পথে আসিয়াছিলেন, সেই পথে প্রভু নীলাচলাভিমুখে গমন করিলেন। বৈষ্ণবগণ তাঁহাকে দর্শন করিয়া, হরিধ্বনি করিয়া সংবর্দ্ধনা করিতে লাগিলেন। এই সব দেখিয়া গৌরহরি বড়ই আনন্দ উপভোগ করিতে লাগিলেন।

আলালনাথে পৌঁছিয়া নিত্যানন্দ প্রভৃতিকে সংবাদ দিবার জন্য কৃষ্ণদাসকে নীলাচলে পাঠাইয়া দিলেন। কৃষ্ণদাসপ্রমুখাৎ

প্রভুর আগমনসংবাদ প্রাপ্তি মাত্র নিত্যানন্দরায়, জগদানন্দ, দামোদরপণ্ডিত, মুকুন্দ, গোপীনাথআচার্য্য সকলে আনন্দে অধীর হইয়া উঠিলেন। প্রেমে আকুল হইয়া, আলালনাথ অভিমুখে ধাবমান হইলে, পথে প্রভুর সহিত সকলের সাক্ষাৎ হইল। সকলে প্রেমাবেশে প্রভুকে আলিঙ্গন করিয়া আনন্দে ক্রন্দন করিতে লাগিলেন।

এদিকে সার্কভৌম ভট্টাচার্য্য সংবাদ পাইয়া, সমুদ্রতীরে আসিয়া, প্রভুর সহিত মিলিত হইয়া প্রভুর চরণে পতিত হইলেন। প্রভু তাহাকে ভূমি হইতে উঠাইয়া আলিঙ্গন করিলেন। সার্কভৌম প্রেম ও আনন্দে অধীর হইয়া রোদন করিতে লাগিলেন। প্রভু সকলের সহিত আসিয়া জগন্নাথ দর্শন করিলেন।

দেবদর্শন মাত্র তাহার প্রেমতরঙ্গ উথলিয়া উঠিয়া পুলক, অশ্রু, কম্প, স্বেদ প্রভৃতি সাত্ত্বিকভাবসকল শরীরে শোভা পাইতে লাগিল। প্রভু প্রেমাবিষ্ট হইয়া নৃত্য করিতেছেন, এমন সময়ে পাণ্ডা সকল মালাপ্রসাদ লইয়া প্রভুর নিকট উপস্থিত হইলেন। মালাপ্রসাদ পাইবার পর প্রভু সুস্থির হইলেন। কাশীমিশ্র আসিয়া প্রভুকে প্রণাম করিলে, প্রভু তাহার প্রতি সম্মান প্রদর্শন করিয়া তাহাকে আলিঙ্গন করিলেন।

জগন্নাথের পড়িছা আসিয়া প্রভুর সহিত মিলিত হইলে প্রভু সকলকে লইয়া সার্কভৌম-গৃহে গমন করিলেন। মধ্যাহ্নে প্রভু নিজজন সমভিব্যাহারে সার্কভৌম-গৃহে আহার করিলেন। আহারাদি শেষ হইয়া গেলে প্রভু শয়ন করিলেন

এবং সার্কভৌম স্বয়ং প্রভুর পাদসম্বাহন করিতে লাগিলেন। সেই রাতে সার্কভৌমের সেবায় প্রীত হইয়া, তাহার আশ্রয়ে ভক্ত ও অনুচরগণের সহিত সমস্ত রাত্রি জাগরণ করিয়া তীর্থ পর্যটনকাহিনী বিবৃত করিলেন।

তীর্থকথা সমাপন করিয়া, প্রভু সার্কভৌম ভট্টাচার্য্যাকে বলিলেন, “আমি অনেক তীর্থ পর্যটন করিয়াছি কিন্তু তোমার ন্যায় পরম বৈষ্ণব আমার নয়নগোচর হয় নাই। কেবল রাজা রামানন্দ রায় তোমার মত আমাকে প্রচুর আনন্দ প্রদান করিয়াছে।” ভট্টাচার্য্য বলিলেন, “আমি সেই কারণেই তাহার সহিত সাক্ষাৎ করিবার জন্য তোমাকে বারবার অনুরোধ করিয়াছিলাম। তুমি সাক্ষাৎ করিয়া পরিতুষ্ট হইয়াছ শুনিয়া আমি পরম প্রীতলাভ করিলাম।”

প্রভুর উপরোক্ত তীর্থযাত্রাকথা, কবিরাজ গোস্বামীর শ্রীচৈতন্যচরিতামৃত অনুসরণ করিয়া সংক্ষেপে বর্ণনা করিলাম। ফলশ্রুতি সম্বন্ধে কবিরাজ গোস্বামী বলিতেছেন :—

“প্রভুর তীর্থযাত্রা কথা শুনে যেই জন
চৈতন্য চরণে পায় গাঢ় প্রেম ধন।
শ্রদ্ধা করি করে যেই এ লীলা শ্রবণ
অবিলম্বে মিলে তার চৈতন্য চরণ ॥”

তৃতীয় পরিচ্ছেদ .

তীর্থ পর্যটনের ফল ।

শ্রীচৈতন্যদেব ১৪৩২ শকে (ইং ১৫১০ খৃঃ) বৈশাখ মাসে দক্ষিণ ভ্রমণে বহির্গত হন । তিনি প্রায় দুই বৎসর দক্ষিণাপথের তীর্থেতীর্থে পরিভ্রমণ করিয়াছিলেন ; কিন্তু তীর্থ-পর্যটনকালে তীর্থযাত্রার কোনও বিবরণ লিপিবদ্ধ করেন নাই । তীর্থ হইতে প্রত্যাবর্তন করিবার পর প্রভু ভক্তদিগের নিকট তীর্থ ভ্রমণ র্ত্তান্ত বিবৃত করিয়াছিলেন । শ্রীগোরাঙ্গদেব তীর্থ ভ্রমণ করিয়া বিজ্ঞানগরে উপস্থিত হইলে রাজা রামানন্দ রায় আসিয়া তাহার সহিত সাক্ষাৎ করেন । প্রভু রাজা রামানন্দকে তীর্থ কথা বলিয়াছিলেন । অনন্তর নীলাচলে আগমন করিয়া প্রভু সেইদিন সার্কভৌম ভট্টাচার্য্য মহাশয়ের আলায়ে ভিক্ষা গ্রহণ করেন এবং সমস্ত রাত্রি জাগরণ করিয়া নিজ পরিজনগণের নিকট তীর্থ-পর্যটন কাহিনী বিবৃত করেন । সেই সময়ে সেইস্থানে অন্যান্য লোকের ভিতর নিত্যানন্দ প্রভু, জগদানন্দ, দামোদর পণ্ডিত, মুকুন্দ, গোপীনাথ আচার্য্য, সার্কভৌম ভট্টাচার্য্য এবং কাশী মিশ্র উপস্থিত ছিলেন । অনতিকালমধ্যে স্বরূপ দামোদর এবং রাজা রামানন্দ রায় নীলাচলে আগমন করিয়া প্রভুর সহিত মিলিত হন । কিছুদিন পরে সপ্তগ্রামের ভূম্যধিকারী গোবর্দ্ধন মজুমদারের পুত্র রঘুনাথ দাস অতুল

ঐশ্বর্য্য ও পরমা সুন্দরী পত্নী পরিত্যাগ করিয়া নীলাচলে আসিয়া
চৈতন্যচরণে আশ্রয় গ্রহণ করেন ।

“মহাপ্রভুর প্রিয়ভৃত্য রঘুনাথ দাস ।
সৰ্ব্বত্যাগি কৈল প্রভুর পদতলে বাস ॥
প্রভু সমর্পিল তাঁরে স্বরূপের হাতে ।
প্রভুর গুণসেবা কৈল স্বরূপের সাথে ॥
ষোড়শ বৎসর কৈল অন্তরঙ্গ-সেবন ।
স্বরূপের অন্তর্দানে আইলা বৃন্দাবন ॥”

চৈঃ চঃ আদিলীলা ১০ম পঃ ।

শ্রীমৎ কৃষ্ণদাস কবিরাজ গোস্বামী মহাশয় যখন শ্রীচৈতন্য-
চরিতামৃত লিখিতে আরম্ভ করেন, তাহার প্রধান সহায় ছিলেন
বৃন্দাবনের ছয় গোস্বামী প্রভু ।

“শ্রীরূপ সনাতন ভট্ট রঘুনাথ ।
শ্রীজীব গোপাল ভট্ট দাস রঘুনাথ ॥
এ-সব প্রসাদে লিখি চৈতন্য লীলাগুণ ।
জানি বা না জানি করি আপন শোধন ॥”

চৈঃ চঃ আদিলীলা ৯ম পঃ ।

শ্রীবৃন্দাবনদাস গোস্বামী তাঁহার ‘চৈতন্যমঙ্গল’ (চৈতন্য-
ভাগবত) গ্রন্থে শ্রীচৈতন্যদেবের আদি লীলা সবিস্তারে কীর্তন
করিয়াছেন । তাহাতে গ্রন্থের কলেবর এত বৃদ্ধি প্রাপ্ত হইল যে,
গোস্বামী প্রভু মহাপ্রভুর শেষ লীলা বর্ণন না করিয়া গ্রন্থ শেষ
করিলেন । বৃন্দাবনবাসী ভক্তগণ শ্রীবৃন্দাবনদাস গোস্বামী

রচিত 'চৈতন্যমঙ্গল' পাঠ শ্রবণ করিতেন কিন্তু ঐ গ্রন্থে মহাপ্রভুর শেষ লীলার বর্ণনা না থাকায় ভক্তগণ প্রভুর শেষ লীলার রস আশ্বাদন হইতে বঞ্চিত ছিলেন।

“আর যত বৃন্দাবনবাসী ভক্তগণ।

শেষলীলা শুনিতে সবার হৈল মন ॥

মোরে আজ্ঞা দিল সবে করুণা করিয়া।

তাঁ সবার বোলে লিখি নিল'জ্জ হইয়া ॥

বৈষ্ণবের আজ্ঞা পেয়ে চিন্তিত অন্তরে।

মদন গোপালে গেলাম আজ্ঞা মাগিবারে ॥

সেই লিখি মদন গোপাল যে লিখায়।

কাষ্ঠের পুতুলি যেন কুহকে নাচায় ॥”

চৈঃ চঃ আদি-লীলা ৮ম পঃ।

মহাপ্রভুর অপ্রকট হইবার প্রায় ৪০।৫০ বৎসর পরে, বৃন্দাবনবাসী ভক্তগণের অনুরোধে কৃষ্ণদাস গোস্বামী যখন শ্রীবৃন্দাবনধামে বসিয়া শ্রীচৈতন্যচরিতামৃত লিখিতে আরম্ভ করেন তখন তিনি 'জরাতুর বৃদ্ধ'। তিনি বলিতেছেন,

“আমি বৃদ্ধ জরাতুর লিখিতে কাঁপয়ে কর

মনে কিছু স্মরণ না হয়।

না দেখিয়ে নয়নে না শুনিয়ে শ্রবণে

তবু লিখি এ বড় বিস্ময়।”

চৈঃ চঃ মধ্যলীলা ২য় পঃ।

স্বরূপ দামোদর নীলাচলে আসিবার অল্পদিনের মধ্যে

মহাপ্রভুর প্রিয় সহচর বলিয়া পরিগণিত হইলেন। তিনি মহাপ্রভুর শেষলীলা নয়নগোচর করিয়া এবং প্রভুর দক্ষিণ তীর্থ-পর্যটন ও অন্যান্য বিষয় যাহা তিনি প্রত্যক্ষ করেন নাই সেই সকল রত্নান্ত অপরের নিকট হইতে সংগ্রহ করিয়া সমস্ত বিবরণ সূত্রাকারে গ্রথিত করিয়াছিলেন কিন্তু লিপিবদ্ধ করেন নাই। রঘুনাথ দাস নীলাচলে আসিলে স্বরূপ দামোদর সেই সকল সূত্র তাঁহাকে শিক্ষা দিয়াছিলেন। প্রত্যহ অভ্যাস করিতে করিতে সূত্রগুলি রঘুনাথ দাসের কণ্ঠস্থ হইয়া গিয়াছিল। স্বরূপ দামোদরের অন্তর্দ্বানের পর রঘুনাথ বৃন্দাবনে আগমন করিয়া গোবর্দ্ধনে শ্রীরূপসনাতন গোস্বামীর নিকট অবস্থান করিতে লাগিলেন। গোবর্দ্ধনে কর বৎসর কাটাইয়া, রাধাকুণ্ডে যাইয়া বাস করেন এবং জীবনের শেষ পর্য্যন্ত সেই স্থানেই অতিবাহিত করেন। তদনন্তর শ্রীকৃষ্ণদাস কবিরাজ গোস্বামী ঐস্থানে আসিয়া রঘুনাথ দাস গোস্বামীর সহিত মিলিত হন। প্রত্যহ নির্দিষ্ট সময়ে রঘুনাথ দাস গোস্বামী, কৃষ্ণদাস কবিরাজ গোস্বামীর সহিত মহাপ্রভুর অন্তলীলা কাহিনী আশ্বাদন করিতেন। ইত্যবসরে কবিরাজ গোস্বামীর শ্রীচৈতন্য-চরিতামৃতের মধ্যলীলা ও শেষ লীলা লিখিত হইতে লাগিল।

“ছোট বড় ভক্তগণ বন্দো সবার শ্রীচরণ

সবে মোর করহ সন্তোষ।

স্বরূপ গোস্বামীর মত রঘুনাথ জানে যত

তাহা লিখি নাহি মোর দোষ ॥

চৈতন্যের লীলা রত্নসার স্বরূপের ভাণ্ডার
 তেঁহো খুইলা রঘুনাথের কণ্ঠে ।
 তাহা কিছু যে শুনিল তাহা ইহা বিবরিল
 ভক্তগণ দিল এই ভেটে ॥”

চৈঃ চঃ মধ্যলীলা ২য় পঃ ।

মহাপ্রভুর দক্ষিণদেশ পর্যটনের বিবরণ সম্বন্ধে কবিরাজ গোস্বামী বলিয়াছেন, “প্রভু তীর্থ-পর্যটনকালে সহস্র সহস্র তীর্থ দর্শন করিয়াছিলেন। তিনি কখনও দক্ষিণাভিমুখে কখনও বা পূর্বাভিমুখে গমন করিয়াছিলেন। আবার ফিরিয়া কখনও দক্ষিণাভিমুখে কখনও বা পশ্চিমাভিমুখে গমন করিয়াছিলেন। আমি তীর্থ-পর্যটনের পৌর্কোপর্বা ঠিক রাখিতে পারি নাই। তাহাদের নাম মাত্র উল্লেখ করিয়াছি এবং সকল তীর্থের কথাও বলিতে পারি নাই।” সকল তীর্থের নাম উল্লেখ করা বা তাহাদের অনুক্রম ঠিক রাখা কবিরাজ গোস্বামীর পক্ষে সম্ভব নয়। প্রথমতঃ শ্রীগোরাঙ্গদেব অনুক্রম ঠিক রাখিয়া নিজ পরিজনগণের নিকট তীর্থ বিবরণ দিতে পারেন নাই। বর্ণনা কালে যে তীর্থের কথা যখন তাঁহার মনে উদয় হইয়াছিল, তাহাই বিবৃত করিয়াছিলেন। দ্বিতীয়তঃ স্বরূপ গোস্বামীও যেমন যেমন শ্রবণ করিয়াছিলেন সেইরূপ সূত্রাকারে গ্রথিত করিয়া রাখিয়াছিলেন। সুতরাং স্বরূপ গোস্বামীর পক্ষে তীর্থের পৌর্কোপর্বা ঠিক রাখা সম্ভবপর নয়। তৃতীয়তঃ কবিরাজ গোস্বামী মহাপ্রভুর লীলাকথা রচনা করিবার সময়

রঘুনাথ দাস গোস্বামীর নিকট হইতে যে যে সূত্র প্রাপ্ত হইতেছিলেন তাহাই লিপিবদ্ধ করিতেছিলেন। এরূপ স্থলে তীর্থের অনুক্রম ঠিক না থাকাই স্বাভাবিক। গোস্বামী মহোদয়ের পক্ষে তীর্থের ধারাবাহিক বিবরণ দেওয়া অসম্ভব। বাহা হউক তিনি যে কয়টি তীর্থের নাম তাঁহার শ্রীচৈতন্যচরিতামূর্তে উল্লেখ করিয়াছেন তাহাই বথেষ্ট। সেই সকল তীর্থ এখনও বর্তমান আছে। মহাপ্রভু যে যে তীর্থে পদার্পণ করিয়াছিলেন সেই সকল তীর্থ প্রভুর পাদস্পর্শে অধিকতর পবিত্র হইয়াছিল; তীর্থ মাহাত্ম্য আরও বর্দ্ধিত হইয়াছিল।

“দক্ষিণ গমন প্রভুর অতি বিলক্ষণ,
সহস্র সহস্র তীর্থ কৈল দরশন।
সেই সব তীর্থ স্পর্শি মহাতীর্থ কৈল,
সেই ছলে সেই দেশের লোক নিস্তারিল ॥”

চৈঃ চঃ মধ্যলীলা ৮ম পঃ।

হিন্দু তীর্থকামীর পক্ষে সেই সেই তীর্থ-রেণু সঙ্গে মাথিতে পারিলে তাহার মানবজন্ম সার্থক হইবে এ বিষয়ে মতদ্বৈধ নাই।

প্রভু কেবলমাত্র কৃষ্ণদাসকে সঙ্গে লইয়া পদব্রজে সমস্ত দক্ষিণদেশ ভ্রমণ করিয়াছিলেন। দক্ষিণদেশে যে যে ভাষা প্রচলিত ছিল তাহা তিনি অবগত ছিলেন না। তিনি এক কপর্দকও সঙ্গে লন নাই; কোনও ধনীলোকের আশ্রয় বা আতিথ্য গ্রহণ করেন নাই। এমন কি তাঁহার ধর্মমত প্রচার করিবার জন্ত তাঁহার নিজের “আপনি আচারি ধর্ম জীবে

শিখাইবে” এই রীতি ভিন্ন অন্য কোনও রীতি অবলম্বন করেন নাই। কোনও সংবাদপত্রে তাঁহার কার্যাবলী প্রকাশিত হয় নাই। তথাপি তিনি নানা অসুবিধা সত্ত্বেও আপামর জনসাধারণকে আকর্ষণ করিয়াছিলেন।

“প্রভুর প্রভাবে লোক আইল দর্শনে।

লক্ষ্যকরুদ লোক আইসে নাহিক গণনে ॥”

যে যে গ্রাম দিয়া প্রভু গমন করিতেন, সেই সেই স্থানের আবালবৃদ্ধবনিতা সকলে তাঁহার আগমন সংবাদ পাইবামাত্র তাঁহার দর্শন আশায় সর্বকর্ম পরিত্যাগ করিয়া প্রভুর সন্নিধানে উপস্থিত হইত। তিনি কৃষ্ণ-প্রেমে বিভোর হইয়া দিগ্বিদিক জ্ঞানশূন্য হইয়া চলিতেন। যাহাকে সম্মুখে দেখিতে পাইতেন তাহাকেই একবার ‘হরি’ বলিতে অনুরোধ করিতেন। সে অমনি বিহ্বল হইয়া উন্মত্তের ন্যায় ‘হরি হরি’ বলিত; সতৃষ্ণ নয়নে সেই দেবদুল্লভ রূপ দর্শন করিতে করিতে তাঁহার অনুসরণ করিত। কিছুদূর তাঁহার অনুগমন করিলে প্রভু তাহাকে আলিঙ্গন করিয়া, তাহার শরীরে শক্তি সঞ্চারিত করিয়া দিয়া বিদায় দিতেন। তখন সে একেবারে ভিন্ন প্রকৃতির হইয়া যাইত। সেইজন নিজে গ্রামে প্রত্যাবর্তন করিয়া, অনন্যকর্মা হইয়া অনুক্ষণ হরিনাম করিত। সে হরিপ্রেমে মাতোয়ারা হইয়া কখনও নাচে, কখনও কাঁদে, কখনও হাসে। যাহাকে সম্মুখে দেখে তাহাকেই বলে “একবার কৃষ্ণ বল ভাই, একবার হরিবল ভাই”। তাহার এই অনুরোধ অবজ্ঞা করা দূরের কথা,

প্রত্যাখ্যান করিবারও কাহার সামর্থ্য ছিল না। তিনি স্বর্গীয় বলে বলীয়ান। মহাপ্রভুর সঞ্চারিত শক্তি সংক্রামক ব্যাধির ন্যায় সকলকে আবিষ্ট করিয়া ফেলিল। এইরূপে পরম্পরায় সকলে বৈষ্ণব হইয়া গেল; হরিনামের বন্যা ক্রমেক্রমে সমস্ত দক্ষিণদেশ প্লাবিত করিয়া দিল। সেতুবন্ধ রামেশ্বর পর্য্যন্ত সমস্ত দাক্ষিণাত্য আবালবৃদ্ধবনিতা বৈষ্ণবধর্মে অনুপ্রাণিত না হইয়া থাকিতে পারিল না। সেই ঐশীশক্তি, সেই অনন্য সাধারণ অলৌকিক তেজ প্রতিরোধ করিবার কাহারও সামর্থ্য ছিল না। সকলেই কণামাত্র ভক্তি পাইবার জন্য আগ্রহান্বিত, উৎসুক, উদ্গ্রীব; বিন্দুমাত্র প্রেম-ভক্তি পাইয়াই কৃতার্থমন্ত হইলেন, চরিতার্থ হইলেন। একরূপ অপরূপ রূপ, একরূপ ভাবাবেশ, একরূপ ভগবদ্ভক্তি, একরূপ কৃষ্ণ-প্রেম-পাগল সর্বত্যাগী সন্ন্যাসী তাহারা জীবনে কখনও নয়নগোচর করেন নাই; তাহাদের জীবন সার্থক হইয়া গেল। প্রেমাবেশে উর্দ্ধবাহু হইয়া নাচিতে লাগিল। অবিরাম মুখেমুখে কৃষ্ণনাম প্রবাহিত হইতে লাগিল। কৃষ্ণনামামৃত বন্যায় দেশ ভাসিয়া গেল।

“যেই গ্রাম দিয়া যান যাঁহা করেন স্থিতি।

সে সব গ্রামের লোকের হয় কৃষ্ণভক্তি ॥

কেহ যদি তাঁর মুখে শুনে কৃষ্ণনাম।

তার মুখে আন শুনে তার মুখে আন ॥

সবে ‘কৃষ্ণ হরি’ বলি নাচে কান্দে হাসে।

পরম্পরায় বৈষ্ণব হইল সর্বদেশে ॥”

প্রভু যখন কোনও দেবালয়ে আগমন করিতেন প্রথমে তিনি দেবতাকে ভক্তিভরে সাষ্টাঙ্গে প্রণিপাত করিতেন ; তৎপরে ভগবৎপ্রেমে বিভোর হইয়া প্রেমাবেশে নৃত্য করিতেন, স্তোত্র পাঠ করিতেন। কখনও বা হরিগুণগান, কখনও বা কৃষ্ণনাম কীর্তন করিতেন। যত লোক সেস্থানে উপস্থিত থাকিত, সকলেই সেই হরিনাম শ্রবণ করিয়া, পরিশেষে সংকীর্তন ব্যাপারে যোগদান করিয়া পরম আনন্দ উপভোগ করিত। মহাপ্রভুর হৃদয়োন্মাদ-কারী মর্ম্মস্পর্শী কণ্ঠস্বর কর্ণ-গোচর হইবামাত্র লোকে আর স্থির থাকিতে পারিত না। দলেদলে গ্রামবাসী, জনপদবাসী জনসাধারণ গৃহ পরিত্যাগ করিয়া দ্রুতবেগে সেই সংকীর্তনস্থলে আসিয়া উপস্থিত হইত। প্রভুর তপ্তকাঞ্চনসদৃশ বর্ণ, আয়ত নয়ন, প্রশস্ত ললাট, সুদীর্ঘ সুগঠিত দেহ, আজানুলম্বিত বাহু, পরিধানে অরুণ বসন, তাহার উপর শরীরে পুলক, অশ্রু, কম্প, শ্বেদ-প্রভৃতি সাত্ত্বিক ভাবের লক্ষণগুলি অবলোকন করিয়া লোকে চমৎকৃত ও বিমোহিত হইত। তাহারা আত্মহারা হইয়া সংসারের কথা ভুলিয়া যাইত। যে আসিত, তাহার গৃহে প্রত্যাবর্তন করিবার ইচ্ছা থাকিত না, শক্তিও থাকিত না। তাহারাও প্রভুর সহিত নৃত্যানন্দে মাতিয়া যাইত। কেহ নাচিত, কেহ গাহিত। আবালবৃদ্ধবনিতা সকলে সংসারের জ্বালা ভুলিয়া যাইত। মন্দিরপ্রাঙ্গণ লোকে লোকারণ্য ; সেদিকে কাহারও দৃকপাত নাই। সকলেই আপনমনে মহাপ্রভুর অনুকরণ করিয়া নৃত্য

গীতে উন্নত । যতক্ষণ না প্রভুকে কৌশল করিয়া স্থানান্তরিত করা হইত ততক্ষণ নৃত্যগীতের অবসান হইত না । সন্ধ্যা পর্য্যন্ত জনশ্রোতের বিরাম নাই । সন্ধ্যার পর কেহ চলিয়া যাইত, কেহ বা সেইস্থানে প্রভুর সন্নিধানে কৃষ্ণকথা শুনিবার আশায় রজনী যাপন করিত । যাঁহাদের প্রভুর সহিত বাক্যালাপ করিবার সুযোগ ও সৌভাগ্য হইত, প্রভুর কৃপায় তাঁহারা মহাভাগবত হইয়া যাইতেন । সেই সব আচার্য্য পরবর্তীকালে প্রভুর অনুমোদিত বৈষ্ণবধর্ম প্রচার করিয়া জগতের মহৎ উপকার সাধন এবং আপামর সাধারণকে উদ্ধার করিয়াছিলেন ।

“প্রেমাবেশে নৃত্য-গীত কৈল কতক্ষণ ।
 দেখিতে আইলা তাঁহা বৈসে ষতজন ॥
 চতুর্দিকের লোক সব বলে হরি হরি ।
 প্রেমাবেশে মধো নৃত্য করে গৌরহরি ॥
 কাঞ্চন সদৃশ দেহ অরুণবসন ।
 পুলকাক্ষ কম্পস্বেদ তাহাতে ভূষণ ॥
 দেখিয়া লোকের মনে হইল চমৎকার ।
 যত লোক আইসে কেহ নাহি যায় ঘর ॥
 কেহ নাচে কেহ গায় শ্রীকৃষ্ণ গোপাল ।
 প্রেমে ভাসিল লোক স্ত্রী বৃদ্ধ যুবা বাল ॥
 দেখি নিত্যানন্দ প্রভু কহে ভক্তগণে ।
 এইরূপ নৃত্য আগে হবে গ্রামে গ্রামে ॥”

চৈঃ চঃ মধ্যলীলা ৭ম পঃ।

তীর্থ-পর্যটন সময়ে শ্রীচৈতন্যদেব যে গৃহে ভিক্ষা গ্রহণ করিবার অভিলাষ করিতেন, গৃহস্থামী পরম যত্ন ও সমাদরে নিমন্ত্রণ করিয়া প্রভুকে গৃহে লইয়া যাইতেন। গৃহে পদার্পণ করিবার পর গৃহস্থামী স্বয়ং প্রভুর পাদ প্রক্ষালন করিয়া দিতেন এবং সপরিবারে সেই পদধৌত জল একান্ত ভক্তিসহকারে পান করিয়া জন্ম সার্থক করিতেন। পরম পরিতোষ পূর্বক প্রভুকে ভোজন করাইয়া, তাহার বিশ্রামলাভের বন্দোবস্ত করতঃ গৃহস্থামী সপরিবারে প্রভুর ভুক্তাবশিষ্ট অন্ন বণ্টন করিয়া লইয়া আহার করিয়া কৃতকৃত্য হইতেন।

কৃষ্ণকথাপ্রসঙ্গে রজনী অতিবাহিত হইতে না হইতে গৃহস্থামীর প্রকৃতির পরিবর্তন সংঘটিত হইত। বিষয়ভোগ এবং সংসার তাহার নিকট অকিঞ্চিৎকর বলিয়া প্রতীয়মান হইত ; তিনি সংসার-সুখে উদাসীন ও বীতশ্রদ্ধ হইয়া পড়িতেন। সংসারের মায়াজাল তাহাকে আবদ্ধ রাখিতে পারিত না। স্মুতরাং প্রাতঃকালে প্রভু তাহার নিকট হইতে বিদায় প্রার্থনা করিলে গৃহস্থামী প্রভুর সহিত গমন করিবার অভিলাষ প্রকাশ করিতেন। প্রভু তাহাকে এইরূপ কার্য্য করিতে নিষেধ করিতেন এবং উপদেশ দানে সান্ত্বনা করিয়া সেই সঙ্কল্প হইতে প্রতিনিবৃত্ত করিতেন। প্রভু বলিতেন, “তোমার গৃহত্যাগ করিবার কোন প্রয়োজন নাই। তুমি গৃহে অবস্থান করিয়া একাগ্রচিত্তে নিরন্তর কৃষ্ণনাম গান করিবে এবং যাহার যাহার সহিত তোমার সাক্ষাৎ হইবে সকলকেই কৃষ্ণনাম কীর্ত্তন করিতে অনুরোধ

করিবে। গুরুর ন্যায় উপদেশ দানে কৃষ্ণভক্তি প্রচার করিয়া এই দেশের সকলের উদ্ধারসাধন করিতে সচেষ্ট হইবে। তাহা হইলে বিষয়তরঙ্গ তোমায় অভিভূত করিতে পারিবে না।”

যে যে স্থানে প্রভু শিক্ষা করিয়াছিলেন সকল স্থানেই এইরূপ ঘটনা ঘটিয়াছিল। প্রভুও সকলকেই এইরূপ শিক্ষা দিয়াছিলেন।

সেই সময় দক্ষিণদেশের লোক নানাধর্ম সম্প্রদায়ভুক্ত ছিল। কেহ বা জ্ঞানবাদী, কেহ বা কর্মবাদী, কেহ বা ভীষণ নাস্তিক। বৈষ্ণবদিগের ভিতরও কেহ বা স্মার্ত্ত বৈষ্ণব, কেহ বা রামানুজ সম্প্রদায় ভুক্ত শ্রীবৈষ্ণব, কেহ বা মধ্বাচার্য্য সম্প্রদায় ভুক্ত তত্ত্ববাদী বৈষ্ণব ছিলেন। শ্রীকৃষ্ণচৈতন্যপ্রভু নিজের অলৌকিক সৌন্দর্য্য, অগাধ পাণ্ডিত্য, অদ্ভুত বিচারশক্তি, অকপট আচরণ এবং অলোকসামান্য কৃষ্ণপ্রেম দ্বারা সমস্ত জনসাধারণকে অভিভূত ও মোহিত করিয়া, কৃষ্ণনামে মাতোয়ারা করিয়া কৃষ্ণ উপাসক বৈষ্ণবধর্মে দীক্ষিত করিয়াছিলেন।

ন্যায়, মীমাংসা, মায়াবাদ, বেদান্ত, স্মৃতি, পুরাণ, সাংখ্য পাতঞ্জল প্রভৃতি শাস্ত্রবিশারদ পণ্ডিতগণ, নিজ নিজ অধীত প্রিয় শাস্ত্রের প্রাধান্য স্থাপনের আশায় ব্যগ্র হইয়া শ্রীগৌরচন্দ্রের সহিত বিচারে প্রবৃত্ত হইয়াছিলেন। মহাপ্রভু নিজের অনন্য-সাধারণ প্রতিভার দ্বারা সকলের মত খণ্ড খণ্ড করিয়া কাটিয়া, তাহাদের শাস্ত্রের ভ্রম দেখাইয়া দিয়া, তাঁহার নিজের সিদ্ধান্ত

কৃষ্ণ উপাসনাই সত্য ধর্ম প্রমাণিত করিয়া সকলকে কৃষ্ণ উপাসক করিয়াছিলেন ।

“সর্কমত দৃষি প্রভু করে খণ্ড খণ্ড ॥

সর্কত্র স্থাপরে প্রভু বৈষ্ণব সিদ্ধান্তে

প্রভুর সিদ্ধান্ত কেহ না পারে খণ্ডিতে ॥”

এক বৌদ্ধাচার্য্য বিচারে মহাপ্রভুকে পরাজয় করিবার অভিলাষে শিষ্যগণ সমভিব্যাহারে সগর্বে তাহার নিকট আগমন করিয়াছিলেন এবং মহাপ্রভুকে নয়টী প্রশ্ন করিয়া অনুমান করিয়াছিলেন যে, বৌদ্ধাচার্য্যের এই কয়টী প্রশ্নের সমাধান করা শ্রীকৃষ্ণচৈতন্যের পক্ষে অসম্ভব । কিন্তু প্রভু তাহার অনন্যসাধারণ প্রতিভা ও বিচারশক্তির প্রভাবে সেই সকল জটীল প্রশ্নের সমাধান করিয়া বৌদ্ধমত খণ্ড খণ্ড করিয়া বৌদ্ধ শাস্ত্রের অসারতা প্রতিপাদন করিলেন । বৌদ্ধাচার্য্য লজ্জায় অধোবদন হইলেন । পরিশেষে শ্রীগৌরচন্দ্রের শিষ্যত্ব গ্রহণ করিয়া পাপের প্রায়শ্চিত্ত করিয়াছিলেন ।

স্পর্শমণির প্রভাবে লৌহ স্বর্ণে পরিণত হয় কিন্তু গৌরমণির সংস্পর্শে আসিয়া নরাকারে বিষম পাষণ্ড ও পশু, মনুষ্যত্ব লাভ করিল ; মানুষ দেবত্ব লাভ করিল ; মলিনতা, সঙ্কীর্ণতা, কপটতা অন্তর্হিত হইল ; তাহার স্থান অধিকার করিল উদারতা, কোমলতা, সরলতা, প্রেম, ভক্তি । মানবহৃদয়ের নিকৃষ্ট বৃত্তিগুলি বিনষ্ট হইয়া উচ্চবৃত্তিগুলির পূর্ণ বিকাশ সাধিত হইল । মানুষের প্রকৃতির পরিবর্তন হইল, চরিত্রের উন্নতি হইল ।

তাঁহার শিক্ষার মূলমন্ত্র ছিল নিজের আচরণ। তিনি কাহাকেও উপদেশ না দিয়া, কেবল তাঁহার ধর্মজীবনের দৃষ্টান্ত সম্মুখে স্থাপন করিয়া লোককে শিক্ষা দিয়াছিলেন। শ্রেষ্ঠ ব্যক্তি যাহা যাহা করেন, সাধারণ জনগণ তাহারই অনুকরণ করে। মহানুভব ব্যক্তিগণ যেরূপ আচরণ, যেরূপ প্রমাণ প্রদর্শন করেন, প্রাকৃত লোকে তাহারই অনুগামী হইয়া থাকে। মহাপ্রভু ইহা বিশেষরূপে অবগত ছিলেন। সুতরাং “আমার কার্যের অনুকরণ করিও না, আমার কথা অনুবর্তী হও” এই গতানুগতিক উপদেশ কখনও উচ্চারণ করেন নাই। তিনি বিশেষভাবে অবগত ছিলেন যে, ঐরূপ শিক্ষাদানের কোনও মূল্য নাই। তিনি নিজে যাহা করেন নাই কিম্বা যে নীতি পালন করিতে অপারক, সেইরূপ উপদেশ কখনও দেন নাই।

মহাত্মা শিশিরকুমার ঘোষ তাঁহার ‘শ্রীঅমিয়নিমাইচরিতে’ লিখিয়াছেন “প্রভুর প্রচার পদ্ধতি স্বতন্ত্র। তিনি প্রায় সমুদয় ভারতবর্ষ ভ্রমণ করিলেন ; ভ্রমণ করিয়া তাহার অনুমোদিত যে ধর্ম প্রচার করিলেন, জীবকে বুঝাইলেন কিরূপে ? বক্তৃতা করিয়া কি তর্ক করিয়া নয়, তবে আপনি আচরিয়া।” তাঁহার কার্যে কিছুমাত্র কপটতা ছিল না। তাহার অকৈতব ব্যবহার, অলৌকিক ভগবদ্ভক্তি, অনন্যসাধারণ প্রেমময় দেবদুর্লভ রূপরাশি যে দেখিল সেই মজিয়া গেল। বিশাল বিপুল ঐশীশক্তি জনগণকে কুপথ হইতে টানিয়া আনিয়া ভক্তিপথে লইয়া গেল।

যে শক্তি তিনি নবদ্বীপধামে প্রকট করেন নাই দক্ষিণদেশের তীর্থ-পর্যটনকালে তাঁহার সেই অমানুষিক শক্তি প্রকাশ করিয়া সকলের উদ্ধার সাধন করিয়াছিলেন।

তাঁহার দক্ষিণদেশের তীর্থভ্রমণ এক অদ্ভুত ব্যাপার। ইহার পূর্বে এরূপ ব্যাপার জগতের কোনও স্থানে কখনও সংঘটিত হয় নাই। অদ্ভুতপূর্ব ভাবতরঙ্গ এইরূপ ধীরে ধীরে উথিত হইয়া, ক্রমশঃ প্রবল বেগ ধারণ করিয়া জাতি, ধর্ম, বর্ণ, বিজ্যানির্কিশেষ জনসাধারণকে ব্যাকুল করিতে পারে নাই।

ভ্রমণে চৈতন্যদেবের অনুমোদিত ধর্ম বিশেষরূপে প্রচারিত হইয়াছিল। যাহারা তাঁহার নিকট আগমন করিয়া তাঁহার ভাবাবেশ ও কৃষ্ণপ্রেম অবলোকন করিল এবং তাঁহার সহিত বাক্যালাপ করিবার সুযোগ পাইল তাহারা চৈতন্যদেবের ধর্মে দীক্ষিত না হইয়া থাকিতে পারিল না। বক্তৃতা সংকীর্ণন বা উপদেশে যত কাজ না হইল তাঁহার ধর্মজীবনের জাজ্বল্যমান দৃষ্টান্তে শতগুণ ফল ফলিল

চৈতন্য চরিত এই অমৃতের সিন্ধু।

জগৎ আনন্দে ভাষায় যার একবিন্দু ॥

প্রভুর তীর্থ-যাত্রার কথা শুনে যেই জন।

চৈতন্য চরণে পায় গাঢ় প্রেমধন ॥

চতুর্থ পরিচ্ছেদ তীর্থস্থানের তালিকা

শ্রীচৈতন্যদেবের দক্ষিণাপথ ভ্রমণ রুত্তান্তে ‘শ্রীচৈতন্য-চরিতামৃতে’ যে সকল স্থানের নাম উল্লিখিত হইয়াছে, সেই সকল স্থানের একটি তালিকা প্রদত্ত হইল। বাংলা তালিকায় স্থানের নাম, তীর্থস্থানে কোন বিগ্রহ বা শিবলিঙ্গ আছে, ও জেলার নাম লিখিত হইল। ইংরাজী তালিকাটী Imperial Gazetteer of India হইতে সংগৃহীত হইয়াছে। প্রথমসূক্তে নাম, দ্বিতীয়সূক্তে জেলা, তৃতীয়সূক্তে অক্ষরেখা, চতুর্থসূক্তে দ্রাঘিমা এবং পঞ্চমসূক্তে গেজেটিয়ারের কোন খণ্ডে কত পৃষ্ঠায় ঐস্থানের বিবরণ আছে, তাহা লিখিত হইয়াছে। অক্ষরেখা ও দ্রাঘিমার সাহায্য লইয়া মানচিত্রে স্থানগুলি নির্দিষ্ট করা হইয়াছে।

শ্রীচৈতন্যচরিতামৃতে যেমন যেমন স্থানের নাম লিখিত আছে, ঠিক সেই অনুক্রমে স্থান গুলিকে তালিকাভুক্ত করা হইয়াছে। স্থান গুলির পৌর্কোপর্য্য ঠিক নাই, অক্ষরেখা ও দ্রাঘিমার প্রতি দৃষ্টিপাত করিলেই প্রতীয়মান হইবে। অনুক্রম সম্বন্ধে কবিরাজ গোস্বামী লিখিয়াছেন।

“সেই সব তীর্থের ক্রম কহিতে না পারি।
দক্ষিণ বামে তীর্থগমন হয় ফেরাফিরি ॥
অতএব নাম মাত্র করিয়ে গণন।
কহিতে না পারি তার যথা অনুক্রম ॥”

নাম	বর্ণনা	জেলা	দেবতা
১ নীলাচল	সহর	পুরী	জগন্নাথ
২ আলাননাথ	গ্রাম	পুরী	নারায়ণ
৩ কুর্মস্থান	গ্রাম	গঞ্জাম	কুর্মমূর্তি
৪ জিয়ড়	গ্রাম	বিশাখপত্তন	নৃসিংহ
৫ গোদাবরী	নদী
৬ বিজ্ঞানগর	নগর	গোদাবরী	...
৭ গৌতমীগঙ্গা	নদী
৮ মল্লিকার্জুন	("তীর্থপরিচয় দেখুন")	দেখুন	মহাদেব
৯ আহোবল	গ্রাম	কর্ণুল	নৃসিংহ
১০ সিদ্ধবট	নগর	কাডাপা	সীতাপতি
১১ স্বন্দক্ষেত্র	সহর	বিশাখপত্তন	কার্তিকেয়
	নগর	চিঙ্গেলপুট	"
	গ্রাম	উত্তর আর্কট	"
১২ ত্রিমঠ	("তীর্থ পরিচয় দেখুন")	দেখুন	ত্রিবিক্রম
১৩ বৃদ্ধকাশী	নগর	দক্ষিণ আর্কট	শিব
১৪ ত্রিপদী ত্রিমল্ল	নগর	"	চতুর্ভুজ বিষ্ণু
১৫ বেকটারে	নগর	নেলোর	মহাদেব

Name	District	LAT N	LONG E	I. G. I.
Puri	Puri	19° 48'	85° 49'	xx 408
Alalnath	Puri
Srikurmam	Ganjam	18° 16'	84° 1'	xxiii 98
Simhachalam	Vizagapattam	17° 46'	83° 15'	xxii 375
Godavari	River of Southern India	xii 297
Rajamundry	Godavari	17° 1'	81° 46'	xxi 64
Goutami Godavari	River Godavari	xii 297
Madhyarjunam	Tanjore	11° 0'	79° 27'	xxii 397
Ahobilum	Kurnool	15° 8'	78° 45'	v 127
Sidhout	Cuddapah	14° 30'	79° 0'	xxii 357
Vizagapattam	Vizagapattam	17° 42'	83° 18'	xxiv 337
Cheyur	Chingleput	12° 21'	80° 0'	x 195
Tiruttani	North Arcot	13° 11'	79° 37'	xxiii 397
Conjeeveram	Chingleput	12° 50'	79° 42'	x 377
Vriddhachalam	South Arcot	11° 32'	79° 20'	xxiv 342
Tiruvannamalai	South Arcot	12° 14'	79° 4'	xxiii 401
Venkatagiri	Nellore	13° 58'	79° 35'	xxiv 308

নাম	বর্ণনা	জেলা	দেবতা
১৬	ত্রিপদী ত্রিপদী	নগর নগর	মহাদেব শ্রীরাম
১৭	পানা	নগর গ্রাম	নরসিংহ ”
১৮	কাঞ্চী	সহর	শিব, বিষ্ণু
১৯	ত্রিমল্ল	নগর	বিষ্ণু
২০	ত্রিকালহস্তি	নগর	” মহাদেব
২১	পক্ষতীর্থ	নগর	চিঙ্গেলপুট শিব
২২	বৃদ্ধকোল তীর্থ	গ্রাম গ্রাম	” দক্ষিণ আর্কট শ্বেতবরাহ ”
২৩	পীতাম্বর	নগর	দক্ষিণ আর্কট শিব
২৪	শিয়ালী	নগর	তাঞ্জোর ভৈরবী
২৫	কাবেরী	নদী
২৬	গোসমাজ	নগর	তাঞ্জোর শিব
২৭	বেদাবন	নগর	” অমৃতলিঙ্গ
২৮	দেবস্থান	নগর	উত্তর আর্কট বিষ্ণু
২৯	কুস্তকর্ণকপাল	সরোবর	তাঞ্জোর ...
৩০	শিবক্ষেত্র	নগর সহর	তিনেভেলী তাঞ্জোর শিব ”

Name	District	LAT N	LONG E	I. G. I.
Tiruvadi	Tanjore	10° 53'	79° 6'	xxiii 397
Tirupati	North Arcot	13° 38'	79° 24'	xxiii 394
Mangalgiri	Guntur	16° 26'	80° 34'	xvii 175
Pennahobilam	Anantapur	14° 51'	77° 19'	xx 103
Conjeeveram	Chingleput	12° 50'	79° 42'	x 377
Tirumala	North Arcot	13° 41'	79° 21'	xxiii 393
Kalahasti	North Arcot	13° 45'	79° 42'	xiv 296
Tirukkalik-Kur	Chingleput	12° 36'	80° 3'	xxiii 392
Seven Pagodas	Chingleput	12° 37'	80° 12'	xxii 182
Srimushnam	South Arcot	11° 23'	79° 24'	xxiii 99
Chidambaram	South Arcot	11° 25'	79° 42'	x 218
Shiyali	Tanjore	11° 14'	79° 44'	xxii 295
Cauvery	River in Southern India	ix 303
Mayavaram	Tanjore	11° 6'	79° 39'	xvii 238
Vedaranniyan	Tanjore	10° 32'	79° 38'	xxiv 302
Tirumala	North Arcot	13° 41'	79° 21'	xxiii 393
Mahamagham	A tank in Kumbhkonom City			xvi 21
Tinnevelly	Tinnevelly	8° 44'	77° 41'	xxiii 379
Tanjore	Tanjore	10° 47'	79° 8'	xxiii 242

নাম	বর্ণনা	জেলা	দেবতা
৩১	পাপনাশন	নগর	শিব
	”	নগর	বিষ্ণু
৩২	শ্রীরঙ্গক্ষেত্র	নগর	রঙ্গনাথ
৩৩	ঋষভ পর্বত	পর্বত	নারায়ণ
৩৪	শ্রীশৈল	নগর	শিবদুর্গা
৩৫	কামকোষ্ঠী	সহর	মহাদেব
৩৬	দক্ষিণ মথুরা	সহর	শিব
৩৭	কৃতমালা	নদী	...
৩৮	দুর্বেসন	গ্রাম	রঘুনাথ
	রামনাদ	নগর	...
৩৯	মহেন্দ্রশৈল	পর্বত	পরশুরাম
৪০	সেতুবন্ধ	গ্রাম	শিব
৪১	ধনুতীর্থ	সমুদ্র	...
৪২	রামেশ্বর	নগর	শিব
৪৩	তাম্রপর্ণী	নদী	...
৪৪	নয়ত্রিপদী	নগর	বিষ্ণু
৪৫	চিয়ড় তলা	নগর	শ্রীরাম লক্ষ্মণ
৪৬	তিলকাঞ্চী	নগর	শিব

Name	District	LAT N	LONG E	I. G. I.
Papanasam	Tinnevelly	8° 43'	77° 22'	xix 406
Papanasam	Tanjore
Srirangam	Trichinopoly	10° 52'	78° 42'	xxiii 107
Palnihill	Madura	10° 15'	77° 20'	xix 371
Srisailum	Kurnool	16° 5'	78° 33'	xiii 110
Kumbhkonam	Tanjore	10° 58'	79° 22'	xvi 20
Madura	Madura	9° 55'	78° 7'	xvi 404
Vaigai	River in Madura District	xxiv 293
Darvashayan	Madura	R. M. G.
Ramnad	Madura	9° 22'	78° 51'	xxi 179
Mahendragiri	Travancore Peak in Western ghats.			xxiv 3
Mandapam	Madura		Station in S. I. Ry.	...
Dhanuskoti	Madura		Terminus of S. I. Ry.	...
Rameswaram	Madura	9° 17'	79° 19'	xxi 173
Tambrapurni	River in Tinnevelly District	xxiii 215
Alvar Tirunagari	Tinnevelly	8° 37'	77° 57'	v 254
Shertala	Travancore	8° 10'	77° 29'	R. M. G.
Tenkasi	Tinnevelly	8° 58'	77° 19'	xiii 280

নাম	বর্ণনা	জেলা	দেবতা	
৪৭	গজেন্দ্রমোক্ষণ	গ্রাম	ত্রিবঙ্কুর	বিষ্ণু
৪৮	পানাগড়িতীর্থ	গ্রাম	তিনেভেলী	সীতাপতি
৪৯	চামতাপুর	গ্রাম	ত্রিবঙ্কুর	শ্রীরাম লক্ষ্মণ
৫০	শ্রীবৈকুণ্ঠ	নগর	তিনেভেলী	বিষ্ণু
৫১	মলয় পর্বত	পর্বত	ত্রিবঙ্কুর	অগস্ত্য ঋষি
৫২	কণ্ঠাকুমারী	অস্তুরীপ	"	পার্বতী
৫৩	আমলকীতলা	গ্রাম	তিনেভেলী	শ্রীরাম
৫৪	মল্লার দেশ	(পৌরাণিক নাম কেরল)		...
৫৫	তমাল কার্তিক	নগর	তিনেভেলী	কার্তিক
		গ্রাম	তিনেভেলী	...
		নগর	সাণ্ডার রাজ্য	"
৫৬	বাতাপানী	...	ত্রিবঙ্কুর	রঘুনাথ
৫৭	পয়স্বিনী	নদী	দক্ষিণ কানারা	আদিকেশব
		নদী	ত্রিবঙ্কুর	"
৫৮	তিরুভল্লম্	গ্রাম	ত্রিবঙ্কুর	অনন্ত পদ্মনাভ
	ত্রিবেন্দ্রম	সহর	"	"
	ত্রিপ্পাপুর	গ্রাম	"	"
৫৯	ভরকলাই	গ্রাম	"	শ্রীজনানন্দন

Name	District	LAT N	LONG E	I. G. I.
Suchindrum	Travancore	8° 9'	77° 27'	xxiii 115
Panagudi	Tinnevelly	T. G.
Chenganur	Travancore	R. M. G.
Srivaikuntam	Tinnevelly	8° 38'	77° 55'	xiii 111
Agastyakutam	Travancore	8° 37'	77° 15'	v 71
C. Comorin	Travancore	8° 5'	77° 33'	x 376
Amalitala	Tinnevelly	N. L. D.
Malabar	...	11° 0'	76° 0'	xvii 53
Vadaku-Vel	Tinnevelly	8° 27'	77° 37'	xxiv 291
Kalagumalai	„	9° 8'	77° 42'	xiv 321
Sandur	Sandur State	15° 0'	76° 30'	xxii 44
Bhutapandi	Travancore	R. M. G.
Chandragiri	River in South Canara	x 168
Paralayer	River in Travancore
Tiruvallam	Travancore	8° 21'	77° 5'	xxiii 309
Trivendrum	Travancore	8° 29'	76° 57'	xxiv 50
Trippapur	Travancore	8. 33'	76° 58'	xxiv 49
Varkkallai	Travancore	8° 42'	76° 33'	xxiv 300

নাম	বর্ণনা	জেলা	দেবতা
৬০	পয়োধী	নদী	শঙ্কর নারায়ণ
	নদী	মালাবার	"
৬১	সিংহারী মঠ	নগর	শঙ্করাচার্য্য
৬২	মৎস্য তীর্থ	সরোবর	...
৬৩	তুঙ্গভদ্রা	নদী	...
৬৪	উদিপি	নগর	দক্ষিণ কানারা
৬৫	ফল্গুতীর্থ	সরোবর	অনন্তপুর
৬৬	ত্রিতকূপ	নগর	কোচিন রাজ্য
৬৭	বিশালা	গিরিবন	মহীশূর
৬৮	পঞ্চাম্বরী তীর্থ	সরোবর	অনন্তপুর
৬৯	গোকর্ণ	নগর	উত্তর কানারা
৭০	বৈশ্যপায়নী	দ্বীপ	বোম্বাই
৭১	সূর্য্যারক তীর্থ	নগর	থানা
৭২	কোলাপুর	সহর	কোলাপুর রাজ্য
৭৩	পাণ্ডুপুর	নগর	শোলাপুর
৭৪	ভীমরথী	নদী	...
৭৫	কৃষ্ণ বেঙ্গা	নদী	...

Name	District	LAT N	LONG E	I. G. I.
Purna	River of Berar	xx 412
Ponnani	River in Malabar	xx 865
Sringeri	Mysore	13° 25'	75° 19'	xxiii 105
Matsyatirtha	Lake			N. L. D 129
Tungabhadra	The chief tributary of the Kistna			xxiv 60
Udipi	South Kanara	13° 21'	74° 45'	xxiv 111
Anantapur	Anantapur	14° 41'	77° 37'	v 349
Trichur	Cochin State	10° 31'	76° 13'	xxiv 48
Bisale	Mysore Pass in Western ghat			xii 219
Anantapur	Anantapur	14° 41'	77° 37'	v 349
Gokaran	North Kanara	14° 32'	74° 19'	xiii 307
Bombay	Bombay	18° 57'	72° 55'	viii 394
Sopara	Thana	19° 25'	72° 48'	xxiii 87
Kolhapur	Kolhapur State	16° 35'	74° 15'	xv 386
Pandharpur	Sholapur	17° 41'	75° 26'	xix 390
Bhima	Tributary of the Kistna river			viii 107
Kistna	River of southern India			iii 361

নাম	বর্ণনা	জেলা	দেবতা
৭৬	তাপী	নদী	...
৭৭	মাহিষ্মতীপুর	নগর	ইন্দোর রাজ্য
৭৮	নর্মদা	নদী	...
৭৯	নর্মদার তীরস্থ তীর্থ :—
	মাক্কাতা	গ্রাম	নিমার
	ভেড়াঘাট	গ্রাম	জব্বলপুর
৮০	ধনুতীর্থ	সাগরসঙ্গম	ব্রোচ্
৮১	নির্ঝিক্যা	নদী	...
৮২	ঋষ্যগুথ পর্বত	পর্বত	...
৮৩	দণ্ডকারণ্য	অরণ্য	...
৮৪	পম্পা সরোবর	সরোবর	...
৮৫	পঞ্চবটী	নগর	নাসিক
৮৬	নাসিক	নগর	”
৮৭	ত্র্যম্বক	নগর	”
৮৮	ব্রহ্মগিরি	পর্বত	”
৮৯	কুশাবর্ত্ত	সরোবর	”
৯০	সপ্ত গোদাবরী	নদী	”

Name	District	LAT N	LONG E	I. G. I
Tapti	River of Western India	xxiii 246
Maheswar	Indore State	22° 11'	75° 36'	xvii 8
Narbada	River of Western India	xviii 375
Shrines of the Narbada :—				
	
Mandhata	Nimar	22° 15'	76° 9'	xxii 152
Bheraghat	Jubbulpur	23° 10'	79° 57'	viii 100
Broach	Broach	21° 42'	72° 59'	ix 28
Kalisindh	Tributary of the Chambal river			N.L.D 141
Kudramukh	Peak in Western ghats	xiv 262
Dandak	Forest in modern Khandesh			...
Pampa	Lake	N.L.D 144
Panchabati	Nasik	20° 0'	73° 47'	xviii 410
Nasik	Nasik	20° 0'	73° 47'	xviii 410
Trimbak	Nasik	19° 54'	73° 33'	xxiv 49
Brahmagiri	Nasik	Source of Godavari		N.L.D. 40
Kushabarta	Tank near	Do.	Do	N.L.D.111
Seven Godavari	Confluence of seven rivers ...			

স্কন্দক্ষেত্র, শিবক্ষেত্র, গোসমাজ প্রভৃতি কয়েক স্থানে বাংলা নামের সহিত ইংরাজী নামের বিশেষ পার্থক্য পরিলক্ষিত হইবে। তীর্থস্থান পরিচয় অধ্যায়ে যথাসাধ্য তাহার কারণ নিদ্রিষ্ট করা হইয়াছে। স্কন্দক্ষেত্র শিবক্ষেত্র ইত্যাদি বলিয়া শ্রীচৈতন্য-চরিতামূতে যে সকল তীর্থ উল্লিখিত হইয়াছে সেইগুলি যে যেস্থানে কার্তিকেয় বা শিব বিরাজমান সেই সকল স্থানের নাম গেজেট্রিয়ার হইতে উদ্ধৃত করিয়া, ইংরাজি তালিকায় সন্নিবিষ্ট করা হইয়াছে। ঠিক কোন কোন স্থানে মহাপ্রভু গিয়াছিলেন তাহা নির্ণয় করিতে সমর্থ হই নাই।

Reference.

- I. G. I.—Imperial Gazetteer of India.
 N. L. D.—The Geographical dictionary of Ancient and
 mediaeval India by Nanda Lal Dey
 T. G.—Tinnevelly Gazetteer
 LAT N—Latitude North
 LONG E—Longitude East

পঞ্চম পরিচ্ছেদ

তীর্থস্থান পরিচয় ।

(১) নীলাচল ।

বিবরণ :-নীলাচল (Puri) উড়িষ্যা প্রদেশে পুরীজেলার প্রধান সহর । নীলাচলের অপর নাম পুরী, পুরুসোত্তম ও শ্রীক্ষেত্র । এইস্থান জগন্নাথ দেবের মন্দিরের জন্ম বিখ্যাত । ইহা ব্যতীত আরও অনেক দেবালয় ও তীর্থ আছে । যথা—১ । লোকনাথের মন্দির । ২ । ইন্দ্রহ্যম সরোবর । ৩ । মার্কণ্ডেয় হ্রদ । ৪ । চক্রতীর্থ । ৫ । শ্বেত গঙ্গা । ৬ । যমেশ্বর । ৭ । কপাল মোচন । ৮ । স্বর্গদ্বার ইত্যাদি ।

কপাল সংহিতায় লিখিত আছে—

সর্বেষাং চৈব ক্ষেত্রাণাং রাজা শ্রীপুরুসোত্তমম্

সর্বেষাংকৈব দেবানাং রাজা শ্রীপুরুষোত্তমঃ ।

এখানে অনেক মহোৎসব হইয়া থাকে । বারমাসই একটা না একটা উৎসব হয় । তন্মধ্যে জ্যৈষ্ঠ মাসের পূর্ণিমায় স্নান যাত্রা এবং আষাঢ় মাসে শুক্ল দ্বিতীয়ায় জগন্নাথ দেবের রথযাত্রা সমধিক প্রসিদ্ধ । যে ভূখণ্ডের উপর শ্রীমন্দির নির্মিত তাহাকে নীলাচল বলে । মন্দিরের চতুর্দিকে চারিটা প্রবেশ দ্বার আছে ।

১ । পূর্বদিক-প্রধান দরজা—সিংহদ্বার

২ । উত্তর দিক—হস্তীদ্বার

৩ । পশ্চিমদিক—খাজা দ্বার

৪ । দক্ষিণদিক—অশ্বদ্বার

মহাপ্রসাদ আনন্দ বাজারে বিক্রয় হয়। মহাপ্রসাদ কখনও উচ্চিষ্ট হয় না। গঙ্গাজল, চণ্ডাল স্পর্শে যেমন অপবিত্র হয় না তদ্রূপ মহাপ্রসাদও নিকৃষ্ট জাতির স্পর্শে অপবিত্র হয় না। এই মহাপ্রসাদ খাইবার সময় ক্ষাতিভেদ থাকে না।

“পুরী একসময় বৌদ্ধগণের প্রধান সজ্জাশ্রম ছিল, এবং তাহারা হিন্দুরাজগণ কর্তৃক বিতাড়িত হইয়াছিল। বিগ্রহ মূর্তির সৌসাদৃশ্য ও মহাপ্রসাদের ব্যবহার দেখিলে জগন্নাথ ক্ষেত্রে বৌদ্ধ রীতির ছায়া সম্পূর্ণরূপে লক্ষিত হইয়া থাকে। পুরী বাসী বৌদ্ধগণ দ্বারা বুদ্ধদেবের পঞ্জরাস্থি পুরীতে আনা হইয়া দারুমূর্তিতে রক্ষিত হইয়াছিল, এবং হিন্দুরাজগণ ঐ বৌদ্ধগণকে পুরী হইতে বহিস্কৃত করিয়া হস্তপদাদি শূন্য বুদ্ধমূর্তিকেই জগন্নাথ বিগ্রহে পরিণত করিয়া পূজা করিয়া আসিতেছেন।

“খ্যাত নামা রাজা রাজেন্দ্রলাল মিত্র প্রভৃতি প্রত্নতত্ত্ববিদগণ বলেন শ্রীক্ষেত্র হিন্দুতীর্থ নহে, বৌদ্ধতীর্থ। বৌদ্ধদের ত্রিরত্নের বুদ্ধ, ধর্ম ও সজ্জ তিন মণ্ডল ছিল। শ্রীক্ষেত্রের ত্রিমূর্তি, সেই ত্রিমণ্ডলের আকৃতি মাত্র। শঙ্করাচার্যের অভ্যুত্থানের পর যখন ভারতবর্ষে সম্পূর্ণ নিরীশ্বর অবস্থা প্রাপ্ত, মূর্তিপূজক বৌদ্ধধর্ম অধঃপতিত ও বৈষ্ণব ধর্মে রূপান্তরিত হয়, তখন বুদ্ধমণ্ডল জগন্নাথে, ধর্মমণ্ডল সুভদ্রাতে, সজ্জ মণ্ডল বলদেবে এবং শ্রীক্ষেত্র বিষ্ণু ক্ষেত্রে রূপান্তরিত হয়। এখনও জগন্নাথ বুদ্ধাবতার বলিয়া পরিচিত।”

‘আমার জীবন’, নবীন চন্দ্র সেন।

পথ :-বেঙ্গল নাগপুর রেলওয়ে (B. N. R)

ব্রাহ্ম লাইন খরদা রোড—পুরী। ষ্টেশন—পুরী।

পৌরাণিক আখ্যায়িকা :-দেবোৎপত্তি বিষয় প্রবাদ

(১) ত্রেতাযুগে অবস্খীপতি ইন্দ্রদ্যুম্ন বিষ্ণুমূর্তির অন্বেষণার্থ

চতুর্দিকে ব্রাহ্মণ প্রেরণ করেন। উহাদের মধ্যে একজন উড়িষ্যানেশে বসু নামক কোনও ব্যাধের আশ্রয় আসিয়া অবগত হইলেন যে, নীলাচলে বিষ্ণু কমলার সহিত নীলমাধব মূর্তিতে অবস্থিতি করিতেছেন। ব্রাহ্মণ ব্যাধের কন্যাকে বিবাহ করিলেন। ব্যাধ নিত্য প্রাতে একাকী গুপ্তপথ দিয়া নীলাচলে যাইত। ব্রাহ্মণ, পত্নীর সাহায্যে কৌশল করিয়া, নীল মাধবের সম্মুখে উপস্থিত হইয়া স্তব করিতে লাগিলেন। ব্যাধ তাহা জানিতে পারিয়া, ব্রাহ্মণকে বন্দী করিয়া গৃহে রাখিল। অবশেষে ব্যাধ-কন্যা স্বামীকে মুক্ত করিয়া দিলে, ব্রাহ্মণ অবিলম্বে স্বদেশাভিমুখে প্রস্থান করিলেন। রাজা ইন্দ্রদ্যুম্ন ব্রাহ্মণের নিকট সকল সমাচার অবগত হইয়া নীলমাধব মূর্তি সন্দর্শনাভিলাষী হইলেন। অতঃপর বহুসংখ্যক সৈন্য সামন্ত সমভিব্যাহারে তথায় আসিয়া উপস্থিত হইলে রাজার উপর মন্দির নিৰ্ম্মাণ করিয়া দিবার প্রত্যাশা হয়। যথাসময়ে রাজাও মন্দির নিৰ্ম্মাণ করিয়া দিলেন এবং বিগ্রহ প্রতিষ্ঠা কালে ব্রাহ্মাকে পৌরহিত্যে বরণ করিবার মানসে তাঁহার তপস্যা করিতে লাগিলেন। ব্রাহ্মা তাঁহার তপস্যায় সন্তুষ্ট হইয়া বিগ্রহ প্রতিষ্ঠা কালে পৌরহিত্য করিতে মর্ত্যলোকে আগমন করিলেন। ইতিমধ্যে মানব পবিমাণে নয়মগ অতিবাহিত হওয়ায় তৎকৃত দেবালয় বালুকায় আবৃত হইয়া যায়। খনন করিয়া দেবালয় ও রাজবাড়ী বাহির হইলে, রাজা ইন্দ্রদ্যুম্ন নীলমাধব মূর্তি অন্বেষণ করিতে লাগিলেন। কিন্তু কোন ফল হইল না। একদিন স্বপ্নে জানিতে পারিলেন, একটা ব্রহ্মদাক্ষ সাগরতীরে আসিয়াছে। উহা চাইতে দেবমূর্তি নিৰ্ম্মাণ করিতে হইবে। পূর্বেক্ত বসু ব্যাধের সাহায্যে কাষ্ঠ মন্দির সমীপে আনীত হইল। বিশ্বকর্মা বৃদ্ধ সূত্রধরের বেশে তথায় আগমন করিলেন এবং একুশ দিনের মধ্যে মূর্তি নিৰ্ম্মাণ করিয়া দিবেন বলিয়া অঙ্গীকার করিলেন। কিন্তু যদি

কেহ গোপনে তাঁহার কার্য্য দর্শন করে তাহা হইলে কন্ম পরিত্যাগ করিয়া চলিয়া যাইবেন এই সৰ্ত্তে কার্য্যে হস্তক্ষেপ করিতে সম্মত হইলেন। পঞ্চম দিবস পরে রাণী গোপনে দাক্ষমূর্ত্তি দর্শন করিলেন বলিয়া সূত্রধর অন্তর্হিত হইল ও বিগ্রহ অসম্পূর্ণ থাকিয়া গেল। এই জন্ম বিগ্রহ হস্তপদাদি বিহীন।

(২) কোন ব্যাধ শ্রীকৃষ্ণকে নিহত করে, পরে সে তাঁহার পঞ্জরাস্থি লইয়া স্বগৃহে রক্ষা করে। রাজা ইন্দ্রদ্যুম্ন স্বপ্নে প্রত্যাদিষ্ট হইয়া এক ব্রাহ্মণকে সেই পঞ্জরাস্থি আনিতে প্রেরণ করেন। ব্রাহ্মণ অনেক চেষ্টা করিয়া সেই ব্যাধের সন্ধান পান এবং তাহার গৃহে আসিয়া কিছুদিন অবস্থান করিবার পর ব্যাধ-কন্টার পাণিগ্রহণ করেন। ব্রাহ্মণ, পত্নীর সাহায্যে পঞ্জরাস্থি সংগ্রহ করিয়া গুপ্তভাবে সেইস্থান হইতে পলায়ন করেন এবং রাজ সমীপে আগমন করিয়া পঞ্জরাস্থি অর্পণ করিলেন। রাজা নিম্ব কাষ্ঠের মূর্ত্তি নিৰ্ম্মাণ করতঃ বিগ্রহের নাভিদেশে কোটা করিয়া ঐ পঞ্জরাস্থি রক্ষা করিলেন এবং বিগ্রহ প্রতিষ্ঠা করিলেন। ব্যাধ-কন্টাকে বিবাহ করায় সেই ব্রাহ্মণ সমাজচ্যুত হন এবং তাঁহার সন্তান সন্ততিগণ দ্বৈতপতি পাণ্ডা নামে পরিচিত হন।

(২) আলাননাথ ।

বিবরণ :—আলাননাথ (Alalnath) উড়িষ্যায় পুরীজেলার একটা গ্রাম। সমুদ্রতীর দিয়া দক্ষিণ দেশ যাইতে পুরী হইতে প্রায় ১২ মাইল দূরে আলাননাথ গ্রাম। ‘আলাননাথ’ চতুর্ভূজ নারায়ণ বিগ্রহ। বন মধ্যে একটা ক্ষুদ্র গ্রামে তাঁহার মন্দির।

পথ :—পুরী হইতে ১২ মাইল দক্ষিণ।

(৩) কূর্মস্থান।

বিবরণ :—কূর্মস্থান, (Srikurman) মাদ্রাজের গঞ্জাম জেলায় একটা গ্রাম। কূর্মস্থান একটা প্রসিদ্ধ তীর্থ। এখানে বিষ্ণুর দ্বিতীয় অবতার কূর্মদেবের মন্দির আছে। ইহা পূর্বে একটা শৈব তীর্থ ছিল। প্রসিদ্ধ ধর্মসংস্কারক রামানুজাচার্য্য ইহাকে বৈষ্ণব তীর্থে পরিবর্তিত করেন। প্রত্যেক বৎসর দোল পূর্ণিমায় মহা সমারোহে উৎসব হইয়া থাকে।

পথ :—বেঙ্গল নাগপুর রেলওয়ে (B. N. R.)

কলিকাতা—ওয়ালটায়ার লাইন। ষ্টেশন—চিকাকোল-রোড।
কূর্মস্থান চিকাকোল রোড ষ্টেশন হইতে ১৮ মাইল দূরে অবস্থিত।

পৌরাণিক আখ্যায়িকা :—কূর্ম, ভগবান বিষ্ণুর দশ অবতারের দ্বিতীয় অবতার। এই অবতारे ভগবান মন্দার পর্বত পৃষ্ঠে করতঃ সমুদ্র মঞ্চনে সহায়তা করেন।

(৪) জিম্বড়।

বিবরণ :—জিম্বড় (Simbachalam) মাদ্রাজের বিশাখপত্তন জেলায় একটা পার্বত্য গ্রাম। ইহা একটা প্রসিদ্ধ তীর্থস্থান। এখানে ভগবান নৃসিংহদেবের মূর্তি প্রতিষ্ঠিত। ভগবান নৃসিংহদেবের অধিষ্ঠান স্থান বলিয়াই পর্বতের নাম সিংহাচলম্। পর্বতটা দেখিলে মনে হয় যেন একটা প্রকাণ্ড সিংহ ওৎ পাতিয়া বসিয়া আছে। সিংহাচলের পূর্ব দক্ষিণ অংশে মাধোধারা নামে একটা ঝরণা আছে। মাধোধারার পার্শ্ব দিয়া সিংহাচলে উঠিবার নিমিত্ত পাষাণ সোপান আছে।

ক্ষেত্র মাহাত্ম্য মতে ইহাই বরাহ নৃসিংহ-ক্ষেত্র। এই নৃসিংহমূর্তি তত্ত্বশ্রেষ্ঠ প্রহ্লাদ কর্তৃক প্রতিষ্ঠিত। বর্তমান মন্দিরাদি উৎকল রাজ লাকুল গজপতি নিম্মাণ করিয়া দিয়াছিলেন। অক্ষয় তৃতীয়াতে নৃসিংহ দেবের জন্মোৎসব মহা সমারোহের সহিত সম্পন্ন হইয়া থাকে।

পথ :- বেঙ্গল নাগপুর রেলওয়ে (B. N. R.)

হাওড়া—ওয়ালটায়ার লাইন। ষ্টেশন—সিংহাচলম্।

পৌরাণিক আখ্যায়িকা :- বরাহ নৃসিংহ স্বামীর আবির্ভাব।

পুরাকালে বৈকুণ্ঠের দ্বারী জয় বিজয় ব্রহ্মশাপে হিরণ্যকশিপু ও হিরণ্যাক্ষ নামক দৈত্যরূপে ভূমণ্ডলে জন্ম গ্রহণ করেন। কনিষ্ঠ হিরণ্যাক্ষ দেবতাদিগের উপর অত্যাচার করিলে ভগবান বিষ্ণু বরাহমূর্তি ধারণ করিয়া দংষ্ট্রাঘাতে হিরণ্যাক্ষকে বধ করেন। কনিষ্ঠের মৃত্যু সংবাদে হিরণ্যকশিপু বিষ্ণুদেবী হইয়া, ঘোরতর তপশ্চা করিয়া অভিলষিত বর প্রাপ্ত হন। প্রহ্লাদ নামে তাহার এক পুত্র জন্মে। প্রহ্লাদ বিষ্ণুপরায়ণ ছিলেন বলিয়া হিরণ্যকশিপু তাহার উপর বড়ই অসন্তুষ্ট ছিলেন এবং তাহাকে বিনাশ করিবার জন্য নানা উপায় অবলম্বন করিলেন কিন্তু কিছুতেই কৃতকার্য হইলেন না। প্রহ্লাদ বলিতেন, 'এই ব্রহ্মাণ্ডের এমন কোনও স্থান নাই যেখানে হরি বিদ্যমান নাই।' তাহার সম্মুখস্থ স্তম্ভের ভিতর হরি বিদ্যমান আছেন শুনিয়া হিরণ্যকশিপু যেমন স্তম্ভের উপর আঘাত করিলেন, অমনি স্তম্ভ দ্বিগু হইয়া পড়িল। নৃসিংহমূর্তি বহির্গত হইয়া হিরণ্যকশিপুকে আক্রমণ করিলেন এবং হিরণ্যকশিপুর বক্ষঃস্থল নখদ্বারা বিদীর্ণ করিয়া তাহার প্রাণ সংহার করিলেন। অনন্তর ভগবান শাস্তমূর্তি ধারণ করিয়া লক্ষ্মীর সহিত সিংহাচলে আসিয়া অবস্থান করিলেন।

(১) গোদাবরী।

বিবরণ :-গোদাবরী (Godavari River) পুণ্যতোয়া নদী। ভগীরথ যেমন গঙ্গা আনয়ন করিয়াছিলেন, মহাতপা গৌতম ঋষিও তেমনই গোদাবরী আনয়ন করিয়া ছিলেন। এইজন্য গোদাবরীর অপর একটা নাম গৌতমী গঙ্গা। গাং স্বর্গং দদাতি অর্থাৎ স্বর্গ দান করে যে সেই 'গোদা'। তাহাদের মধ্যে বরী অর্থাৎ শ্রেষ্ঠা। গোদাবরী এমনই মহাপুণ্যময় তীর্থ। বস্তুতঃ আর্য্যাবর্ত্তে যেমন ভাগীরথী, দক্ষিণাপথে তেমনি গোদাবরী।

নাসিক জেলায় ব্রহ্মগিরি হইতে উৎপন্ন হইয়া, দক্ষিণাভিমুখে গমন করতঃ গোদাবরী নদী ন্যূনাধিক সাড়ে চারিশত ক্রোশ ভূমি অতিক্রম করিয়া বঙ্গোপসাগরে পতিত হইয়াছে। গোদাবরী নদীর উপকূলস্থ কাননরাজির শোভা অনির্বাচনীয়।

পথ :-মাদ্রাজ এবং সাদার্ন মারহাট্টা রেলওয়ে (M & S. M. R) মাদ্রাজ-সেন্ট্রাল—ওয়ালটায়ার লাইন। ষ্টেশন—গোদাবরী অথবা কব্বুর।

(২) বিদ্যানগর।

বিবরণ :-বিদ্যানগর (Rajamundry) মাদ্রাজের গোদাবরী জেলায় একটা নগর। বিদ্যানগর চৈতন্য দেবের সময় উৎকল রাজের দক্ষিণ প্রদেশের রাজধানী ছিল।

অতি প্রাচীন কালে 'রাজমহেন্দ্র' নামে এক রাজা পবিত্র সলিলা গোদাবরী তটে তাঁহার রাজধানী স্থাপন করিয়াছিলেন। ইহাকে বারাণসীধামের মত পুণ্য ক্ষেত্রে পরিণত করিবার ইচ্ছা করিয়া, গোদাবরী

তটস্থ পর্বতে কোটা লিঙ্গ ক্ষোদাইয়া প্রতিষ্ঠা করিবার সঙ্কল্প করিয়া-
ছিলেন। কিন্তু তাঁহার উদ্দেশ্য সফল না হইলেও অদ্যাবধি রাজ-
মাহেন্দ্রীর সমীপবর্তীস্থান কোটা লিঙ্গ তীর্থ বলিয়া প্রসিদ্ধ।

পথ :—মাদ্রাজ এবং সাদার্ণ মারহাট্টা রেলওয়ে (M & S. M. R)

মাদ্রাজ-সেন্ট্রাল—ওয়ালটীয়ার লাইন। ষ্টেশন—রাজমাহেন্দ্রী এবং গোদাবরী।

(৭) গৌতমী গঙ্গা।

বিবরণ :—গৌতমীগঙ্গা (Goutami Godavari) পুণ্যতোয়া নদী।
গৌতম ঋষি তপশ্চা করিয়া গোদাবরী গঙ্গা আনয়ন করিয়াছিলেন ;
সেইজন্য গোদাবরী নদীর অপর নাম গৌতমী গঙ্গা।

পথ :—মাদ্রাজ এবং সাদার্ণ মারহাট্টা রেলওয়ে (M & S M. R)

মাদ্রাজ-সেন্ট্রাল—ওয়ালটীয়ার লাইন। ষ্টেশন গোদাবরী।

পৌরাণিক আখ্যায়িকা :—পুরাকালে মহর্ষি গৌতম গোহত্যা
পাপে লিপ্ত হন। সেই গোহত্যা জনিত পাপ হইতে নিষ্কৃতি পাইবার
জন্য মহর্ষি, গণপতি দেবের পরামর্শে হরশিরবিহারিনী গঙ্গাকে ভূতলে
আনিতে সঙ্কল্প করিয়া ত্র্যম্বক পর্বতে গমন করতঃ ত্র্যম্বকেশ্বর মহাদেবের
তপশ্চা করিতে লাগিলেন। দেবাদিদেব মহাদেব মহর্ষির তপশ্চায় তুষ্ট
হইয়া তাঁহাকে দর্শন দেন এবং অভিলষিত বর প্রার্থনা করিতে অনুমতি
প্রদান করেন। গৌতম ঋষির প্রার্থনা অনুসারে হরজটাস্থিতা গঙ্গা
ভূতলে অবতীর্ণা হইলেন এবং সেই গঙ্গা নদীর নাম হইল গৌতমী গঙ্গা।

(৮) মল্লিকার্জুন ।

বিবরণ :—মল্লিকার্জুন দেবতার নাম, স্থানের নাম নহে । “শ্রীশৈলে মল্লিকার্জুনম” শ্রীশৈলে অধিষ্ঠিত অনাদি জ্যোতির্লিঙ্গ, ইনি দ্বাদশ লিঙ্গের অগ্রতম মল্লিকার্জুন নামক মহাদেব । বোধ হয় এটা ভুল, কেন না ইহার কিছু পরেই ‘শ্রীশৈল’ নামের উল্লেখ আছে । চৈতন্য চরিতামৃত মতে এই স্থানের দেবতার নাম ‘দাসরাম মহাদেব’ । এই তীর্থের নাম ‘মধ্যার্জুন’ হওয়া সম্ভব ।

মধ্যার্জুন (Madhyarjunam) ইহার অপর নাম তিরুভাদা-মারুডুর ; মাদ্রাজ প্রেসিডেন্সী, তাঞ্জোর জেলার কুম্বুকোণম তালুকে একটা নগর । ইহা বীরসোলনর নদীর তীরে অবস্থিত । এখানে সুন্দর কারুকার্য্য বিশিষ্ট একটা বৃহৎ শিব মন্দির আছে, মন্দিরস্থ শিব লিঙ্গের নাম মহালিঙ্গ স্বামী । এই স্থানে প্রতিবৎসর কয়েকটা উৎসব হয় বৈশাখে কল্যাণোৎসব, আশ্বিনে নবরাত্রি উৎসব এবং মাঘ মাসে রথযাত্রা । ঠাকুরের রথ অতি বৃহৎ এবং পরম রমণীয় । সমগ্র ভারতের মধ্যে ঈদৃশ বিশাল রথ নিতান্ত বিরল । সুদীর্ঘ রজুদ্বারা বহুসংখ্যক লোক রথ টানিয়া থাকে । রথযাত্রার সময় অগণনীয় তীর্থ যাত্রীর সমাগম হয় । যাত্রীদের ভিতর Pariahs অর্থাৎ দক্ষিণাপথ বাসী নীচ অম্পৃশ্য জাতির নরনারীগণ দেবতার রথ টানে বলিয়া, অনুমান হয় শ্রীচৈতন্যদেব শিব-লিঙ্গের নামকরণ করিয়াছেন ‘দাসরাম মহাদেব’ ।

পথ :—সাউথ ইণ্ডিয়ান রেলওয়ে (S. I. R.)

মাদ্রাজ—ভিলুপুরম—মায়ানুরম—ত্রিচিনোপলী লাইন

ষ্টেশন—তিরুভাদা-মারুডুর ।

পৌরাণিক আখ্যায়িকা :-পূর্বদিকের ফটকে ব্রহ্মহত্যার একটি মূর্তি খোদিত আছে। কথিত আছে কোনও চোল রাজা ব্রহ্মহত্যা পাপে লিপ্ত হইয়াছিলেন। তিনি পাপমোচনের জন্তু বহু তীর্থে ভ্রমণ করেন কিন্তু নিহত ব্রাহ্মণের প্রেতাত্মা তাহার পশ্চাৎ ধাবন করিতে ক্ষান্ত হন না। পরিশেষে মহালিঙ্গস্বামী দর্শন করিয়া পাপমুক্ত হইলে ব্রহ্মদৈত্য তাঁহাকে অব্যাহতি প্রদান করেন।

(৯) আহোবল ।


বিবরণ :-আহোবল (Ahobilum) মাদ্রাজ প্রেসিডেন্সির কর্ণুল জেলায় একটি গ্রাম। এখানে নৃসিংহ দেবের মূর্তি বিরাজমান। গ্রামটী নালানালাইন্স পার্কতের উপর অবস্থিত। অত্যাঁপি তথায় একটি পার্কত শৃঙ্গে তিনটি বিষ্ণুমন্দির বিদ্যমান আছে। তাহারই একটীতে নৃসিংহদেবের মূর্তি রক্ষিয়াছে। শ্রীরামানুজ মতাবলম্বী শ্রীবৈষ্ণবেরা উক্ত মূর্তির পূজা করিয়া থাকেন। প্রতি বৎসর চৈত্র মাসে এইস্থানে উৎসব হইয়া থাকে। এখন মন্দিরটী অনাদৃত অবস্থায় আছে।

পথ :-মাদ্রাজ এবং সাদার্ন মারহাট্টা রেলওয়ে (M. & S. M. R.) বেজওয়াদা—গুণ্টাকাল লাইন। ষ্টেশন—নন্দিয়াল।

আহোবল, নন্দিয়াল ষ্টেশন হইতে প্রায় পঁচিশ মাইল দক্ষিণে।

(১০) সিদ্ধবট ।

বিবরণ :-সিদ্ধবট (Sidhout) মাদ্রাজ প্রেসিডেন্সীর কাড্ডাপা জেলায় একটি নগর। এখানে একটি সিদ্ধি প্রাপ্ত বটবৃক্ষ আছে সেইজন্তু এই স্থানের নাম সিদ্ধবট। পেল্লার নদী তীরস্থ সিদ্ধবট তীর্থ, গঙ্গার

তটস্থিত বারাণসী ধামের ত্রায় সৌন্দর্য্য বিশিষ্ট বলিয়া প্রতীয়মান হয়। এই কারণে ইহা 'দক্ষিণ কানী' নামে অভিহিত। এইস্থানে সীতাপতি কোদণ্ডুরাম স্বামীর মন্দির বিদ্যমান। খানে অক্ষয় বট ও বটেশ্বর শিব আছেন।

পথ :- মান্দ্রাজ এবং সাদার্ণ মারভাট্টা রেলওয়ে। (M & S. M. R)
মান্দ্রাজ-সেন্ট্রাল--রাইচুর লাইন। ষ্টেশন--সিধাউট।

(১১) স্কন্দ ক্ষেত্র ।

বিবরণ :- (ক) বিশাখপত্তন (Vizagapatnam) মান্দ্রাজ প্রেসিডেন্সীর বিশাখপত্তন জেলার প্রধান সহর। এখানকার অপিষ্ঠাত্রী দেবতা বিশাখ স্বামীর অর্থাৎ কার্তিকেয়র নাম হইতে সহরের নামকরণ হইয়াছে। কার্তিকেয় স্বামীর মন্দির এক্ষণে সাগর গর্ভে নিমগ্ন হইয়াছে। যেস্থানে ঐ মন্দির ছিল, তথায় অত্যাপি হিন্দুরা যোগ উপলক্ষে সাগর স্নান করিয়া থাকেন।

পথ :- বেঙ্গল নাগপুর রেলওয়ে (B. N. R)

হাওড়া--ওয়ালটার লাইন। ষ্টেশন--ভিজাগাপটন।

পৌরাণিক আখ্যায়িকা :- (ক) পাঁচ ছয় শত বৎসর পূর্বে রাজা কুলতুঙ্গ চোল, বারাণসী যাত্রার পথে এই স্থানে দুই চারি দিন অবস্থান করেন। রাজা এই স্থানের শোভা দেখিয়া মোহিত হন এবং এইস্থানে বিশাখদেবের একটি মন্দির নিৰ্ম্মাণ করিয়া মন্দির মধ্যে বিশাখ দেবের পিতুল নিৰ্ম্মিত বিগ্রহ প্রতিষ্ঠা করেন। বিশাখের অর্থ কার্তিকেয়। বিশাখদেব চোল রাজাদিগের কুল দেবতা।

বিবরণ :- (খ) চেউর (Cheyur) মান্দ্রাজ প্রেসিডেন্সীর চিঙ্গেল-

পুট জেলায় একটি নগর। মাদুরাণ্টকম নগরের তের মাইল দক্ষিণ পশ্চিমে অবস্থিত। চেউরে তিনটি সুপ্রতিষ্ঠিত মন্দির আছে। মন্দিরস্থ দেবতার নাম ১। কৈলাস নাথর। ২। সূত্রঙ্গা বা কার্তিকেয়। ৩। বাল্মিকী নাথর।

পথ :—সাউথ ইণ্ডিয়ান রেলওয়ে (S. I. R)

মাদ্রাজ—মারাভরম—ধনুকোট্টা লাইন। ষ্টেশন—মাদুরাণ্টকম।

বিবরণ :—(গ) তিরুত্তানি (Tiruttani) মাদ্রাজ প্রেসিডেন্সীর উত্তর আর্কট জেলায় একটি পার্বত্য গ্রাম। পার্বত্যোপরি মন্দির মধ্যে সূত্রঙ্গাস্বামীর দণ্ডায়মান প্রস্তর মূর্তি বিরাজমান। প্রতি বৎসর কার্তিক মাসে উৎসব উপলক্ষে বহু যাত্রীর সমাগম হয়।

পথ :—মাদ্রাজ এবং সাদার্ণ মারহাট্টা রেলওয়ে (M. & S. M. R)

মাদ্রাজ-সেন্ট্রাল—রাইচুর লাইন। ষ্টেশন—তিরুত্তানি।

পৌরাণিক অখ্যায়িকা :—(গ) তিরুত্তানি গ্রামে দেবতার আবির্ভাব বিষয়ে স্থানীয় প্রবাদ এই, পুরাকালে সূত্রঙ্গাস্বামী তারকাসুর বধ করিয়া এই স্থানে বিশ্রাম করেন। তিরুত্তানি, “তিরুত্তানি গো” এই শব্দের অপভ্রংশ। ইহার অর্থ সুবিশ্রাম। ইন্দ্র স্বর্গে পুনঃ প্রতিষ্ঠিত হইলে, সূত্রঙ্গাস্বামীর করে আপন কণ্ঠা ‘দেবসেনা’কে অর্পণ করেন। সূত্রঙ্গা স্বামী তাহার পানিগ্রহণ করিয়া এই স্থানে আসিয়া বাস করিতে থাকেন। তাহার পর ‘বল্লীস্মা’ নামী অপর এক রমণীকে বিবাহ করেন।

মন্দিরে সূত্রঙ্গাস্বামীর দণ্ডায়মান প্রস্তরময় মনুষ্যাকৃতি চতুর্ভূজ মূর্তি বিরাজমান। দেবসেনা ও বল্লীস্মার মন্দির পৃথক স্থানে অবস্থিত।

(১২) ত্রিমঠ ।

বিবরণ :—ত্রিমঠ-কাঞ্চীপুর (Conjeeveram) । বৌদ্ধদিগের, শৈব-দিগের এবং শ্রীবৈষ্ণবদিগের মঠ আছে বলিয়া কাঞ্চীপুরকে ত্রিমঠ বলে ।

(১) ৬৬০ খৃষ্টাব্দে চীনদেশীয় বৌদ্ধ পরিব্রাজক হিউএনথ্‌সঙ আপন ভারত ভ্রমণ রত্নান্তে কাঞ্চীপুর উল্লেখ করিয়াছেন । সেই সময় এইস্থানে বৌদ্ধদিগের একটি আবাস ছিল । কাঞ্চীপুরের রাজা বৌদ্ধ মতাবলম্বী ছিলেন । হিউএনথ্‌সঙ এর সময় বিষ্ণুকাঞ্চীতে বৌদ্ধদের অস্তিত্ব ছিল, তাঁহার ভ্রমণ রত্নান্তে একথা লিখিত আছে । তাঁহার সময়ে কাঞ্চীতে একশত বৌদ্ধসঙ্ঘরাম ছিল । ধর্ম্মপাল বোধিসত্ত্ব কাঞ্চীতে জন্মগ্রহণ করিয়াছিলেন বলিয়া বৌদ্ধগণ কাঞ্চীকে পূণ্যতীর্থ মনে করেন । এখনও কাঞ্চীর তন্তুবায়-পল্লীর প্রান্তদেশে একটি বৌদ্ধ মন্দির আছে ।

(২) ভগবান শঙ্করাচার্য্যের সময় কাঞ্চীপুর একটি প্রধান শৈবতীর্থ ছিল । তিনি তাঁহার শেষ জীবন একাম্রনাথের মন্দিরে অতিবাহিত করেন ।

(৩) বিষ্ণুকাঞ্চীতে শ্রীবরদারাজ স্বামীর মন্দির আছে । ইহা বিশিষ্টাদ্বৈতবাদী শ্রীবৈষ্ণবদিগের একটি প্রধান আশ্রম ।

“মাদ্রাজ প্রেসিডেন্সীর চিঙ্গেলপুট জেলায় কাঞ্চীর নিকট দেবতা ত্রিবিক্রম বামন দেবের মন্দির বিদ্যমান । মন্দির সম্মুখে একটি প্রকাণ্ড পুষ্করিণী আছে । ত্রিবিক্রম বামন দেবের অর্চনা মূর্তি রোমাঞ্চকারক । ভারতের কুত্রাপি এত বড় লোমহর্ষণ দেবমূর্তি আর নাই । অনন্তশস্যায় শয়ান শ্রীরঙ্গমন্দিরে শ্রীরঙ্গনাথের অর্চনা মূর্তি বৃহৎ কিন্তু ত্রিবিক্রম দেবের

মূর্তি তাহা অপেক্ষা বিরাট, বিশাল ও ভয়-ভক্তিপ্রদ। মূর্তি কৃষ্ণপ্রস্তর নিৰ্মিত, ত্রিশ ফুট উচ্চ; এক পাদ আকাশে উখিত, আর এক পাদ বলির মস্তকে স্থাপিত। ভগবান তক্ত বলিকে চলনা করিয়া বামন হইয়াও কিরূপ বিরাট বিশ্বরূপ ধারণ করিয়া ছিলেন তাহা এই মূর্তি দর্শনে কতকটা হৃদয়ঙ্গম হয়।”

সত্যেন্দ্রকুমার বসু ‘ভারত ভ্রমণ’।

পথ :—(১৮) কাঞ্চীপুর (Cojceeveram) দেখুন।

পৌরাণিক আখ্যায়িকা :—বিষ্ণুর পঞ্চম অবতার বামন অবতারের সংক্ষিপ্ত বিবরণ এইরূপ :—

দৈত্যরাজ বলি প্রবল হইয়া দেবতাদিগকে দেবলোক হইতে বিচ্যুত করিলে দেবতারা বিষ্ণুর শরণাপন্ন হন। বিষ্ণু দেবতাদিগের উদ্ধার কল্পে কশ্যপ মুনির ঔরসে তৎপত্নী অদিতির গর্ভে বামনরূপে জন্মপরিগ্রহ করেন।

অনন্তর বলি একদা এক যজ্ঞের অনুষ্ঠান করিয়া, ঘোষণা করিয়া ছিলেন যে, এই যজ্ঞে যে বাহা প্রার্থনা করিবে, তাহাকে তাহাই দেওয়া যাইবে। বামন ধীরে ধীরে যজ্ঞস্থলে উপস্থিত হইয়া বলির নিকট ত্রিপাদ ভূমি প্রার্থনা করিলে বলিরাজ তৎক্ষণাৎ তাহা দিতে সম্মত হইলেন। তখন বামনদেব স্বীয় নাভিদেশ হইতে অণু একটী পদ বহির্গত করিয়া ত্রিপাদ দ্বারা স্বর্গ, মর্ত্য ও পাতাল আবৃত করিয়া ফেলিলেন। বলিরাজ নিজের বাসের জন্ত একটু স্থান চাহিলে বামনদেব জিজ্ঞাসা করিলেন, “তুমি একশত জন মূর্খ লইয়া স্বর্গে বাস করিতে ইচ্ছা কর, অথবা পাঁচজন পণ্ডিত লইয়া পাতালে বাস করিতে চাও ?” বলিরাজ পণ্ডিতসহ পাতালে বাস করিবার ইচ্ছা প্রকাশ করিলে বামন তাহারই ব্যবস্থা করিয়া দিলেন। দেবগণও নিষ্ফণ্টক হইলেন।

(১৩) বুদ্ধকাশী।

বিবরণ :—বুদ্ধকাশী (Vridhbachalam) মাদ্রাজ প্রেসিডেন্সীর দক্ষিণ আর্কট জেলায় গণি মুক্তাগু নদীর তীরে একটি পার্বত্য নগর। বুদ্ধাচলের নিকটে বুদ্ধগিরীশ্বর শিবের মন্দির বিদ্যমান।

পথ :—সাউথ ইণ্ডিয়ান রেলওয়ে (S. I. R.)

ভিল্পুরম্—বুদ্ধাচলম্—ত্রিচিনোপলী লাইন। ষ্টেশন—বুদ্ধাচলম্।

পৌরাণিক আখ্যায়িকা :—প্রলয় কালে শেষশয্যায় শয়ান ভগবান বিষ্ণুর কণ্ঠ হইতে দুইটা দৈত্য বহির্গত হইয়া বিষ্ণুকে সমরে আহ্বান করে। বিষ্ণু সমরে পরাজিত হইয়া, দৈত্যদ্বয়কে তাহাদের অভিলাষানুযায়ী বর দিতে চাহিলেন। দৈত্যদ্বয় তাহা প্রত্যাখ্যান করিয়া পরাজিত বিষ্ণুকেই তাহাদের ইচ্ছামত বর প্রার্থনা করিতে বলিলে, ‘তোমরা আমার নধ্য হও’ ভগবান এই বর প্রার্থনা করিলেন। দৈত্যদ্বয় বিষ্ণুর প্রার্থনায় সম্মত হইলে, ভগবান তাহাদিগকে নিধন করেন। মৃতদেহ জলে নিক্ষিপ্ত হয়। ব্রহ্মার অনুরোধে ঐ দেহ মৃত্তিকায় রূপান্তরিত করা হয় এবং ক্রমশঃ কঠিন হইয়া বুদ্ধিপ্রাপ্ত হইতে হইতে পর্বতে পরিণত হয়। ইহা পৃথিবীর সর্বপ্রথম পর্বত বলিয়া এই পর্বতের নাম বুদ্ধগিরি বা বুদ্ধাচলম্।

(১৪) ত্রিপদী ত্রিমল্ল।

বিবরণ :—ত্রিপদী—ত্রিমল্ল (Tiruvannamalai)। ইহাকেই অরুণাচলতীর্থ বলে। মাদ্রাজ প্রেসিডেন্সীর দক্ষিণ আর্কট জেলায় একটি পার্বত্য নগর। এখানে ভগবান আশুতোষের পাঞ্চভৌতিক মূর্তির

অন্যতম তেজোমূর্তি বিরাজমান। ইহা ব্যতীত পার্বতী দেবী, সুরক্কাণা-
দেব, চণ্ডিকেশ্বর প্রভৃতি অনেক দেব দেবী প্রতিষ্ঠিত আছেন।

দেবতার নাম তিরবন্নমলয়েশ্বর বা অরুণাচলেশ্বর। দেবীর নাম
আপীতকুচাঞ্চল। এইস্থানে বৎসরে দুইবার উৎসব হইয়া থাকে।
প্রথম কার্তিকমাসে; দ্বিতীয় চৈত্রমাসে। কার্তিকমাসের উৎসব মহা-
সমারোহে সম্পন্ন হইয়া থাকে।

অন্ধকারময় বিমান বা অর্চনা মন্দির নথো শিবলিঙ্গের তেজোমূর্তি
বিরাজমান। এইস্থানে বায়ু বা আলোক প্রবেশের উপায় নাই। পূজক
আলো লইয়া ভিতরে প্রবেশ করিলে যাত্রীগণ বাহির হইতে দেবদর্শন
করেন।

পথ :—সাউথ ইণ্ডিয়ান রেলওয়ে (S. I. R.)

কাটপাড়ী—ভিল্লুরম লাইন। ষ্টেশন—তিরভান্নামলয়।

N. B.—ত্রিপদী—ত্রিমল্ল তিরভান্নামলয় নাও হইতে পারে। কেননা
এইস্থানে শ্রীচৈতন্যপ্রভু চতুর্ভুজ বিষ্ণুমূর্তি দর্শন করিয়াছিলেন। এইটী
ত্রিমল্ল (তিরুমাল্লা) হওয়াই সম্ভব।

পথ :—(১৯) ত্রিমল্ল দেখুন।

পৌরাণিক আখ্যায়িকা :—মহাদেবের তেজোমূর্তির আবির্ভাব
বিষয়ে কথিত আছে—একদা দেবাদিদেব মহাদেব পার্বতী-দেবীর প্রতি
অসন্তুষ্ট হইয়া দেবীকে এই বলিয়া অভিসম্পাত করিলেন যে, “তঁাহা
হইতে পৃথিবীর অমঙ্গল হইয়াছে, তঁাহাকে প্রায়শ্চিত্ত করিতে হইবে।”
পার্বতী প্রথমে গঙ্গাতীরে অনেক বৎসর তপস্বা করিলেন, তৎপরে
কান্ধীপুরে গিয়া “কামাক্ষী দেবী” নাম ধারণ পূর্বক তপস্বা করিতে
থাকেন। পরিশেষে সদাশিব তিরুবন্নমলয় নামক স্থানে পর্বতশিখরে
যাইয়া পার্বতীকে তপস্বা করিতে আদেশ করিলেন। দেবী আদিষ্টস্থানে

গিয়া কঠোর তপস্বী করিলে ভগবান্ চন্দ্রশেখর, দেবীর প্রতি প্রসন্ন হইয়া জ্যোতির্ময় রূপে দর্শন দিলেন এবং পর্বতোপরি পার্বতীদেবীর সহিত বাস করিতে লাগিলেন। এখনও অরুণাচলে সেই মহাদেব ও মহাদেবীর মূর্তি রহিয়াছে।

(১৫) বেক্ষটারে।

বিবরণ :-বেক্ষটারে (Venkatagiri) মাদ্রাজ প্রেসিডেন্সীর নেলোর জেলায় একটা পার্বত্য নগর। ব্যাকটেশ্বর মহাদেবের নামানুসারে পর্বতের নাম ব্যাকটগিরি হইয়াছে। স্বন্দপুরাণে শ্রীব্যাকটাচল মাহাত্ম্যে দেখা যায়, শ্রীরামানুজাচার্য্য ব্যাকটশৈলে আসিয়া আকাশগঙ্গা নামক তীর্থে পঞ্চাক্ষরী মন্ত্রদ্বারা বিষ্ণুর আরাধনা করিয়াছিলেন। বিষ্ণু তাঁহার তপে সন্তুষ্ট হইয়া প্রত্যক্ষীভূত হইয়া ছিলেন। রামানুজ কলির ৪১১৮ অব্দে জন্মগ্রহণ করেন। অতএব প্রায় ৯০০ শত বৎসর পূর্বেও এই মহাতীর্থ প্রসিদ্ধ ছিল।

পর্বত শ্রেণীর ভিন্ন ভিন্ন স্থানে বহু ঝরণা ও তাহাদের নিকট ছোট বড় অনেক জলাশয় আছে। তাহারা সকলেই পূণ্যতীর্থ বলিয়া বিখ্যাত। তাহাদিগের মধ্যে ৭টা প্রধান। (১) স্বামীতীর্থ, (২) বিয়ংগঙ্গা বা আকাশগঙ্গা, (৩) পাপবিনাশিনী, (৪) পাণ্ডবতীর্থ, (৫) তুঙ্গীর কোনা, (৬) কুমারবারিকা, (৭) গোগর্ভ।

পথ :-মাদ্রাজ এবং সাদার্ণ মারহাটা রেলওয়ে (M & S. M. R)

ব্রাঞ্চ লাইন :-কাটপাডী—গুডুর। ষ্টেশন—ভেনকাটাগিরি।

(১৬) ত্রিপদী।

বিবরণ :- (ক) তিরুবাদী (Tiruvadi) মাদ্রাজ প্রেসিডেন্সীর

তাঞ্জোর জেলায় একটা সহর। ইহাকে তিরুভেয়রও বলে। সংস্কৃত ভাষায় পঞ্চনদম অর্থাৎ পঞ্চপবিত্র নদী বলে। উৎসবের সময় অগ্ন্যাগ্নি নিকটবর্তী মন্দিরের দেবতাগুলিকে এই স্থানের দেবতার সহিত সাক্ষাৎ করিবার জন্য এইস্থানে আনয়ন করা হয়।

পথ :—সাউথ ইণ্ডিয়ান রেলওয়ে (S. I. R)

মাদ্রাজ—তাঞ্জোর—ধনুফোটা লাইন। ষ্টেশন—তাঞ্জোর। তাঞ্জোর হইতে ৭ মাইল দূরে, কাবেরী নদীর উত্তর তীরে তিরুবাদী নগর।

বিবরণ :—(খ) তিরুপাটী (Tirupati) মাদ্রাজ প্রেসিডেন্সীর উত্তর আর্কট জেলার প্রসিদ্ধতীর্থ তিরুমাল্লা যাইবার পথে একটা সহর। এখানে ১৫টা মন্দির আছে। তাহাদের মধ্যে শ্রীব্যঙ্কটেশ্বর স্বামীর জ্যেষ্ঠ লাতা গোবিন্দরাজ স্বামী এবং রাম স্বামীর মন্দির বিখ্যাত।

পথ :—মাদ্রাজ এবং সাদার্ন মারহাট্টা রেলওয়ে (M & S. M. R)

ব্রাহ্ম লাইন :—কাটপাড়ী—গুডুর। ষ্টেশন—তিরুপাটী ইষ্ট।

পৌরাণিক আখ্যায়িকা :—তিরুবাদী কথার উৎপত্তি তামিল ভাষায় তিরু অর্থে পবিত্র, আই অর্থে পঞ্চ এবং আদী অর্থে নদী অর্থাৎ পঞ্চ পবিত্র নদীর দেশ। সংস্কৃত ভাষায় ইহার নাম পঞ্চনদম্। কাবেরী, কোলেকরণ, কোদামূর্ত্তি, ভেত্তার ও ভেন্নার এই পাঁচটা নদী ছয় মাইলের মধ্যে প্রায় সমান্তরালভাবে প্রবাহিত হইতেছে। এই পাঁচটা নদী হইতে এই স্থানের নামকরণ হইয়াছে। এই স্থান অতি পবিত্র ও পুণ্যময় বলিয়া প্রসিদ্ধ। এই নগরটা কাবেরীর উত্তর তীরে অবস্থিত। নদীতীরে একটা শিবমন্দির আছে। ভগবানের নাম পঞ্চনদীশ্বর স্বামী।

(১৭) পান্না নরসিংহ ।

বিবরণ :—(ক) মঙ্গলগিরি (Mangalgiri) মাদ্রাজ প্রেসিডেন্সীর

গণ্টুর জেলায় একটা নগর। ইহা একটা প্রধান বৈষ্ণবতীর্থ। মঙ্গলগিরি দূর হইতে হস্তীর গায় দেখায়। পর্বতের পাদদেশে একটা বৃহৎ বিষ্ণু মন্দির আছে। পাহাড়ের উপর মন্দিরে যে নৃসিংহ মূর্তি আছেন ইহা তাঁহারই ভোগমূর্তি। উৎসবের সময় এই ভোগমূর্তির দ্বারা উৎসবক্রিয়া সম্পন্ন হয়। এই মন্দির পাহাড়ের মধ্যস্থলের পাথর কাটয়া নিশ্চিত হইয়াছে। মূর্তি পাহাড়ের গাত্রে যেন সংলিপ্ত, কেবল মাত্র পিত্তল নিশ্চিত সিংহাকৃতি মুখ বাহির হইয়া আছে। ইনি গুড়ের পানা পান করিয়া থাকেন। ইনি এমনি ভক্তবৎসল যে, যত পরিমাণ পানা হউক না কেন তাহার অর্ধেক প্রসাদ ভক্তের জন্ত রাখিয়া দেন।

পথ :—মান্দ্রাজ এবং সাদার্ন মারহাট্টা রেলওয়ে (M & S. M. R)

বেজওয়াদা—গুণ্টাকাল—হাবলি লাইন। ষ্টেশন—মঙ্গলগিরি।

বিবরণ :—(খ) পেন্নাহোবিলান (Pennahobilam) মান্দ্রাজ প্রেসিডেন্সীর অনন্তপুর জেলায় পেন্নার নদীর তীরে অবস্থিত একটা গ্রাম। ইহা একটা পবিত্র তীর্থস্থান। এখানে ভগবান বিষ্ণুর অবতার নরসিংহ দেবের মন্দির আছে।

পথ :—মান্দ্রাজ এবং সাদার্ন মারহাট্টা রেলওয়ে (M & S. M. R)

বেজওয়াদা—গুণ্টাকাল—বেলারি—হাবলি লাইন।

ব্রাহ্ম লাইন :—বেলারি—রায়চুর্গ ; ষ্টেশন—রায়চুর্গ, হইতে পূর্বে। অথবা গুণ্টাকাল—বাম্বালোর লাইন, ষ্টেশন—অনন্তপুর, হইতে পশ্চিমে, পেন্নার নদী তীরে।

(১৮) কান্ধী ।

বিবরণ :—কান্ধী (Conjeeveram) মান্দ্রাজ প্রেসিডেন্সীর চিঙ্গেল-পুট জেলার প্রধান সহর।

অযোধ্যা, মথুরা, মায়্যা, কাশী, কাঞ্চী, অবন্তিকা,
পুরী, দ্বারাবতী চৈব সপ্তৈশ্বত্যা মোক্ষদায়িকাঃ ।

কাঞ্চী এই সাতটী মোক্ষদায়িকা তীর্থের অন্ততমা। আর্য্যাবর্তের হিন্দুগণ সেমন অস্ত্রিমে কাশীধামের কোড়ে আশ্রয় গ্রহণ করিয়া শেষ-জীবন অতিবাহিত করিবার বাসনা করেন, দক্ষিণাপথের হিন্দুগণও তেমনি শেষজীবন কাঞ্চীতে অতিবাহিত করিবার কামনা করেন। স্থল পুরাণ মতে বারাণসী, রামেশ্বর, শ্রীক্ষেত্র অপেক্ষাও কাঞ্চীপুর পূণ্যতীর্থ। কাঞ্চীপুরম্ সংস্কৃত শব্দ ; ইহার অর্থ স্বর্ণময় সহর। এক সময়ে কাঞ্চী ‘নগরেষু কাঞ্চী’ বলিয়া প্রসিদ্ধ ছিল। কাঞ্চী সহর অতি প্রাচীন।

কাঞ্চীপুর দুই অংশে বিভক্ত ১। শিবকাঞ্চী, ২। বিষ্ণুকাঞ্চী।

১। শিবকাঞ্চী, ইংরাজেরা ইহাকে Big Kanchi বলে। শিবকাঞ্চীর দেবতার নাম একাম্রনাথ ; দেবীর নাম কামাখ্যা বা কামাঞ্চী। ইহা বাস্তীত কচ্ছপেশ্বর মহাদেব, কৈলাশ নাথ, ত্রিবিক্রম প্রভৃতি নানা দেবতা আছেন। শিবকাঞ্চী, কাশীধামের গায় শিবভক্তগণের প্রধান তীর্থ। এখানে ভগবান্ ভবানীপতির পাঞ্চভৌতিক মূর্তির অন্ততম ক্ষিতি মূর্তি বিরাজমান। লিঙ্গ মূর্তিকায় নির্মিত। দক্ষিণ দেশের অন্যান্য মন্দিরের গায় এই মন্দিরও একটা অদ্ভুত ব্যাপার। এই মন্দিরের গোপুরম অর্থাৎ তোরণ দ্বার ভারতে অদ্বিতীয়। এরূপ বিশাল উচ্চ গোপুরম মাদুরা, রামেশ্বর কিম্বা শ্রীরঙ্গমেও নাই। বিমান মধ্যে ভগবান ‘একাম্র-নাথ’ শিবলিঙ্গ বিরাজমান। ইহাই ভগবানের অর্চনামূর্তি। ইহার ভোগমূর্তি পঞ্চাধাতু নির্মিত চতুর্ভূজ মনুষ্য মূর্তি। মহোৎসবের সময় এই ভোগমূর্তিকে সহর প্রদক্ষিণ করান হয়।

২। বিষ্ণু কাঞ্চীর দেবতার নাম শ্রীবরদারাজ স্বামী। শিবকাঞ্চীর

মন্দির অপেক্ষা এই মন্দির আড়ম্বরে ও সৌন্দর্য্যে শ্রেষ্ঠ। সম্ভবতঃ শ্রীরামানুজাচার্য্য এই বিগ্রহ প্রতিষ্ঠা করিয়াছিলেন। ইংরেজেরা ইহাকে Little Kanchi বলিয়া থাকেন। শ্রীবরদারাজ স্বামীর কিরীট-কুণ্ডল শোভিত নানা অলঙ্কারমণ্ডিত কৃষ্ণ প্রস্তরের চতুভূজ মূর্তি অতি সুন্দর ও সৌম্য। ইহাই ভগবানের অর্চনামূর্তি। বৈশাখ মাসের কৃষ্ণা চতুর্থীর দিন গরুড়োৎসব কালে দেবতার ভোগমূর্তিকে রথে চাপাইয়া সহর প্রদক্ষিণ করান হয়।

পথ :—মাউথ ইণ্ডিয়ান রেলওয়ে (S. I. R.)

মান্দ্রাজ—ভিল্লুপুরাম—ত্রিচিনোপলী—মাদুরা—ধনুস্কোটা লাইন।

ব্রাঞ্চলাইন :—চিঙ্গেলপুট—আরকোণাম (S. I. R.) ষ্টেশন—কাঞ্জা-ভেরম্।

পৌরাণিক আখ্যায়িকা :—(১) কামাক্ষী দেবীর আবির্ভাব বিষয়ে স্থলপুরাণে এইরূপ লিখিত আছে—কোনও সময়ে পার্বতী দেবী কৌতুক করিয়া মহাদেবের চক্ষু আবরণ করিলে বিশ্বসংসার অন্ধকার হইয়া যায়। এই পাপের প্রায়শ্চিত্ত করিবার জন্ম দেবী মহাদেবের আদেশে কামাক্ষীপুরের একাত্মনাথের মন্দিরপ্রাঙ্গণে আসিয়া ছয়মাস যাবৎ ‘কামাক্ষী দেবী’ রূপে তপশ্চা করিলে মহাদেব তাঁহার পাপমোচন করেন। তদবধি দেবী উক্তনামে পৃথক মন্দিরে বিরাজিতা আছেন।

(২) একাত্মনাথের মন্দির অতি পুরাতন। এই মন্দিরপ্রাঙ্গণে একটা পুরাতন আশ্রম বৃক্ষ আছে। এই আশ্রম বৃক্ষের চারিটা ডালে মিষ্ট, কটু, তিক্ত ও অম্ল এই চারি রসের আশ্রম জন্মিয়া থাকে। অর্চকেরা কহিয়া থাকেন যে, পূর্বে ঐ আশ্রম বৃক্ষ হইতে প্রত্যহ একটা করিয়া পক্ক আশ্রম পাওয়া যাইত এবং সেই আশ্রম ভোগ দেওয়া হইত। সেই কারণ মহাদেব একাত্মনাথ নামে অভিহিত হইয়াছেন।

(১৯) ত্রিমল্ল ।

বিবরণ :-ত্রিমল্ল (Tirumala) মাদ্রাজ প্রেসিডেন্সীর উত্তর আর্কট জেলায় একটি পার্বত্য নগর । ইহা একটি প্রধান বৈষ্ণব তীর্থ । তিরুপতি-ইষ্ট ষ্টেশনের নিকট তিরুমালার মহাস্তম্ভ মহারাজ বাস করেন । ব্যঙ্কটপর্বতের উপরে দেব মন্দির । বিষ্ণুর অবতার ভগবান শ্রীব্যঙ্কটেশ্বর স্বামী বা বালাজী এই মন্দিরে বিরাজমান । এখানে অনেকগুলি পবিত্র সরোবর আছে । পূর্বে ইহা শৈবতীর্থ ছিল । সূত্রাঙ্গ্যস্বামীর মূর্তি মন্দির মধ্যে বিরাজ করিতেন । শ্রীরামানুজচার্যের সময় কার্তিকেয় মূর্তির পরিবর্তন হইয়া শঙ্খ-চক্র-গদা-পদ্মধারী অপূর্ব বিষ্ণু মূর্তি শোভা পাইতে লাগিল । তদবধি এই মূর্তির শ্রীরামানুজা-চার্যের প্রচলিত পদ্ধতি অনুসারে পূজা হইতেছে ।

পথ :-তিরুপতিতে দুইটি ষ্টেশন আছে (১) তিরুপতি-ইষ্ট, (২) তিরুপতি-ওয়েষ্ট । দুইটি ষ্টেশন একমাইল দূরবর্তী ।

মাদ্রাজ এবং সাদার্ন মারহাট্টা রেলওয়ে (M. & S. M. R)

কাট্‌পাড়ী—পাকাল্লা—গুডুর লাইন । ষ্টেশন—তিরুপতি-ইষ্ট ও তিরুপতি-ওয়েষ্ট ।

পৌরাণিক আখ্যায়িকা :-কোন সময়ে শেষনাগের সহিত পবনদেবের কলহ হয় । দুই জনের মধ্যে কে অধিকতর বলবান ইহার মীমাংসা করিবার জন্মই কলহের উৎপত্তি । অনেক বাদানুবাদের পর এই স্থির হয় যে, শেষনাগ মেরুপর্বতের অংশ বেক্টগিরিকে বেষ্ঠন করিয়া থাকিবে । পবনদেব শেষনাগকে তথা হইতে অপসারিত করিতে পারিলেই বায়ু বলবত্তর বলিয়া প্রমাণিত হইবেন । পবনদেব প্রচণ্ড ঝড় উৎপাদন করিয়া বেক্টগিরিশৃঙ্গ উৎপাটন করতঃ স্বৰ্ণমুখী

নদীর বাম তটে ফেলিয়া দিলেন। শেষনাগ অপমানিত হইয়া নাগ তীর্থে গমন পূর্বক ভগবান বিষ্ণুর তপশ্চা করেন। ভগবান বিষ্ণু তাহার তপশ্চায় প্রীত হইয়া তাহার প্রার্থনানুসারে বেকটগিরিতে অবস্থান করিতে লাগিলেন।

যে মূর্তি অত্য়াপি বিষ্ণুমূর্তি বলিয়া কথিত তাহা সুরক্ষণ্য স্বামীর মূর্তি। এতৎসম্বন্ধে একটা প্রবাদ আছে। কোনও সময়ে রামানুজাচার্য্য আসিয়া মূর্তির হস্তে শঙ্খ, চক্র নাই দেখিয়া বিয়ং গঙ্গা তীর্থে বিষ্ণুর উপাসনা করেন। পরে প্রকাশ করেন যে, এই প্রস্তরময়ী মূর্তি সুরক্ষণ্য স্বামীর মূর্তি নহে, উহা বিষ্ণু মূর্তি। পর দিবস দ্বার উন্মোচন হইলে দেখা গেল যে, শঙ্খ, চক্র ধারী বিষ্ণুমূর্তি মন্দির মধ্যে শোভা পাইতেছে। তদবধি বিষ্ণুপূজা প্রচলিত হইয়াছে।

(২০) ত্রিকালহস্তি ।

বিবরণ :-ত্রিকালহস্তি (Kalahasti) মাদ্রাজ প্রেসিডেন্সীর উত্তর আর্কট জেলায় সুবর্ণমুখী নদীর দক্ষিণ তীরস্থ একটা নগর। ভগবান ভবানীপতি আশুতোষের পাঞ্চভৌতিক মূর্তির অন্ততম বায়ুমূর্তি এখানে বিরাজমান। শিবমন্দিরের দক্ষিণ দিকে স্বামী মণিকুণ্ডেশ্বর নামক আর একটি শিবলিঙ্গ আছে। মণিকুণ্ডেশ্বর মন্দিরের দক্ষিণে চতুরানন ব্রহ্মার মূর্তি এবং মন্দির আছে। মন্দিরের দক্ষিণে একটা সরোবর আছে, উহার পাশ্বে ভরদ্বাজ মূনির আশ্রম এবং ভরদ্বাজ স্বামীর মূর্তি বিরাজমান। শিবলিঙ্গের মাথার উপর যে দীপালোক বুলান আছে তাহা সর্বদাই যেন বায়ুভরে তুলিতেছে। অত্যাণ্ড প্রদীপ আদৌ আন্দোলিত হয় না। এই কারণে উক্ত শিবলিঙ্গ, বায়ুলিঙ্গ নামে অভিহিত হয়।

পথ :—মাদ্রাজ এবং সাদার্ণ মারহাট্টা রেলওয়ে (M. & S. M. R)

গুডুর—পাকলা—কাটপাডী লাইন। ষ্টেশন—কলহস্তী।

পৌরাণিক আখ্যায়িক। :—মহাদেবের পাঞ্চভৌতিক মূর্তির অন্যতম অনাদি বায়ুমূর্তি এখানে বিরাজমান। বায়ুরূপী মহাদেব চতুষ্কোণাকৃতি। বিমানের কোনও দিক দিয়া বাতাস প্রবেশের পথ নাই; কিন্তু লিঙ্গের মাথার উপর যে দীপালোক ঝুলান আছে তাহা সর্বদাই জ্বলন্ত ছলিতেছে। অল্প কোনও দীপ আন্দোলিত হয় না। লিঙ্গের মস্তকোপরি প্রদীপ আপনাপনি আন্দোলিত হয় বলিয়া উক্ত লিঙ্গ বায়ুলিঙ্গ নামে অভিহিত। কথিত আছে যে ব্রহ্মা কৈলাসের একটা শৃঙ্গ আনিয়া, এইস্থানে স্থাপন করিয়া তপশ্চা করিয়াছিলেন বলিয়া এই পর্বত দক্ষিণ কৈলাস নামে অভিহিত।

(২১) পক্ষতীর্থ।

বিবরণ :—পক্ষতীর্থ (Tirukkalikkunram) মাদ্রাজ প্রেসি-ডেন্সীর চিঙ্গেলপুট জেলায় একটা পার্বত্য গ্রাম। ইহাই প্রসিদ্ধ পক্ষী-তীর্থ। পর্বতোপরি বৈষ্ণোলিঙ্গেশ্বর মহাদেবের মন্দির আছে। ইহা একটা বিখ্যাত তীর্থস্থান। এখানে একটা সরোবর আছে তাহাকে শ্রীপক্ষীতীর্থ বলে। সেই পুষ্করিণীতে স্নান করিলে নানারূপ ব্যাধি আরোগ্য হয়। প্রতাহ কাকাতুয়ার গায় দুইটা পক্ষী এই পর্বতে আগমন করিয়া পূর্বোক্ত সরোবরে স্নান করে। পাণ্ডারা ঐ দুইটা পক্ষীকে আহাৰ করান। আহাৰ শেষ হইলে তাহারা চলিয়া যায়। লোকে বলে—তাহারা বারণসীধাম হইতে আইসে এবং আহাৰান্তে তিনবার দেবালয় প্রদক্ষিণ করিয়া সেতুবন্ধরামেশ্বর গমন করে। তথা হইতে

সন্ধ্যার পূর্বে কাশীতে গমন করিয়া রাত্রি যাপন করে। ইহারা পক্ষিরূপ-ধারী হরপার্বতী।

পথ :—সাউথ ইণ্ডিয়ান রেলওয়ে (S I. R)

মাদ্রাজ—ভিল্লুপুরম্—মায়াভরম—ত্রিচিনোপলী লাইন। ষ্টেশন—চিঙ্গেলপুট। পক্ষতীর্থ, চিঙ্গেলপুট ষ্টেশন হইতে ৬ মাইল পূর্ব দক্ষিণে পর্বতোপরি অবস্থিত।

(২২) সপ্তকোকিলতীর্থ।

বিবরণ :—(ক) মহাবলীপুরম্ (Seven-pagodas) মাদ্রাজ প্রেসিডেন্সীর চিঙ্গেলপুট জেলার একটি গ্রাম। দক্ষিণাপথের মধ্যে ইহা অতি প্রসিদ্ধ বৈষ্ণব তীর্থ। এইস্থানে ভগবান বিষ্ণুর স্থলশয়ান মূর্তি বিরাজিত। এই মন্দিরে তিনটি গোপুরম্ আছে। বিমান ও মণ্ডপের গঠন অতি পুরাতন। কথিত আছে এইস্থানেই ভগবান, বামন অবতারে বলিরাজকে চলনা করিয়াছিলেন।

মন্দির মধ্যে প্রস্তরোপরি বিষ্ণুমূর্তি শয়ানভাবে অবস্থিত আছেন। ইহার কিয়দূরে আরও দুইটি মনোহর মন্দির আছে। প্রথমটিতে গণেশের মূর্তি এবং দ্বিতীয়টিতে মহাবলি চক্রবর্তীর মূর্তি।

মহাবলিপুরের মন্দিরের নিৰ্মাণ কার্য ভারতীয় ভাস্করগণের অদ্ভুত শিল্পনৈপুণ্যের পরিচায়ক ; আমেরিকার ও ইউরোপের পর্যটকগণ ইহা একবাক্যে স্বীকার করেন। মন্দির হইতে অল্পদূরে পর্বতগাত্রে নানাবিধ মূর্তি খোদিত আছে। তাহাদের মধ্যে অর্জুনের প্রায়শ্চিত্ত, বামনভিক্ষা, ভগবানের বরাহ অবতারের মূর্তি, বলিপীঠ ইত্যাদি বিশেষ উল্লেখ যোগ্য।

পথ :—মহাবলীপুরম্, চিঙ্গেলপুট ষ্টেশন হইতে ২০ মাইল। এই-স্থানে যাইবার দুইটি পথ আছে।

(১) চিঙ্গেলপুট ষ্টেশনে নামিয়া স্থলপথে হাঁটিয়া যাইলে ২০ মাইল

(২) মান্দ্রাজ হইতে ৭ মাইল দূরে পাপাঞ্চৌরী নামক ঘাট। সেই স্থান হইতে খাল দিয়া জলপথে ৩ মাইল যাইতে হয়।

পৌরাণিক আখ্যায়িকা :—পুরাকালে পুণ্ডরীক ঋষি বহুদিবস ক্ষীরোদ সমুদ্রের তীরে তপশ্চা করিয়াছিলেন। মহাবিশ্ব তাঁহার তপশ্চায় সন্তুষ্ট হইয়া স্থলশয়ান মূর্তিতে তঁাকে দর্শন দিয়াছিলেন। সেইস্থান অবলম্বন করিয়া স্থলশয়ান স্বামীর মন্দির বলিরাজা কর্তৃক প্রতিষ্ঠিত হয়।

বিবরণ :—(খ) শ্রীমুঞ্চম্ (Srimushnam) মান্দ্রাজের দক্ষিণ আর্কট জেলায় একটি গ্রাম। মন্দিরস্থ বিগ্রহের নাম ভুবরাহ। তীর্থ-যাত্রীগণ চিদাম্বরমে মহাদেব দর্শন করিয়া শ্রীমুঞ্চম দর্শন করেন। শ্রীমুঞ্চমে ভগবান বিষ্ণুর বরাহ অবতারের একটি মূর্তি বিরাজমান। সেই মূর্তি কষ্টি প্রস্তর হইতে নির্মিত। কিন্তু প্রবাদ এই যে মৌলিক বিগ্রহটি খেত মন্দির প্রস্তরের ছিল।

পথ :—শ্রীমুঞ্চম চিদাম্বর হইতে ২৪ মাইল দূরে অবস্থিত। মোটর-বাস সার্ভিস আছে। (২৩) পীতাম্বর দেখুন।

(২৩) পীতাম্বর।

বিবরণ :—পীতাম্বর (Chidambaram) মান্দ্রাজ প্রেসিডেন্সীর দক্ষিণ আর্কট জেলায় একটি সহর। চিদাম্বরম অতি প্রাচীন তীর্থ। এখানে ভগবান পশুপতির পাঞ্চভৌতিক মূর্তির অগ্ৰতম ব্যোমমূর্তি বিরাজমান। মন্দিরমধ্যে কোনরূপ বিগ্রহ বা লিঙ্গ নাই। দেবতা আকাশরূপী বলিয়া মানবচক্ষের অগোচর থাকেন। এইস্থানে অনেক

অনেক দেবালয় আছে। তন্মধ্যে নটরাজ, চিদাম্বর, মহাবিষ্ণু, মহাকালী এবং বিশ্বেশ্বর প্রভৃতির মন্দির বিখ্যাত।

চিদাম্বরমের মন্দির বিরাট, বিশাল ও অদ্ভুত। এই মন্দির অতি প্রাচীন। প্রফেসর ইষ্ট উইক বলেন ইহা খৃষ্টীয় পঞ্চম শতাব্দীতে নির্মিত। প্রায় ১১৭ বিঘা জমির উপর উক্ত মন্দির বিদ্যমান।

পথ :—সাউথ ইণ্ডিয়ান রেলওয়ে (S. I. R)

মাদ্রাজ—ভিল্লুপুরম—মাদ্রাস—ত্রিচিনোপলী—মাদুরা — ধনুস্কোটা লাইন। ষ্টেশন—চিদাম্বরম।

পৌরাণিক আখ্যায়িকা :—স্থল পুরাণ মতে পঞ্চম মনুর শ্বেতবর্ণ নামে এক পুত্র ধবলরোগাক্রান্ত হইয়া তীর্থপর্যটন করিতে করিতে কাঞ্চীপুরে অবগত হইলেন যে, চিদাম্বরম নগরে ব্যাস্রপদ ঋষি বাস করিতেছেন। তখন চিদাম্বরমে একটা সামান্য মন্দিরে আকাশরূপী মহাদেব বিরাজ করিতেন। ঋষির ঐ মন্দির সন্নিকটে বাস করিতেন। শ্বেতবর্ণ রাজা ঋষির আদেশে হেমতীর্থে স্নান করিবামাত্র ধবলরোগ হইতে মুক্তিলাভ করিলেন। তিনি আকাশরূপী মহাদেবের উৎকৃষ্ট নূতন মন্দির নির্মাণ করিয়া দেন। আকাশরূপী মহাদেবের মন্দির মধ্যে কোনও বিগ্রহ বা লিঙ্গ নাই।

(২৩) শিয়ালী ।

বিবরণ :—শিয়ালী (Shiyali) মাদ্রাজ প্রেসিডেন্সীর তাঞ্জোর জেলায় একটা নগর। এখানকার মন্দিরে ব্রহ্মপুত্রীধর মহাদেব আছেন। স্বতন্ত্র মন্দিরে ত্রিপুরাসুন্দরী নামে এক দেবীমূর্তি বিরাজ করিতেছেন। এখানে জ্যৈষ্ঠ মাসে অশ্বোৎসব, আশ্বিন মাসে নবরাত্রোৎসব, মাঘ মাসে শিবরাত্রোৎসব ও চৈত্রমাসে বসন্তোৎসব হইয়া থাকে।

পথ :—সাউথ ইণ্ডিয়ান রেলওয়ে (S. I. R)

মাদ্রাজ—ভিল্লুপুরম—মায়ান্তরম—ত্রিচিনোপলী—মাদুরা—ধানুকোট
লাইন। ষ্টেশন—শিয়ালী।

(২৫) কাবেরী ।

বিবরণ :—কাবেরী (Cauvery River) গঙ্গার ঞায় পুণ্য-
তোয়া নদী। পূজাকালীন জলশুদ্ধির সময় ইহারও নাম উল্লেখ
করিতে হয়। কার্তিকমাসে দক্ষিণদেশের লোক কাবেরীতে স্নান
করে। বৃহস্পতি তুলাংশিতে গমন করিলে মায়ান্তরমের ঘাটে পুষ্কর
যোগ হইয়া থাকে।

পথ :—সাউথ ইণ্ডিয়ান রেলওয়ে (S. I. R)

মাদ্রাজ—ভিল্লুপুরম—মায়ান্তরম—ত্রিচিনোপলী—ধানুকোট লাইন
ষ্টেশন—মায়ান্তরম এবং ত্রিচিনোপলী।

(২৬) গোসমাজ ।

বিবরণ :—গোসমাজ (Mayavaram) মাদ্রাজ প্রেসিডেন্সীর
তাঞ্জোর জেলায় কাবেরী নদীর তীরে একটা নগর। এখানে
মহাপ্রভু শিবদর্শন করিয়া ছিলেন। ইহা একটি শৈবতীর্থ। এই
স্থানটা মায়ান্তরম্ বলিয়া বোধ হয় কারণ, কাবেরী নদীর তীরে মায়ান-
্তরমের ঞায় বিখ্যাত তীর্থ স্থান আর নাই। মায়ান্তরম ময়ূর বরম্
শব্দের অপভ্রংশ। মন্দিরমধ্যে ময়ূরনাথস্বামী নামক শিবলিঙ্গ আছে।
স্বতন্ত্র মন্দিরে অভয়স্থানায়ী দেবী মূর্তি।

এখান হইতে এককোশ দূরে কাবেরীনদীর তীরে তিরুইন্দুলু
নামক স্থানে 'পেরুমল রঙ্গনাথের' বিখ্যাত বিষ্ণু মন্দির। বিগ্রহ

অনন্ত-শয্যায়-শয়ান বিষ্ণুমূর্তি। কথিত আছে ত্রিচিনোপলীর শ্রীরঙ্গ মূর্তি ‘আদিরঙ্গম’ নামে, কুন্তকোণমের শাঙ্গপাণি ‘মধ্যরঙ্গম’ নামে এবং মায়াভরমে তিরুইন্দুলুর পেরুমল রঙ্গনাথ ‘অন্তরঙ্গম’ নামে অভিহিত। মাঘমাসে সমস্ত মাসব্যাপী মাঘোৎসব হইয়া থাকে। বৃহস্পতি তুলারশিতে গমন করিলে মায়াভরমের ঘাটে পুষ্করযোগ হইয়া থাকে।

পথ :—সাউথ ইণ্ডিয়ান রেলওয়ে (S. I. R)

মাদ্রাজ—ভিল্লুপুরম—মায়াভরম—ত্রিচিনোপলী—মাদুরা—ধনুকোট লাইন। ষ্টেশন—মায়াভরম।

পৌরাণিক আখ্যায়িকা :—দেবোৎপত্তির বিবরণ।

মহারাজ অম্বরীষ কাবেরীতটে তিরু-ইন্দুলুতে মহাবিষ্ণুর তপশ্চা করিয়াছিলেন। বিষ্ণু তপশ্চায় সন্তুষ্ট হইয়া, শেষপর্য্যাক্ষয়ান মূর্তিতে প্রত্যক্ষীভূত হন। অম্বরীষ সেই স্থান অবলম্বন করিয়াই মূলমূর্তির প্রতিষ্ঠা করেন।

(২৭) বেদাবন।

বিবরণ :—বেদাবন (Vedaranniyan) মাদ্রাজ প্রেসিডেন্সীর তাঞ্জোর জেলায় একটা নগর। ইহা মূলীয়ার নদীর সাগরসঙ্গমে অবস্থিত। এই স্থানে একটা পুরাতন শিবমন্দির আছে। বেদারণা সমুদ্রস্নানের জন্ম বিখ্যাত। মাদ্রাজ প্রদেশের যে সকল তীর্থে সমুদ্র স্নানের নিমিত্ত যাত্রীসমাগম হয় তন্মধ্যে ধনুকোটীর স্থান প্রথম এবং বেদারণ্যের স্থান দ্বিতীয়।

পথ :—সাউথ ইণ্ডিয়ান রেলওয়ে (S. I. R)

মাদ্রাজ—ভিল্পপুরম—মায়াতরম লাইন।

ব্রাহ্ম লাইন (১) মায়াতরম—তিরুতুরাইপাণ্ডী

(২) তিরুতুরাইপাণ্ডী - আগস্তিয়ামপালী। ষ্টেশন—ভেদারানিয়্যান।

(২৮) দেবস্থান।

বিবরণ :—দেবস্থান ইহার অপর নাম তিরুমাল। কিম্বা তিরুপতি দেবস্থানম্। (১৯) ত্রিমল দেখুন।

(২৯) কুন্তকর্ণ কপাল।

বিবরণ :—কুন্তকর্ণ কপাল (Mahamagham tank) কুন্তকোণম্ নগরের নিকট মহামোক্ষম নামক সরোবর। ইহা একটা প্রসিদ্ধ তীর্থ। (৩৫) কামকোষ্ঠী দেখুন।

(৩০) শিবক্ষেত্র।

বিবরণ :—(ক) তাঞ্জোর (Tanjore) মাদ্রাজ প্রেসিডেন্সীর তাঞ্জোর জেলার প্রধান সহর। শিবগঙ্গা ফোর্টের মধ্যে প্রধান দেবালয় আছে। দুইটা প্রাকার বেষ্টিত প্রাঙ্গণে বৃহদীশ্বর বা বৃদ্ধেশ্বর মহাদেবের মন্দির অবস্থিত। প্রাঙ্গণটি বৃহৎ দৈর্ঘ্যে ৮০০ ফুট এবং প্রস্থে ৪১৫ ফুট।

বৃহদীশ্বর মন্দিরের পশ্চাতে শিবগঙ্গা নামে বৃহৎ পুষ্করিণী। এই প্রাঙ্গণে (১) প্রস্তর বেদীর উপর এক প্রকাণ্ড গ্রানাইট প্রস্তর নির্মিত শিববাহন বৃষভদেব নন্দী চরণ মুড়িয়া উপবিষ্ট। (২) পার্বতীর মন্দির, দেবীর নাম 'পেরিয়ানা গিরাম্মল'। (৩) সূত্রঙ্গ্য স্বামীর মন্দির। সূত্রঙ্গ্য কোভিল—দেবসেনাপতি কার্তিকেয়। দক্ষিণাপথে এই মন্দিরই সর্বাপেক্ষা প্রাচীন, বৃহৎ ও বিখ্যাত। বিজয়নগরের রাজা কৃষ্ণ-রায় এই মন্দির নির্মাণ করাইয়া দেন।

তাঞ্জোর সহরের সন্নিকটে তিরুভেট্টুরে বিখ্যাত অচলেশ্বর মহাদেবের মন্দির। সাউথ ইণ্ডিয়ান রেলওয়ের তাঞ্জোর নেগাপট্টম ব্রাঞ্চ লাইন জংশনের নিকট অবস্থিত।

পথ : সাউথ ইণ্ডিয়ান রেলওয়ে (S. I. R.)

মান্দ্রাজ—ভিল্লুপুরম—মায়াতরম—তাঞ্জোর লাইন। ষ্টেশন—তাঞ্জোর।

পৌরাণিক আখ্যায়িকা :—সংস্কৃত তঞ্জাবুর মাহাত্ম্যে তঞ্জাবুরের উৎপত্তির এই বিবরণ আছে :—তান্জাম্ নামে কোন রাক্ষস ঐ স্থানে নিয়ত দৌরাভ্যা করিত বলিয়া বিষ্ণু তাহাকে বধ করেন। রাক্ষস মৃত্যুকালে বিষ্ণুর নিকট প্রার্থনা করিয়াছিল যে, যেন তাহার নামে এই নগরের নামকরণ হয়। ভগবান বিষ্ণু “তথাস্তু” বলিয়া সেই স্থান হইতে প্রয়াণ করেন। তদনুসারে ইহার সংস্কৃত নাম তঞ্জাপুর ; তামিল তঞ্জাবুর।

বিবরণ :—(খ) তিনেভেলী (Tinnevelly) মান্দ্রাজ প্রেসিডেন্সীর তিনেভেলী জেলার প্রধান সহর। তাম্রপর্ণী নদীর তীরে একটি বৃহৎ শিব মন্দির আছে। দেবতার নাম বংশেশ্বর মহাদেব। কথিত আছে মধুরাপুরীর বিশ্বনাথ নায়ক, বংশেশ্বর মহাদেবের মন্দির নূতন করিয়া প্রস্তুত করিয়াছিলেন।

বর্তমান তিনেভেলী তালুকের মধ্যে ৮০টিরও অধিক বৃহৎ শিবমন্দির বিদ্যমান রহিয়াছে।

পথ :—সাউথ ইণ্ডিয়ান রেলওয়ে (S. I. R.)

মান্দ্রাজ—মায়াতরম—মাদুরা লাইন।

ব্রাঞ্চলাইন—(১) মাদুরা—মনিয়াচী।

(২) মনিয়াচী—ত্রিবেন্দ্রম্। ষ্টেশন—তিনেভেলী।

পৌরাণিক আখ্যায়িকা :—তিনেভেলী সহরে তাম্রপর্ণী নদী তীরে বংশেশ্বর মহাদেবের মন্দির। মহাদেবের আবির্ভাব সম্বন্ধে এই

কিংবদন্তী প্রচলিত আছে। যেস্থানে এখন দেবালয় আছে সেই স্থানে প্রাচীনকালে বাঁশবন ছিল। এক গোপ প্রত্যহ দুগ্ধভার স্বন্ধে লইয়া বনপথ দিয়া গমনাগমন করিত। ঘটনাক্রমে একটা বাঁশ লাগিয়া উপরূপরি কয়েকবার তাহার দুগ্ধভাণ্ড ভাঙ্গিয়া যায়। ঐ গোপ বাঁশ কাটিয়া পথ পরিষ্কার করিবার উদ্দেশ্যে যেমন বাঁশের উপর অস্ত্রাঘাত করিল অমনি বাঁশ হইতে রক্ত নির্গত হইতে লাগিল। অনতিবিলম্বে গোপ সেই বংশমূলে একটা শিবলিঙ্গ দেখিতে পাইল। পরে তত্রতা রাজাকে সংবাদ দিলে তিনি স্বয়ং সেই স্থানে উপস্থিত হইলেন। রাজা সেই অনাদিলিঙ্গের উপর এক মন্দির নিৰ্ম্মাণ করাইয়া দিলেন। বাঁশ বনের ভিতর ভগবান ছিলেন বলিয়া নাম হইল ‘বংশেশ্বর মহাদেব।’

(৩৯) পাপনাশম।

বিবরণঃ—(ক) পাপনাশম (Papanasam) মাদ্রাজ প্রেসিডেন্সীর তাঞ্জোর জেলায় একটি নগর। এখানে দুইটা শিব মন্দির এবং একটা বিষ্ণু মন্দির বিদ্যমান। পাপনাশম রেলওয়ে স্টেশন, কুন্তুকোণম সহর হইতে দশমাইল দক্ষিণে অবস্থিত।

পথ :—সাউথ ইণ্ডিয়ান রেলওয়ে (S. I. R)

মাদ্রাজ—মায়ানুরম—ত্রিচিনোপলী লাইন। স্টেশন—পাপনাশম।

বিবরণ :—(খ) পাপনাশম (Papanasam) মাদ্রাজের তিনেভেলী জেলায় সহ পর্বতের পাদদেশে তাম্রপর্ণী নদী তীরে অবস্থিত একটি নগর। এখানে একটি বৃহৎ বিখ্যাত শিবমন্দির আছে। অতি সন্নিকটে একটি চমৎকার জলপ্রপাত আছে। এই জলপ্রপাত অতি পবিত্র বলিয়াই বিবেচিত হয়। প্রতি বৎসর সহস্র সহস্র তীর্থযাত্রী এখানে

আগমন করে। পাপনাশম, অম্বাসমুদ্রম্, রেলওয়ে স্টেশন হইতে ৬ মাইল দূরে অবস্থিত।

পথ :—সাউথ ইণ্ডিয়ান রেলওয়ে (S. J. R.)

মনিয়াচী—তিনেভেলী—ত্রিবেঙ্গম লাইন। স্টেশন—অম্বাসমুদ্রম।

(৩২) শ্রীরঙ্গক্ষেত্র।

বিবরণ :—শ্রীরঙ্গক্ষেত্র (Srirangam) মাদ্রাজের ত্রিচিনোপলী জেলায় একটা নগর। সহাদ্রিনিঃসৃত পবিত্রসলিলা কাবেরী ও কোলেরুণ নদীর মধ্যে এক চরদ্বীপ আছে। এই চরদ্বীপ ১৭ মাইল দীর্ঘ ও দেড় মাইল বিস্তৃত। এই চরদ্বীপের মধ্যেই শ্রীরঙ্গ মন্দির ও শ্রীজম্বুকেশ্বর মন্দির।

শ্রীরঙ্গ মন্দির বিরাট ও বিশাল। এই মন্দির সপ্ত প্রাকার বেষ্টিত এবং ইহাতে সর্বশুদ্ধ ১৫টা গোপুরম্ আছে। একরূপ বৃহৎ মন্দির ভারতে আর নাই। ইহার বিমান বা দেবার্চনা নগণ্য কিন্তু প্রাকার ও গোপুরম্ সমূহ বিশ্বয়কর। দেবার্চনা ও অভ্যন্তরস্থ তিন প্রাকার বেষ্টিত স্থানের নাম অন্তরঙ্গ ; উহার মধ্যে অহিন্দুকে প্রবেশ করিতে দেওয়া হয় না। এক একটা প্রাকার বেষ্টিত স্থান যেন এক একটা পল্লী। ইহার মধ্যে ধর্মশালা, দোকান, বাজার, হাট ও অসংখ্য লোকের বাস। বিমান ক্ষুদ্র বটে কিন্তু শ্রীসম্পদহীন নহে। বিমান সম্মুখস্থ মণ্ডপ বৃহৎ ও কারুকার্যময়। বিমানের তিতর ঘোর অন্ধকার ; শত শত প্রদীপ উহার অন্ধকার দূর করে। ভগবান বিষ্ণুর অর্চনামূর্তি প্রাচীর গাত্রে সংলগ্ন। তিনি অনন্ত শয্যায় শায়িত ; লক্ষ্মীদেবী পদসেবায় নিযুক্ত। এই মূর্তিটি উজ্জল কৃষ্ণ-প্রস্তর হইতে ক্ষোদিত। মন্দির মধ্যে একটা পুষ্করিণী আছে। তাহার নাম

‘চন্দ্র পুষ্করিণী’ ; ইহা একটি মহাতীর্থ। শ্রীরঙ্গমাহাত্ম্যে বর্ণিত আছে :—
 শ্রীরঙ্গক্ষেত্রে চন্দ্র পুষ্করিণী ব্যতীত বিষ্ণু, শ্রীনিবাস, জম্বুক, অশ্বখ, পলাশ,
 পুনাগ, বকুল, কদম্ব ও আম্র এই নয়টি তীর্থ বিদ্যমান। শ্রীনিবাস
 তীর্থে একটি জম্বুক বৃক্ষ আছে। ঐ জম্বুক বৃক্ষের তলায় ভগবান স্বয়ং
 তপশ্চা করিয়াছিলেন।

শ্রীরঙ্গক্ষেত্রে বিষ্ণু পূজা, বৈষ্ণবধর্ম প্রচারক শ্রীনং রামানুজাচার্যের
 ধর্মপ্রচাবের ফল।

পথ :—সাত্তথ ঈণ্ডিয়ান রেলওয়ে (S. I. R.)

মাদ্রাজ—ভিল্লুপুত্রম—বৃদ্ধাচলম্—ত্রিচিনোপলী লাইন। ষ্টেশন—
 ত্রিচিনোপলী।

পৌরাণিক আখ্যায়িকা :—ব্রহ্মপুরাণের অন্তর্গত শ্রীরঙ্গ মাহাত্ম্যে
 লিখিত আছে যে, স্বয়ম্ভু ব্রহ্মা চতুদশ ভুবন সৃজন করিয়া ব্রহ্মাণ্ডের
 অকিঞ্চিৎকরতা উপলব্ধি করেন। তদনন্তর তিনি ক্ষীরোদ সাগরে
 গিয়া বিষ্ণুর তপশ্চা করিতে লাগিলেন এবং বিষ্ণুর পরমগুহ্য সনাতন
 রূপ দেখিতে অভিলাষী হইলেন। কূর্মরূপী নারায়ণ চতুরাননকে
 “ওঁ নমঃ নারায়ণায়” এই অষ্টাক্ষরী মন্ত্র সংযতচিত্তে জপ করিতে
 উপদেশ দিলেন। লোকপিতামহ ব্রহ্মা, সহস্র বৎসর “ওঁ নমঃ নারায়ণায়”
 এই মন্ত্র জপ করিলে ক্ষীরোদ সমুদ্রে শ্রীরঙ্গধাম আবিভূত হন।
 চতুরানন চতুর্গুণে চতুর্বেদোক্ত স্তব পাঠ করিতে করিতে শ্রীরঙ্গধাম
 দেখিতে লাগিলেন। সেই শ্রীরঙ্গধামের মধ্যে চরাচর বিশ্ব দৃষ্টিগোচর
 করিলেন এবং নারায়ণকে, দক্ষিণহস্ত উপাধান ও পদযুগল সঙ্কুচিত
 করিয়া শেষনাগোপরি অর্দ্ধশায়িত অবস্থায় অবলোকন করিলেন। ব্রহ্মা
 নারায়ণের উপদেশে পরাৰ্দ্ধকাল শ্রীরঙ্গবিমান ও বিগ্রহএর পূজা
 করিলেন।

পরার্ককাল গত হইলে নৈবস্বত মনুর অধিকার সময়ে মনুপুত্র ইক্ষ্বাকু অযোধ্যাপুরীর রাজা হইলেন। তিনি তাঁহার প্রজাবর্গের কল্যাণের জন্ত কুলগুরু বশিষ্ঠের পরামর্শে অষ্টাক্ষরী মন্ত্র জপ করিয়া শ্রীরঙ্গ-দেবের আরাধনা করিতে থাকেন। তাঁহার তপোনিষ্ঠার সন্তুষ্ট হইয়া পিতামহ দেবগণের সহিত শ্রীরঙ্গধামে উপস্থিত হইলেন। ব্রহ্মা জপ-পরায়ণ ইক্ষ্বাকুর নিকট আগমন করিয়া, শ্রীরঙ্গবিমানের সহিত বিগ্রহ প্রদান করিয়া অন্তর্হিত হইলেন। ইক্ষ্বাকু বিমান ও বিগ্রহ প্রাপ্ত হইয়া, স্বীয় মস্তকোপরি রক্ষা করতঃ অযোধ্যাপুরীতে প্রত্যাবর্তন করিলেন এবং বিমানের সহিত বিগ্রহের প্রতিষ্ঠা করিয়া বিধিমতে পূজা করিতে লাগিলেন।

ভগবান শ্রীপতি রাম রূপে অবতীর্ণ হইয়া রাবণকে নিধন পূর্বক অযোধ্যায় প্রত্যাবর্তন করিলেন। শ্রীরামচন্দ্র অশ্বমেধ যজ্ঞের আয়োজন করিয়া বিভীষণাদি ভারতবর্ষের সমস্ত রাজ্যবর্গকে আমন্ত্রণ করিলেন। যজ্ঞ সমাপনান্তে রঘুনাথ বিভীষণকে শ্রীরঙ্গধাম প্রদান করিলেন। বিভীষণ রাক্ষসদ্বারা পরিবেষ্টিত হইয়া, শ্রীরঙ্গধাম মস্তকোপরি লইয়া প্রফুল্লচিত্তে লঙ্কাভিমুখে যাত্রা করিলেন। পথিমধ্যে বিশ্রামকরণার্থ বিভীষণ কাবেরী তটে শ্রীরঙ্গবিমান স্থাপন করিয়া পঞ্চদশ দিবস তথায় অতিবাহিত করিলেন। লঙ্কাগমনোদ্দেশে শ্রীরঙ্গধামকে মস্তকোপরি তুলিতে যাইলে তুলিতে পারিলেন না; শ্রীরঙ্গধাম অচল। বিভীষণ কাঁদিয়া ব্যাকুল হইলে শ্রীরঙ্গনাথ বলিলেন, “বৎস! বিভীষণ! তুমি বিলাপ করিও না। আমি এই স্থানে অধিষ্ঠান করিতে ইচ্ছা করিয়াছি। অতএব তুমি লঙ্কায় গমন পূর্বক নিকটকে তোমার রাজ্য ভোগ কর। চরমে তোমার সদগতি হইবে।” শ্রীভগবান কর্তৃক এইরূপ আদিষ্ট হইয়া রাক্ষসরাজ নিজ পুরীতে গমন করিলেন। বিভীষণ প্রস্থান করিলে চোল-

রাজ ধর্মবর্মা শ্রীরঙ্গনাথের পূজার ব্যবস্থা করিয়া দিলেন। তদবধি শ্রীরঙ্গধাম চোলশৃঙ্গে অবস্থিত।

জম্বুকেশ্বর।

বিবরণ :—শ্রীজম্বুকেশ্বর মহাদেবের মন্দির শ্রীরঙ্গম হইতে অর্ধ মাইল দূরে পূর্বদিকে অবস্থিত। মন্দির পার্শ্বে একটা জম্বুক বৃক্ষ আছে। আশুতোষ ঐ জম্বুবৃক্ষের তলে তপশ্রা করিয়াছিলেন বলিয়াই ভগবানের নাম জম্বুকেশ্বর। এখানে ভগবান মহাদেবের পাঞ্চভৌতিক মূর্তির অশ্রুতম অপমূর্তি বিরাজমান।

এই মন্দিরের গঠন প্রণালী অতি উত্তম। ইহার চারিটি প্রাকার। চতুর্থ প্রাকারস্থ দ্বারের পর একটি চাতাল; তাহার পর বিমান। বিমানের বহির্ভাগে একটি কূপ হইতে অনবরত জল উঠিতেছে। লিঙ্গমূর্তিটি সর্বদাই জল মগ্ন। অনেকেই ইহা বিশ্বাস করেন যে, ভগবান জলরূপী হইয়া প্রবাহিত হইতেছেন। মন্দিরের ভিতর একটি পুষ্করিণী আছে। জলমগ্ন লিঙ্গমূর্তি অক্ষনামূর্তি।

পৌরাণিক আখ্যায়িকা :—ত্রিশিরা পল্লীর উৎপত্তির বিষয় নিম্নলিখিত প্রবাদটি প্রচলিত আছে। পুরাকালে ত্রিশিরা নামে এক রাক্ষস এই স্থানের পর্বতকন্দরে বাস করিত। সেই রাক্ষসের ভয়ে কেহ তথায় যাইতে সাহস করিত না। তাহার তিনটি মস্তক ছিল বলিয়া সে ত্রিশিরা নামে অভিহিত হইত। সুরবদিত্তান নামক এক বীর ঐ ত্রিশিরা রাক্ষসকে বধ করেন। তদবধি ঐ স্থান ত্রিশিরা নামে অভিহিত। সুরবদিত্তান, ত্রিশিরা রাক্ষস হইতে জনপদ রক্ষা করিয়াছিলেন বলিয়া সুরক্ষণ্য নামে অভিহিত হইয়া কাবেরী নদীর তীরস্থ দেবালয়ে পূজা পাইয়া থাকেন। ত্রিচিনোপলী ত্রিশিরা পল্লীর ইংরাজী নাম।

(৩৩) পালনী পর্বত ।

বিবরণ :- পালনী পর্বত (Palnihill) মাদ্রাজ প্রেসিডেন্সীর মাদুরা জেলার পালনী পর্বত । কেহ কেহ ইহাকে মাদুরার উত্তরে আনাগড় মালাই পর্বত বলিয়া থাকেন ।

পথ :- সাউথ ইণ্ডিয়ান রেলওয়ে (S. I. R.)

মাদ্রাজ—ত্রিচিনোপলী - ডিণ্ডিগুলা—ধনুফোটা লাইন ।

ব্রাঞ্চ লাইন :- ডিণ্ডিগুলা পোল্লাচী । ষ্টেশন - পালনী ।

(৩৪) শ্রীশৈল ।

বিবরণ :- শ্রীশৈল (Srisailam) মাদ্রাজ প্রেসিডেন্সীর কর্ণুল জেলায় একটা পার্বত্য গ্রাম । পর্বতের উপর প্রকাণ্ড মন্দির ৬৬০ ফুট লম্বা ও ৫১০ ফুট চওড়া । ইহার মধ্যস্থলে বিমান বা অর্চনা গৃহ । অর্চনা গৃহে ‘মল্লিকার্জুন’ মহাদেব বিরাজমান ।

‘সৌরাষ্ট্রে সোমনাথঞ্চ শ্রীশৈলে মল্লিকার্জুনম্’

দ্বাদশটি প্রসিদ্ধ অনাদি জ্যোতির্লিঙ্গের মধ্যে ‘মল্লিকার্জুন’ মহাদেব অগ্রতম । মহাভারতে বনপর্বে পঞ্চাশীতম অধ্যায়ে লিখিত আছে, শ্রীপর্বতে ভগবান ভবানীপতি পার্বতীর সহিত প্রীতমনে বাস করিতেন ।

পথ :- মাদ্রাজ এবং সাদার্ণ মারহাটা রেলওয়ে (M. & S. M. R.)

গুণ্টাকাল—বেঙ্গওয়াদা লাইন । ষ্টেশন—ভিনকুণ্ডা, হইতে ৭০ মাইল । ষ্টেশন—মারকাপুর, হইতে ৫০ মাইল ।

(৩৫) কামকোষ্ঠী ।

বিবরণ :- কামকোষ্ঠী (Kumbhkonam) মাদ্রাজ প্রেসিডেন্সীর তাঞ্জোর জেলায় একটা প্রাচীন নগর । শ্রীমদ্ভাগবতে

(১০।৮।১।১৪) ইহাকে কামকোষী বলা হইয়াছে। ইহা কাবেরী নদীতীরে অবস্থিত। এখানে বেদাধ্যয়ন ও বিশেষরূপে সংস্কৃত চর্চা হয়। উত্তরে যেমন কাশী, দক্ষিণে সেইরূপ কুম্ভকোণম্। কুম্ভকোণম্ এ ১৬টী মন্দির আছে। ৪টী বিষ্ণু মন্দির এবং ১২টী শিব মন্দির। তন্মধ্যে ৬টী প্রসিদ্ধ। যথা :—

(১) কুম্ভেশ্বর স্বামী। কুম্ভেশ্বর লিঙ্গাকৃতি মহাদেব।

(২) সোমেশ্বর স্বামী।

(৩) নাগেশ্বর স্বামী। নির্মাণ কালে নাগেশ্বরের মন্দিরশিখরে একরূপ স্নকৌশলে একটী ছিদ্র রক্ষিত হইয়াছে যে সূর্য্যাকিরণ ঐ ছিদ্র মধ্য দিয়া বৎসরে মাত্র তিন দিন বিগ্রহের উপর পতিত হয়।

(৪) শাক্তপাণি স্বামী। শাক্তপাণি শেষনাগশয্যায় অর্দ্ধশয়ান বিষ্ণুমূর্তি। ইহাকে ‘মধ্যরঙ্গম’ বলে। বাম হস্তে শাক্তধৃত শেষনাগ ফণা বিস্তার করিয়া ভগবানের মস্তক রক্ষা করিতেছেন।

(৫) চক্রপাণি স্বামী। চক্রপাণি দণ্ডায়মান বিষ্ণুমূর্তি।

(৬) রাম স্বামী। শ্রীরাম লক্ষণ ধনুর্ঝান হস্তে দণ্ডায়মান ও তৎপার্শ্বে সীতাদেবী।

এখানে ব্রহ্মার একটী মন্দির আছে। এই মন্দিরটী অতি পুরাতন।

এখানে মহামোক্ষম নামক একটী সরোবর আছে। দক্ষিণ ভারতে ইহা একটী পবিত্র ও প্রসিদ্ধ তীর্থ বলিয়া পরিগণিত। এই সরোবরের চতুর্দিকে প্রস্তর নির্মিত সোপান শ্রেণী এবং উপরে ছোট ছোট মন্দির চারিদিক বেষ্টিত করিয়া শোভা পাইতেছে।

মাঘ মাসে প্রত্যেক বৎসর এখানে মেলা হয়। প্রতি দ্বাদশ বৎসর অন্তর এখানে মহামাঘ উৎসব হইয়া থাকে। দ্বাদশ বৎসর অন্তর বৃহস্পতি সিংহরাশিতে গমন করিলে এই যোগ হয়। এই যোগে

মহামোক্ষম সরোবরে মুক্তি স্নান করিবার জন্ত এখানে প্রায় ৫,০০,০০০ যাত্রীর সমাগম হইয়া থাকে।

পথ :—সাউথ ইণ্ডিয়ান রেলওয়ে (S. I. R)

মান্দ্রাজ—মাদ্রাস—ত্রিচিনোপলী — মাদুরা — ধনুকোটা লাইন।
স্টেশন—কুন্তকোণম্।

পৌরাণিক আখ্যায়িকা :—(স্বলপুরাণমতে) প্রলয়ের সময় এককুন্ত অমৃত মহামেকর পর্বত গাত্রে সিকা করিয়া ঝুলান ছিল। জল বর্ধিত হইতে হইতে সিকা স্পর্শ করিল এবং সেই কুন্ত সিকা হইতে বাহির হইয়া জলে ভাসিতে লাগিল। বায়ু-রে তথা হইতে কুন্ত ভাসিতে ভাসিতে দক্ষিণ দিকে আইসে। প্রলয়াস্তে জল শুকাইয়া গেলে, কুন্ত সেই স্থলে পতিত হয় এবং কুন্তের ঘোণ অর্থাৎ কানা ভাসিয়া গিয়া অমৃত পড়িতে থাকে। তখন ভগবান শশীশেখর সেই স্থানে আবিভূত হইয়া অমৃত পান করেন এবং কুন্তের নাম গ্রহনাস্তর সেই স্থানে অধিষ্ঠিত হন। এইজন্ত সেইস্থানের নাম হইল কুন্ত-ঘোণম্।

(৩৩) দক্ষিণ মথুরা।

বিবরণ :—দক্ষিণ মথুরা (Madura) মান্দ্রাজ প্রেসিডেন্সীর মাদুরা জেলায় কুতমালা নদীর দক্ষিণতীরে অবস্থিত প্রধান মহর। এখানকার দেবতা স্কন্দরেশ্বরস্বামী (শিবলিঙ্গ) ও দেবী মীনাক্ষী। এরূপ স্কন্দর বৃহদায়তন প্রাচীন মন্দির দক্ষিণ ভারতে আর নাই। এই মন্দিরের প্রাকার উত্তর দক্ষিণে ৮৩৭ ফুট এবং পূর্ব পশ্চিমে ৭৪৪ ফুট লম্বা। এই প্রাকারে ৯টা গোপুরম্ আছে। গোপুরমের ভিতর দিয়া বৃহৎ প্রাঙ্গণে প্রবেশ করিতে হয়। মন্দিরটা দুই ভাগে বিভক্ত ; একটীর

নাম স্নন্দরেশ্বর মন্দির, অপরটির নাম মীনাঙ্কী মন্দির। স্নন্দর লিঙ্গের পার্শ্বে অত্র প্রকোষ্ঠে মীনাঙ্কী দেবী বিরাজ করেন।

সহস্র স্তম্ভ মণ্ডপ—এই মণ্ডপ দৈর্ঘ্যে ৩০০ ফুট এবং প্রস্থে ৬০ ফুট। এই মণ্ডপে ৯৯৭টি স্তম্ভ আছে। ইহার ছাদ চারি সার প্রস্তর স্তম্ভশ্রেণীর উপর নির্মিত। প্রত্যেক স্তম্ভ ২০ ফুট উচ্চ।

সহস্র স্তম্ভ মণ্ডপের পর বসন্ত মণ্ডপ। এই মণ্ডপে স্নন্দরলিঙ্গ দেবের বসন্ত উৎসব হইয়া থাকে।

এই প্রাঙ্গণ মধ্যে তেপ্পাকুলম (পুষ্করিণা) বিদ্যমান, ইহার নাম শিবগঙ্গা তীর্থ। সেই সরোবরের মধ্যস্থলে দ্বীপের উপর একটি উচ্চ মন্দির এবং চারিকোণে চারিটি ক্ষুদ্র ক্ষুদ্র মনোহর মন্দির আছে। প্রতিবৎসর মাঘ মাসে মাদুরাতে দেবতার ভাসন উৎসব (floating festival) হইয়া থাকে।

পথ : সাউথ ইণ্ডিয়ান রেলওয়ে। (S. I. R)

মাদ্রাজ—মায়াজুরম্—ত্রিচিনোপলী—মাদুরা—ধনুকোটা লাইন।
ষ্টেশন—মাদুরা।

পৌরাণিক আখ্যায়িকা :—দক্ষিণ মথুরা স্নন্দরেশ্বর মহাদেবের মন্দির জন্ম বিখ্যাত। স্নন্দরেশ্বরলিঙ্গের উৎপত্তি সম্বন্ধে স্থল পুরাণে এই বিবরণ আছে :—একদিন দেবরাজ ইন্দ্র অশ্রমনক্ষ বশতঃ দেবগুরু বৃহস্পতিকে সম্ভাষণাদি করেন নাই। বৃহস্পতি আপনাকে অপমানিত মনে করিয়া গুরুপদ পরিত্যাগ পূর্বক তপশ্চার্থ গমন করেন। ইন্দ্র ব্রহ্মার পরামর্শে তৃষ্টাপুত্র ত্রিশিরাকে গুরুপদে বরণ করেন। কোনও ক্রটি দেখিয়া দেবরাজ ত্রিশিরার শিরশ্ছেদ করেন। ত্রিশিরা দ্বিজাতি বলিয়া ইন্দ্র ব্রহ্মহত্যাজনিত পাপে লিপ্ত হন।

এদিকে তৃষ্টা পুত্রোষ্টি যজ্ঞ করিয়া বৃত্র নামে মহাবলশালী এক পুত্র

লাভ করেন। বৃত্র ইন্দ্রকে পরাভূত করিয়া অমরাবতী অধিকার করিলে ইন্দ্র চতুরাননের উপদেশে দধিচিমুনির অস্থিতে বজ্র নির্মাণ করিয়া বৃত্রকে বধ করেন। বৃত্র ব্রাহ্মণ ছিলেন বলিয়া, ইন্দ্র পুনরায় ব্রহ্মহত্যা পাপে লিপ্ত হইয়া মহা কষ্ট পাইতে লাগিলেন। দেবরাজ স্বর্গ ত্যাগ করিয়া পাপক্ষয় উদ্দেশ্যে তীর্থপর্যটনে বহির্গত হন। দেবরাজের স্বর্গ ত্যাগের পর স্বর্গে অরাজকতা হইল দেখিয়া দেবগণ বৃহস্পতির স্মরণাপন্ন হওয়ায় দেবগুরু, ইন্দ্রের পূর্ব অপরাধ মার্জনা করিলেন। ইন্দ্র তীর্থপর্যটন করিতে করিতে কল্যাণপুরের সন্নিকট কদম্ববনে আসিবামাত্র ব্রহ্মহত্যা পাপ হইতে নিষ্কৃতি লাভ করিলেন। ইহার কারণ অব্বেষণ করিতে গিয়া সেই কদম্ববনে এক অনাদিলিঙ্গ শিব দেখিতে পাইলেন। তদনন্তর বিশ্বকর্মাণকে আহ্বান করিয়া উক্ত লিঙ্গের উপর একটি মন্দির নির্মাণ করাইয়া দিলেন এবং বৃহস্পতি দ্বারা বৈদিক মন্ত্রে শিবপূজা করাইলেন। তদবধি লিঙ্গের নাম হইল স্কন্দরেশ্বর।

(৩৭) কৃতমালা নদী।

বিবরণ :—কৃতমালা নদী (Vaigai River)। মলয় গিরি হইতে যে সমস্ত নদী উদ্ভূত হইয়াছে কৃতমালা তাহাদের অগ্রতমা।

“কৃতমালা তাম্রপর্ণী পুষ্পজাত্যাংপলাবতী
মলয়াদ্রি সমুদ্ভূতা নদ্যঃ শীতজলস্বিমাঃ।”

মার্কণ্ডেয় পুরাণ।

পথ :—মাদুরা ষ্টেশন। (৩৬) দক্ষিণ মথুরা দেখুন।

(৩৮) দুর্বেশন।

বিবরণ :—দুর্বেশন, (Darvashayan) ইহার নাম ‘দর্ভশয়ন তীর্থ’। মাদ্রাজ প্রেসিডেন্সীর মাদুরা জেলায় রামনাদ একটি প্রসিদ্ধ সহর।

দর্ভশয়ন রামনাদের নিকট একটা গ্রাম। এই সহরে রামনাদের রাজা সেতুপতি বাস করেন। কথিত আছে শ্রীরামচন্দ্র সেতুপতির উপর সেতুরক্ষার ভার অর্পণ করিয়া যান। এখনও তাহার এইজন্ত এত সম্মান যে তত্ত্বিমান রাজা (পোছু কোটাইয়ের রাজা) এবং অন্যান্য রাজারা সেতুপতির সম্মুখে ষোড়হস্তে দণ্ডায়মান থাকেন। রামনাদ হইতে সাত মাইল পশ্চিমে দর্ভশয়ন তীর্থ। ভগবান রামচন্দ্র রামনাদ হইতে সাত মাইল পশ্চিমে সমুদ্রোপকূলে উপস্থিত হন এবং বরুণদেবের সাহায্য গ্রহণ অভিলাষে তথায় দর্ভশয়্যায় প্রায়োপবেশন করেন। এই জন্ত এই তীর্থের নাম দর্ভশয়ন।

“লক্ষণ রামচন্দ্রকে বলিলেন, ‘আমাদের বিশ্বাস মহাসমুদ্রে সেতুবন্ধন না করিয়া সুরগণ সমভিব্যাহারে সুরপতিও লক্ষা প্রবেশ করিতে সমর্থ হইতে পারে না.....সেজন্ত কালব্যাজ না করিয়া সমুদ্রকে এই কার্যে নিয়োগ কর।’ তদনন্তর রামচন্দ্র সমুদ্রতীরে কুশসকল বিস্তীর্ণ করিয়া তদুপরি পূর্বাভিমুখে শয়ন করিলেন। কুশশয়্যায় শয়ন করিয়া রাত্রির তৃতীয় ভাগ পর্য্যন্ত সমুদ্রের উপাসনা করিলেন।”

রামায়ণ লক্ষাকাণ্ড ১৯-২১ সর্গ।

পথ :—সাউথ ইণ্ডিয়ান রেলওয়ে (S. I. R.)

মাদ্রাজ—মাদুরা—ধনুক্ষোটা লাইন। ষ্টেশন—রামনাদ।

(৩৯) মহেন্দ্র শৈল।

বিবরণ :—মহেন্দ্রশৈল (Mahendragiri) ত্রিবঙ্গুর রাজ্যে সহ পর্বতের অংশ বিশেষ। রামায়ণে কিঙ্কিয়া কাণ্ড ৪১ অধ্যায়ে মহেন্দ্র শৈলের এই বিবরণ আছে। “মলয় পর্বতে ঋষিসত্তম অগস্ত্যকে দর্শন করিবে। তদনন্তর তাঁহাকে প্রসন্ন করিয়া তাম্রপর্ণী মহানদী পার

হইবে। তৎপরে সমুদ্রতটে যাইয়া সমুদ্রপার বিষয়ে সামর্থ্য অবধারণ পূর্বক সমুদ্র পার হইবে। মহর্ষি অগস্ত্য তত্রস্থিত সমুদ্রের অভ্যন্তরে শ্রীমান মহেন্দ্র পর্বত নিবেশিত করিয়াছেন। এই স্বর্ণময় মনোহর গিরির এক পার্শ্ব সমুদ্রে ডুবিয়া আছে। এই সমুদ্রের অপর পারে এক দ্বীপ আছে ; সেই স্থান রাবণের বাসভূমি।”

“তদনন্তর রামচন্দ্র সহ ও মলয় গিরি অতিক্রম করিয়া মহেন্দ্রাচলে উপনীত হইলেন। তিনি তদুপরি আরোহণ করিয়া কুম্ব মীন সমাকুল মহাসমুদ্র দেখিতে পাইলেন।”

রামায়ণ লঙ্কাকাণ্ড চতুর্থ-সর্গ।

(৪০) সেতুবন্ধ ।

বিবরণ :—সেতুবন্ধ (Mandapam) দক্ষিণ সমুদ্রের উপকূলবর্তী বন্দর। ইহার পূরা নাম বিটলে মণ্ডপ। ভগবান শ্রীরামচন্দ্র এই মণ্ডপ হইতে সেতু নিৰ্ম্মাণ করিয়াছিলেন।

রামনাদ হইতে দশ মাইল পূর্বে নবপাষণম্ বা দেবীপত্তনম্ তীর্থ ও মন্দির আছে এবং সাত মাইল পশ্চিমে দর্ভশয়ন তীর্থ আছে। এই দুইটী রামসেতুর প্রথম ও দ্বিতীয় স্তর। সম্ভবতঃ ‘মণ্ডপম’ সেতুর মূলদেশের এক অংশ। সেতুমূলের পরেই সেতুর অপর অংশের নাম গন্ধমাদন। গন্ধমাদনের কতকাংশ জলমগ্ন ; অপরংশ পাশ্চাত্যদ্বীপে অবস্থিত।

“সোতে ! এই দেখ, এইস্থানে আমি সেনা-নিবাস করিয়া ছিলাম। এইস্থানে দেবাদিদেব মহাদেব আমার প্রতি প্রসন্ন হইয়াছিলেন। এই অগাধ অপার সাগরে ‘সেতুবন্ধ’ নামক ত্রিলোকপূজিত বিখ্যাত তীর্থ দৃষ্ট হইতেছে। এই তীর্থ পরম পবিত্র ও মহাপাতক নাশন।”

রামায়ণ লঙ্কাকাণ্ড ১২৫ সর্গ।

পথ :—সাউথ ইণ্ডিয়ান রেলওয়ে (S. I. R.)

মাদ্রাজ—মাদুরা—ধনুক্ষোটা লাইন। ষ্টেশন—মণ্ডপম্।

(৪১) ধনুতীর্থ।

বিবরণ :—ধনুতীর্থ (Dhanuskoti) একটি গ্রাম। ধনুক্ষোটা, রেলপথে রামেশ্বর হইতে একাদশ মাইল পথ। ষ্টেশন হইতে বহুদূরে স্নান তীর্থ অবস্থিত।

পথ :—সাউথ ইণ্ডিয়া রেলওয়ে (S. I. R.)

মাদ্রাজ—মারাভরম্—ত্রিচিনোপলী—মাদুরা—ধনুক্ষোটা লাইন।
ষ্টেশন—ধনুক্ষোটা।

পৌরাণিক আখ্যায়িকা :—শ্রীরামচন্দ্র, দশানন রাবণকে, নিধন করিয়া, বিভীষণকে লঙ্কারাজ্যে অভিষিক্ত করেন। অনন্তর শ্রীরামচন্দ্র, বিভীষণ ও সুগ্রীব-প্রমুখ-কপিগণ পরিবেষ্টিত হইয়া, লক্ষ্মণ ও জানকী সমভিব্যাহারে অযোধ্যাভিমুখে যাত্রা করেন। গন্ধমাদনে উপস্থিত হইলে, বিভীষণ প্রার্থনা করিলেন :—

“সেতুনানেন তে রাম ! রাজানঃ সৰ্ব্বএবহি ।

বলোদ্রিক্তা সমভ্যেত্য পীড়েয়েষুঃ পুরীং মম ॥

অন্তঃ সেতুমিমং ভিক্তি ধনুক্ষোট্যা রঘুদ্বহ ।

ইতি সম্প্রার্থিস্তেন পৌলস্ত্যেন স রাঘবঃ ॥

বিভেদ ধনুষংকোট্যা স্ব সেতুং রঘুনন্দন ।”

সেতুমাহাত্ম্য ৩০ অধ্যায়।

“এই সেতুর আর প্রয়োজন নাই। ইহা থাকিলে অগ্ন্যাগ্ন রাজারা অনায়াসে আমার লঙ্কাপুরী আক্রমণ করিবে; অতএব আপনি ধনুক্ষোটা দ্বারা সেতু ভেদ করিয়া দিন।” রঘুনন্দন বিভীষণের প্রার্থনা অনুসারে

নিজের সেতু ধতুকোটা দ্বারা (ধনুর অগ্রভাগ) বিভেদ করিয়া দিয়া-
ছিলেন।

(৪২) রামেশ্বর :

বিবরণঃ—রামেশ্বর (Rameswaram) দক্ষিণাপথের শ্রেষ্ঠ তীর্থ।
প্রসিদ্ধ রামেশ্বর মন্দির পাম্বান্ দ্বীপে অবস্থিত। মন্দিরের দুইটি
প্রাকার। বাহিরের প্রাকার হইতে ভিতরের প্রাকার পর্য্যন্ত গোপুরম্
বিস্তৃত। মন্দিরাভ্যন্তরে শ্রেণীবদ্ধ অত্যদ্ভুত স্তম্ভশোভিত ছাদ বিশিষ্ট
অলিন্দ পথ। ইহাকে ইংরাজিতে The long Colonnade or The
great Corridor বলে। এই অলিন্দ প্রায় ৭০০ ফুট দীর্ঘ এবং ৬০ ফুট
বিস্তৃত। এরূপ স্তম্ভশোভিত অলিন্দপথ ভারতের কোথাও আর
নাই।

বিমানের সম্মুখে অর্চনা মণ্ডপ। ইহাই মূল মন্দির। ইহার সম্মুখে
একখানি প্রস্তর খণ্ড হইতে নির্মিত একটা প্রকাণ্ড রুম বা নন্দীর
প্রতিমূর্তি। দেবার্চনা বা মূল মন্দিরে প্রবেশ করিতে লইলে ইহার
অনুমতি লইতে হয়।

রামেশ্বরদেব দ্বাদশটা অনাদি জ্যোতির্লিঙ্গের মধ্যে অগ্রতম।
ইহাই দেবতার অর্চনামূর্তি। ভোগমূর্তি স্তম্ভে নির্মিত মনুষ্যাকৃতি।
মণ্ডপের নিকটে শ্রীরাম-সীতা, হনুমান ও স্ত্রীবেবের মূর্তি আছে। অদূরে
ভগবতী রামেশ্বরী পার্বতীর মন্দির। প্রত্যহ রাত্রে রামেশ্বরদেবের
ভোগমূর্তিকে রামেশ্বরী পার্বতী দেবীর মন্দিরে লইয়া যাওয়া হয়।
বিমানের মধ্যে দক্ষিণাত্য ব্রাহ্মণ ব্যতীত অন্য সকলের প্রবেশ
নিষেধ।

রামেশ্বর ও রামেশ্বরী দেবীর নিত্য পূজা ব্যতীত প্রত্যেক মাসেই

উৎসব হইয়া থাকে। তন্মধ্যে বৈশাখ মাসে বসন্তোৎসব, আশ্বিন মাসে নবরাত্রোৎসব এবং মাঘ মাসে মাঘোৎসব ও শিবরাত্রির উৎসব বিশেষ উল্লেখ যোগ্য।

পথ :—সাউথ ইণ্ডিয়ান রেলওয়ে (S. I. R)

মাদ্রাজ—মাদুরা—ধনুকোটা লাইন।

ব্রাহ্ম লাইন :—পাটান—রামেশ্বরম্। ষ্টেশন—রামেশ্বরম্।

পৌরাণিক আখ্যায়িকা :—রামেশ্বর লিঙ্গ প্রতিষ্ঠার বিবরণ—

জানকীর অগ্নিপরীক্ষা হইয়া গেলে শ্রীরামচন্দ্র গন্ধমাদনে বিশ্রাম করিলেন। ঋষিগণ মহর্ষি অগস্ত্যকে অগ্রবর্তী করিয়া সেই স্থানে আগমন করিলেন ও বলিলেন :—

সত্যব্রত জগন্নাথ জগদ্রক্ষাধুরক্ষর।

সর্বলোকাপকারার্থং কুরু রাম শিবার্চনম্ ॥

গন্ধমাদন শৃঙ্গেহস্মিন্ মহাপুণ্যে বিমুক্তিদে।

শিবলিঙ্গ প্রতিষ্ঠাং ত্বং লোক সংগ্রহ কাম্যয়া ॥

কুরু রাম দশগ্রীব বধ দোষাপনুত্তয়ে।

সেতু মাহাত্ম্য ৪৪ অধ্যায়। ৮৭—৮৮

“হে সত্যব্রত রাম! সর্বজীবের উপকারের নিমিত্ত আপনি শিবার্চনা করুন। এই মহাপুণ্য মুক্তিপ্রদ গন্ধমাদন শৃঙ্গে দশানন বধের দোষ লক্ষনার্থে এবং লোকশিক্ষার জন্ত আপনি শিবলিঙ্গ প্রতিষ্ঠা করুন।” শ্রীরামচন্দ্র ঋষিগণের বাক্য শিরোধার্য্য করিয়া হনুমানকে লিঙ্গ আনিতে কৈলাস পর্বতে প্রেরণ করিলেন। হনুমান ঠিক সময়ে প্রত্যাবর্তন করিতে পারিলেন না দেখিয়া, পুণ্য-মুহূর্ত্ত-কাল অতীত হইবার আশঙ্কায় ঋষিগণের পরামর্শে রামচন্দ্র গন্ধমাদন পর্বতে সীতা-নির্ম্মিত সৈকত লিঙ্গ প্রতিষ্ঠা করিলেন। লক্ষ্মীর হস্তে নির্ম্মিত ও

ভগবানের দ্বারা স্থাপিত বলিয়া লিঙ্গের নাম করণ হইল রামেশ বা রামেশ্বর লিঙ্গ সনাতন জ্যোতির্লিঙ্গ ।

(৪৩) তাম্রপর্ণী ।

বিবরণ :—তাম্রপর্ণী নদী (Tambapurni River) । মলয় গিরি হইতে যে সমস্ত নদী উদ্ভূতা হইয়াছে তাম্রপর্ণী তাহাদের অগ্রতমা । এই নদী মান্নার উপসাগরে পতিত হইয়াছে ।

বৃহস্পতি যখন বৃশ্চিক রাশিতে গমন করেন তখন তাম্রপর্ণীতে পুষ্কর যোগ হয় ।

“তাম্রপর্ণীর বিষয় কহিতেছি—দেবগণ রাজ্যলাভেচ্ছায় ঐ স্থানে তপোবুষ্ঠান করিয়াছিলেন ।” মহাভারত বনপর্ব ।

পথ :—ষ্টেশন—তিনেভেলী, (৩০) শিবক্ষেত্র দেখুন ।

ষ্টেশন—আলভার তিরুনগরী, (৪৪) নয় ত্রিপদী দেখুন ।

(৪৪) নয়ত্রিপদী ।

বিবরণ :—নয়ত্রিপদী (Alvar Tirunagari) মাদ্রাজ প্রেসিডেন্সীর তিনেভেলী জেলায় তাম্রপর্ণী নদীর তীরে অবস্থিত একটা নগর । ইহার চারিদিকে নয়টা ত্রিপদীর (ত্রীপতি) মন্দির বিদ্যমান ।

পথ :—সাউথ ইণ্ডিয়ান রেলওয়ে (S. I. R)

মাদুরা—মনিরাচি—তিনেভেলী—ত্রিবেন্দ্রম্ লাইন ।

ব্রাহ্ম লাইন :—তিনেভেলী—তিরুচন্দর । ষ্টেশন—আলভার তিরুনগরী ।

(৪৫) চিরডতলা ।

বিবরণ :—চিরডতলা (Shertala) ত্রিবঙ্গুর রাজ্যে নাগেরকয়েল নগরের নিকট । বিগ্রহ শ্রীরাম লক্ষ্মণ মূর্তি বিরাজমান ।

(৪৬) তিলকাঞ্চী ।

বিবরণ :—তিলকাঞ্চী (l'enkasi) মাদ্রাজ প্রেসিডেন্সীর তিনেভেলী জেলায় একটা নগর। তিনেভেলী সহর হইতে ৩৩ মাইল দূরে অবস্থিত। এখানে অনেক সুন্দর সুন্দর শিব মন্দির আছে।

পথ :—সাউথ ইণ্ডিয়ান রেলওয়ে (S. I. R.)

মাদ্রাজ—ত্রিচিনোপলী—বিরুদ্ধনগর—টেনকাণী—ত্রিবেন্দ্রম্ লাইন।
ষ্টেশন—টেনকাণী।

(৪৭) গজেন্দ্র মোক্ষণ ।

বিবরণ :—গজেন্দ্র মোক্ষণ (Suchindrum) মাদ্রাজ প্রেসিডেন্সীর তিনেভেলী জেলায় তাম্রপর্ণী নদীতীরস্থ একটা নগর। তিনেভেলী সহর হইতে ২২ মাইল পশ্চিমে অবস্থিত। ইহা একটা প্রসিদ্ধ তীর্থ স্থান। এই স্থানে বিষ্ণু বিগ্রহ বিরাজিত।

কাহারও মতে ইহার নাম দেবেন্দ্র মোক্ষণ। ইহা ত্রিবঙ্গুর রাজ্যের অন্তর্গত একটা গ্রাম। গ্রামের মধ্যস্থলে “স্থানুগলয় পরিমল” নামক বিখ্যাত মহাদেবের মন্দির বিদ্যমান। এই গ্রামটা একটা প্রসিদ্ধ তীর্থস্থান।

পথ :—সাউথ ইণ্ডিয়ান রেলওয়ে (S. I. R.)

ষ্টেশন—তিনেভেলী। তিনেভেলী হইতে নাগেরকয়েল পর্য্যন্ত রাস্তা আছে। সূচীন্দ্রম, নাগেরকয়েল হইতে ৫ মাইল দূরে অবস্থিত।

(৪৮) পানাগড়ি তীর্থ ।

বিবরণ :—পানাগড়িতীর্থ (Panagodi) মাদ্রাজ প্রেসিডেন্সীর তিনেভেলী জেলায়। তিনেভেলী সহর হইতে ৩০ মাইল দক্ষিণে অবস্থিত। পূর্বে এখানে শ্রীরাম মূর্তি ছিলেন। পরে শৈবগণ তাঁহাকে ‘রামেশ্বর বা রামলিঙ্গ শিব, বলিয়া পূজা করিয়া আসিতেছেন।

(৪৯) চামতাপুর ।

বিবরণ :—চামতাপুর (Chengannur) ত্রিবন্ধুর রাজ্যে । বিগ্রহ শ্রীরামলক্ষণ ।

(৫০) শ্রীবৈকুণ্ঠ ।

বিবরণ :—শ্রীবৈকুণ্ঠ (Srivaikuntam) মাদ্রাজ প্রেসিডেন্সীর তিনেভেলী জেলায় তাম্রপর্ণী নদীর বামতীরে অবস্থিত একটি নগর । এখানে সুন্দর কারুকার্য্য বিশিষ্ট একটি মন্দির আছে । ঐ মন্দির মধ্যে শ্রীবিষ্ণু বিগ্রহ বিরাজমান ।

পথ :—সাউথ ইণ্ডিয়ান রেলওয়ে (S. I. R)

মাদুরা—মনিয়াচি—তিনেভেলী—ত্রিবন্ধু লাইন ।

ব্রাহ্ম লাইন :—তিনেভেলী—তিরুচন্দর । ষ্টেশন—শ্রীবৈকুণ্ঠম্ ।

(৫১) মলয় পর্বত ।

বিবরণ :—মলয় পর্বত (Agastyakutam) ত্রিবন্ধুর রাজ্যে অবস্থিত । ইহা সপ্তকুল পর্বতের অগ্রতম ।

মহেন্দ্রোমলয়ঃ সহঃ ভক্তিমান ঋক্ষপর্বতঃ

বিন্ধ্যশ্চ পরিপাত্রশ্চ সপ্তাত্র কুলপর্বতাঃ ।

বিষ্ণুপুরাণ ২য় অংশ ৩য় অধ্যায় ।

এই পর্বত হইতে দুইটা নদী উৎপন্ন হইয়াছে । (১) পবিত্র-সলিলা তাম্রপর্ণী, তিনেভেলী জেলার মধ্য দিয়া পূর্বাভিমুখে, (২) নিয়ার, ত্রিবন্ধুর রাজ্যের মধ্য দিয়া পশ্চিমাভিমুখে গমন করিয়াছে ।

শাস্ত্র বিশ্বাসী হিন্দুগণের ধারণা এই যে, মহর্ষি অগস্ত্য এই নির্জন পর্বত শিখরে এখনও ঈশ্বরারাধনায় কালাতিপাত করিতেছেন ।

(১২) কণ্ঠাকুমারী ।

বিবরণ :—কণ্ঠাকুমারী (C. Comorin) । কুমারিকা অন্তরীপ ভারতবর্ষের দক্ষিণ প্রান্তে অবস্থিত এবং ত্রিবঙ্গুর রাজ্যের অন্তর্গত । ইহার তিনদিকে তিনটি সমুদ্র ; পূর্বে বঙ্গোপসাগর, দক্ষিণে ভারত মহাসাগর এবং পশ্চিমে আরব সাগর । এই তিনটি সাগরের সন্ধিস্থলের নিকটেই সুপ্রসিদ্ধ কণ্ঠাকুমারী তীর্থ । দেবী এখানে কুমারী মূর্তিতে বিরাজিতা ।

দেবীর মন্দির বঙ্গোপসাগরের তীরে অবস্থিত । মন্দিরটি উচ্চ প্রাকার দ্বারা বেষ্টিত । বৃহৎ না হইলেও দেবায়তনটি পরম রমণীয় । কুমারিকায় দেবীর কুমারী মূর্তি ব্যতীত আর একটি তীর্থ আছে, ইহার নাম মাতৃতীর্থ । প্রবাদ এই যে পরশুরাম পিতৃআজ্ঞায় মাতৃহত্যা করিয়া পাপ মোচনার্থ তীর্থে তীর্থে ভ্রমণ করেন । তিনি কুমারিকায় আসিয়া যে স্থানে সমুদ্রস্নান করেন সেই স্নানঘাট মাতৃতীর্থ নামে বিখ্যাত ।

পথ :—সাউথ ইণ্ডিয়ান রেলওয়ে (S. J. R)

ষ্টেশন—তিনেভেলী । তথা হইতে নাগেরকয়েল পর্যন্ত মোটর বাস আছে । পুনরায় নাগেরকয়েল হইতে কণ্ঠাকুমারী পর্যন্ত বাসে যাতায়াত করা যায় ।

পৌরাণিক আখ্যায়িকা :—বাণাসুর দীর্ঘকাল কঠোর তপশ্চা করিয়া ব্রহ্মার নিকট এই অভীষ্মিত বর লাভ করেন যেন, কোনও পুরুষ তাহাকে বধ করিতে সমর্থ না হয় । ব্রহ্মার বর প্রভাবে বাণাসুর মৃত্যুঞ্জয় হইয়া ত্রিলোক বিজয়ী হইলেন এবং দেবরাজ ইন্দ্রকে পরাভূত করিয়া অমরাবতী হইতে নিষ্ক্রান্ত করিয়া দিলেন । সহস্রলোচন, ভগবান বিষ্ণুর পরামর্শে যজ্ঞ করিলে, যজ্ঞাগ্নি হইতে এক অনুপম রূপ-লাবণ্যবতী কণ্ঠা আবির্ভূতা হইলেন । বাণাসুর কুমারীর উদ্ধব সংবাদ প্রাপ্ত

হইয়া তৎসমীপে উপস্থিত হইলে কুমারী অশুরকে সমরে নিধন করেন।

কুমারী-দেবী, মহাদেবকে পতিত্বে বরণ করিয়া দক্ষিণ সমুদ্র গর্ভস্থ শৈল শিখরে তপশ্চা করিতে লাগিলেন। মহাদেব তাঁহার তপশ্চায় সন্তুষ্ট হইয়া দেবীকে বিবাহ করিতে সম্মত হইলেন তবে ইহা স্থির হইল যে, বিবাহের নির্দিষ্ট লগ্ন উত্তীর্ণ হইলে আর বিবাহ হইবে না।

মহাদেব যথা সময়ে বিবাহ করিতে যাত্রা করিলেন। পথে শুচীন্দ্রম নামক স্থানে মহর্ষি দুর্কাসার সহিত সাক্ষাৎ হইলে পরম্পরে অভিনন্দন করিতে করিতে বিবাহের লগ্ন উত্তীর্ণ হইয়া যায়। মহাদেব আর অগ্রসর হইলেন না স্মতরাং বিবাহ হইল না। কুমারী-দেবী চির কোমার্যা অবলম্বন করিয়া জীবের কল্যাণার্থ সেই স্থানে বাস করিতে লাগিলেন। দেবীর নাম অনুসারে ঐ স্থানের নাম হইল 'কণ্ঠাকুমারী'।

(১৩) আমলকীতলা।

বিবরণ :—আমলকীতলা (Amalitala) মাদ্রাজ প্রেসিডেন্সীর তিনেভেলী জেলায় তাম্রপর্ণী নদীর উত্তর তীরে অবস্থিত একটা নগর। সহ্যাদ্রিস্থিত বলিয়া ইহাকে 'সহ্য আমলকা'ও বলা হয়। বিগ্রহ শ্রীরামচন্দ্র।

(১৪) মল্লার দেশ।

বিবরণ :—মল্লার দেশ (Malabar) বর্তমান ত্রিবঙ্কুর ও কোচিন রাজ্য এবং মাদ্রাজ প্রেসিডেন্সীর মালাবার জেলা ইহার অন্তর্গত। ইহাই পৌরাণিক কেরল দেশ।

পৌরাণিক আখ্যায়িকা :—কেরল প্রদেশের উৎপত্তি সম্বন্ধে এইরূপ প্রবাদ আছে—পরশুরাম একবিংশতিবার পৃথিবী নিঃক্ষত্রিয়া

করিয়া বিশ্বামিত্র ঋষির সাহায্যে একটি বৃহৎ যজ্ঞ করেন। যজ্ঞ সমাপনান্তে পরশুরাম কশ্যপ মুনিকে দক্ষিণা স্বরূপ এই ভারতভূমি প্রদান করতঃ ঋষিদিগের পরামর্শে ভারতবর্ষ ত্যাগ করিয়া, বহুদিবস কণ্ঠাকুমারিকাতে বরুণদেবের তপশ্চা করেন। বরুণদেব তাঁহার তপশ্চায় সন্তুষ্ট হইয়া তাঁহাকে এই প্রতিশ্রুতি প্রদান করেন যে, পরশুরাম যতদূর পর্য্যন্ত আপন পরশু নিক্ষেপ করিতে পারিবেন, ততদূর পর্য্যন্ত ভূমি তাঁহার বাসস্থানের জন্ত সমুদ্রগর্ভ হইতে প্রদান করা হইবে। পরশুরাম কণ্ঠাকুমারিকা হইতে উত্তরদিকে আপন পরশু নিক্ষেপ করিলেন। পরশু দক্ষিণ কানাড়ার অন্তর্গত গোকর্ণ নামক স্থানে পতিত হয়। বরুণদেব কুমারিকা অন্তরীপ হইতে গোকর্ণ পর্য্যন্ত একখণ্ড ভূমি সমুদ্রগর্ভ হইতে উদ্ধার করিয়া পরশুরামকে প্রদান করেন। উক্ত সমস্ত ভূমিখণ্ড পরশুরাম ক্ষেত্র বলিয়া অভিহিত। এই ভূমি খণ্ডের নাম কেরল দেশ।

(১১) তমালকার্ত্তিক :

বিবরণ :—(ক) ভাদাক্কুভেলিয়র (Vadakkuvalliyur) মাদ্রাজ প্রেসিডেন্সীর তিনেভেলী জেলায় একটি নগর। এখানে সুরক্কণ্যদেব কার্ত্তিকেয়র মন্দির আছে। ইহা একটি প্রসিদ্ধ তীর্থস্থান, এখানে অনেক তীর্থযাত্রীর সমাগম হয়।

পথ :—তিনেভেলী হইতে ত্রিবেন্দ্রম যাইবার একটি পাকা রাস্তা আছে, সেই রাস্তার উপর ভাদাক্কুভেলিয়র নগর।

বিবরণ :—(খ) কালগুমলয় (Kalagumalai) মাদ্রাজ প্রেসিডেন্সীর তিনেভেলী জেলায় একটি গ্রাম। এখানে বিখ্যাত সুরক্কণ্যদেব কার্ত্তিকেয়র মন্দির আছে। ঐ দেবালয় পর্য্যন্ত নিয়মিতরূপে মোটর বাস যাতায়াত করে।

পথ :—সাউথ ইণ্ডিয়ান রেলওয়ে (S. I. R.)

ব্রাঞ্চ লাইন :—বিরুদ্ধনগর—টেনকাশী—সেনকোটা। ষ্টেশন—শঙ্কর
নারায়ণ-কোভিল।

বিবরণ :—(গ) সাণ্ডার, (Sundar) মহীশূরের উত্তর সাণ্ডার
নামক করদ রাজ্যের রাজধানী সাণ্ডার নগরের সন্নিকট একটা
পৰ্বতোপরি কুমার স্বামী কার্তিকেয়র মন্দির আছে।

পথ :—মাদ্রাজ এবং সাদার্ন মারহাট্টা রেলওয়ে (M. & S. M. R)

হাব্‌লি—হসপেট—গুণ্টাকাল লাইন।

ব্রাঞ্চ লাইন :—হসপেট—সামিহালি। ষ্টেশন—রমনচূর্ণ।

(১৬) বাতাপানী।

বিবরণ :—বাতাপানী (Bhutapundi) ত্রিবঙ্গুর রাজ্যে। নাগের-
কয়েলের উত্তর। বিগ্রহ রঘুনাথ।

(১৭) পয়স্বিনী নদী।

বিবরণ :—(ক) পয়স্বিনী নদী (Payaswini River) মাদ্রাজ
প্রেসিডেন্সীর দক্ষিণ কানাড়া জেলায় কুর্গ প্রদেশের সীমান্তে অবস্থিত।
সহাদ্রি হইতে পশ্চিমাভিমুখে প্রবাহিত হইয়া কাসারগাডের নিকট
আরবসাগরে পতিত হইয়াছে। ইহার বর্তমান নাম চন্দ্রগিরি নদী
(Chandragiri River)।

(খ) পয়স্বিনী নদীতীরস্থ মন্দিরে মহাপ্রভু আদিকেশব দর্শন
করিয়াছিলেন। পরলার নদী তীরস্থ তিরুবাত্তুর নামক গ্রামে
আদিকেশবের মন্দির আছে। বোধ হয় শ্রীচৈতন্যচরিতামৃতে কথিত
পয়স্বিনী নদীই এই পরলার নদী। নাগের কয়েল ও ত্রিবেন্দ্রমের মধ্যবর্তী
স্থলে মোটর বাস হইতে নামিয়া তিরুবাত্তুর গ্রামে যাইতে হয়।

(১৮) অনন্ত পদ্ম নাভ ।

বিবরণ :—অনন্তপদ্মনাভ ত্রিবঙ্কুর রাজ্যের অধিষ্ঠাত্রী দেবতা ।
ত্রিবেন্দ্রম সহরে তাঁহার মন্দির । ত্রিবেন্দ্রম (Trivendrum) এর
অপর নাম তিরু অনন্তপুরম্ । ইহা ত্রিবঙ্কুর রাজ্যের রাজধানী ।

মূল মন্দিরের মধ্যে শ্রীশ্রীপদ্মনাভ দেবের অতি বৃহৎ অনন্তশয্যা
শয়ান মূর্তি বিরাজিত । মন্দিরের তিনটি দ্বার । সম্মুখে মণ্ডপম্ ।
মণ্ডপ হইতে দেখিলে প্রথম দ্বারের মধ্য দিয়া পদ্মনাভের শিরোদেশ
ও তাহার উপর শেষ নাগের প্রসারিত ফণা সকল, দ্বিতীয় দ্বারের মধ্য
দিয়া নাভিকমল এবং তৃতীয় দ্বারের মধ্য দিয়া চরণকমল দৃষ্টিগোচর
হয় ।

শ্রীপদ্মনাভদেব ত্রিবঙ্কুর রাজ্যের অধিকারী, ত্রিবঙ্কুরের মহারাজ,
ঠাকুরের সেবায়োৎ । বৎসরে দুইবার মন্দির হইতে সমুদ্রতীর পর্য্যন্ত
শ্রীপদ্মনাভের শোভাযাত্রা হয় ।

প্রতি ছয় বৎসরে মহাসমারোহে প্রায় দুই মাস ব্যাপী ‘মুরাজপম্’
নামে এক উৎসব হন । উৎসবের শেষ দিনে লক্ষ দীপ প্রজ্জ্বলিত করা
হয় ।

পথ :—সাউথ ইণ্ডিয়ান রেলওয়ে (S. I. R)

মনিয়াচি—তিনেভেলী—টেনকাশী—কুইলন — ত্রিবেন্দ্রম লাইন ।
ষ্টেশন—ত্রিবেন্দ্রম ।

পৌরাণিক আখ্যায়িকা :—ত্রিবঙ্কুর রাজ্যে তিরুভল্লম, ত্রিবেন্দ্রম
ও ত্রিঙ্গাপুর নামক স্থানে শ্রীপদ্মনাভ স্বামীর মন্দির আছে । মন্দির
মধ্যে অনন্ত শয্যাশয়ান ভগবান বিষ্ণুর বিগ্রহ বিরাজমান । ত্রিবেন্দ্রম
মাদ্রাজ প্রদেশে ত্রিবঙ্কুর রাজ্যের রাজধানী । তিরুভল্লম গ্রাম ত্রিবেন্দ্রম
সহরের তিন মাইল দক্ষিণে এবং ত্রিঙ্গাপুর গ্রাম ত্রিবেন্দ্রম সহরের

পাঁচ মাইল উত্তরে অবস্থিত। প্রবাদ এই যে, ভগবান অনন্ত পদ্মনাভ স্বামী, তিরুভল্লমের মন্দিরে তাঁহার মস্তক, ত্রিবেঙ্গমের মন্দিরে তাঁহার কলেবর এবং ত্রিঙ্গাপুরের মন্দিরে তাঁহার পদযুগল স্থাপন করিয়া ত্রিবঙ্গুর রাজ্যের অধিষ্ঠাত্রী দেবতা রূপে বিরাজ করিতেছেন।

(১৯) শ্রীজনার্দন ।

বিবরণ :—শ্রীজনার্দন বিগ্রহ। ত্রিবঙ্গুর রাজ্যে ভরকলাই (Varkkallai) নগরে ইহার মন্দির। ভরকলাই ষ্টেশনের প্রায় এক ক্রোশ দূরে পর্বতোপরি সমতল ক্ষেত্রে শ্রীজনার্দন দেবের বিখ্যাত মন্দির। পর্বত গাত্রে উৎকৃষ্ট সোপান আছে। মন্দিরে শ্রীজনার্দন স্বামীর শঙ্খ-চক্র-গদা-পদ্মধারী চতুর্ভুজ বিষ্ণুমূর্তি বিরাজমান।

পর্বতের নিম্নদেশে চক্রতীর্থ নামক সরোবর ; একটা ক্ষুদ্র নিষ্করিণী পর্বত হইতে নির্গত হইয়া ঐ জলাশয়ে পতিত হইয়াছে। ভারত বর্ষের নানা স্থান হইতে তীর্থযাত্রীরা দেবদর্শন করিতে এখানে আগমন করেন।

পথ :—সাউথ ইণ্ডিয়ান রেলওয়ে (S. I. R)

মনিয়াচি—তিনেভেলী—টেনকাশী—কুইলন—ত্রিবেঙ্গম লাইন।
ষ্টেশন—ভরকলাই।

(২০) পরোক্ষী নদী ।

বিবরণ :—(ক) পরোক্ষী নদী (River Purna)—

তাপী পরোক্ষী নির্বিক্র্যা প্রমুখা ঋক্ষ সন্তবাঃ

বিষ্ণুপুরাণ ২ অংশ ৩য় অধ্যায়।

পরোক্ষী নদী সপ্তকুল পর্বতের অন্ততম ঋক্ষ পর্বত হইতে উৎপন্ন হইয়া তাপী (তাপ্তী) নদীর সহিত মিলিত হইয়াছে। বিষ্ণুপর্বতের

পূর্বভাগকে ঋক্ষ পর্বত কহে। ইহা বেরার প্রদেশের নদী। Gawilgarh পর্বত হইতে উৎপন্ন। ইহার বর্তমান নাম পূর্ণা (Purna)।

(খ) পোন্নানী নদী (River Pomani) মালাবার জেলায়। পোন্নানী নগর এডোক্কোলাম স্টেশন (Edlokkolam station) হইতে আট মাইল দূরে পোন্নানী নদীর সাগর সঙ্গমে অবস্থিত।

ওট্টাপলম (Ottapalam) পোন্নানীর ৩০ মাইল পূর্বে, পোন্নানী নদী সন্নিহিত নগর। ওট্টাপলমের নিকটস্থ ত্রিকোণগড় নামক স্থানে শ্রীশঙ্করনারায়ণ (হরিহর) মন্দির অবস্থিত।

পথ :—সাউথ ইণ্ডিয়ান রেলওয়ে (S. I. R)

জালারপেট—পোডানুর—সোরানুর—কালিকাট—মাজ্জালোর লাইন।
স্টেশন—ওট্টাপলম।

(৩৯) সিংহারী মঠ ।

বিবরণ :—সিংহারী মঠ (Sringeri) মহীশূর প্রদেশে। হিন্দু-ধর্ম রক্ষার জন্য ভগবান শ্রীশঙ্করাচার্য্য ভারতের চারিপ্রান্তে চারিটা মঠ স্থাপন করিয়াছিলেন; সিংহারী মঠ তাহাদের একতম। প্রধান শিষ্য চতুষ্টয়কে চারিমঠের আচার্য্য পদে বরণ করেন। ১। উত্তরে, বদরিকায় জ্যোতির্মঠ। ২। পূর্বে, পুরুষোত্তমে গোবর্দ্ধন মঠ। ৩। দক্ষিণে, মহীশূরে শৃঙ্গেরী মঠ। ৪। পশ্চিমে, দ্বারকায় সারদা মঠ।

শৃঙ্গেরীকে শৃঙ্গগিরি বা ঋষ্যশৃঙ্গ গিরি বলা হয়। প্রবাদ আছে এই স্থানে বিভাগুক মুনির আশ্রম ছিল এবং মহর্ষি ঋষ্যশৃঙ্গ এই স্থানে জন্ম পরিগ্রহ করিয়াছিলেন।

পথ :—মাদ্রাজ এবং সাদার্ন মারহাট্টা রেলওয়ে (M & S M R) বাঙ্গালোর সিটি—বিরুর জং—হাবলী—পুনা লাইন।

ব্রাহ্ম লাইন :—বিকর—রাগিহোসাহালি। ষ্টেশন—টারিকিয়ার কিম্বা শিমোগা।

শিমোগা ও টারিকিয়ার ষ্টেশন হইতে মোটর বাস সার্ভিস আছে। উভয়ের দূরত্ব প্রায় ৬০ মাইল।

(৩২) মৎস্যতীর্থ।

বিবরণ :—মৎস্যতীর্থ (Matsyatirtha) কৃতমালা নদীর অনতিদূরে তিরুপারাণ কুণ্ড্রমের ৮১০ মাইল পশ্চিমে অবস্থিত পর্বতোপরি একটা ক্ষুদ্র হ্রদ। এই হ্রদটা মৎস্যে পরিপূর্ণ। সকাল সন্ধ্যায় ঐ হ্রদ হইতে স্তম্ভুর ধ্বনি উথিত হয়।

অন্যমতে মালাবার উপকূলে ফরাসী রাজ্যে মাহি নামক নগর।

পথ :—সাউথ ইণ্ডিয়ান রেলওয়ে (S. I. R)

মাছুরা—মনিয়াচী—টিউটিকরিণ লাইন। ষ্টেশন—তিরুপারানকুণ্ড্রম।

(৩৩) তুঙ্গভদ্রা নদী।

বিবরণ :—তুঙ্গভদ্রানদী (Tungabhadra River) কৃষ্ণানদীর উপনদী। তুঙ্গ ও ভদ্রা নামে দুইটা ক্ষুদ্র নদী মহীশূর রাজ্যে উৎপন্ন হইয়া পরস্পরের সহিত মিলিত হইয়া তুঙ্গভদ্রা নামে বিখ্যাত হইয়াছে। তুঙ্গভদ্রা নদী মাদ্রাজ প্রেসিডেন্সীকে বোম্বাই প্রেসিডেন্সী ও হায়দ্রাবাদ রাজ্য হইতে পৃথক করিয়াছে।

বৃহস্পতি গ্রহ যখন মকর রাশিতে গমন করেন তখন তুঙ্গভদ্রা নদীতে পুষ্কর-যোগ হয়।

(৩৪) উদিপি।

বিবরণ :—উদিপি (Udipi) মাদ্রাজ প্রেসিডেন্সীর দক্ষিণ কানাড়া জেলায় একটা নগর। এখানকার প্রসিদ্ধ শ্রীকৃষ্ণ মন্দির, ধর্মপ্রচারক শ্রীমন্নম্বাচার্যের দ্বারা প্রতিষ্ঠিত। বিগ্রহের নাম উড়ুপ কৃষ্ণ।

উড়ুপকুম্ভ সঙ্ঘন্ধে কিম্বদন্তী আছে যে, কোনও এক বণিকের অর্ণব-পোত, তুলব দেশের সমুদ্রোপকূলে জলমগ্ন হয়। ঐ পোতে গোপীচন্দন মূর্তিকার মধ্যে বালগোপাল মূর্তি লুক্কায়িত ছিল। মধ্বাচার্য্যের প্রতি স্বপ্নাদেশ হওয়ায় তিনি ঐ বালগোপাল মূর্তি লইয়া আসিয়া উদিপি নগরে প্রতিষ্ঠা করেন।

পথ :—মাদ্রাজ এবং সাদার্ণ মারহাট্টা রেলওয়ে (M & S. M. R.)
মাদ্রাজ—সেন্ট্রাল—জালারপেট—বান্দ্রালোর সিটি লাইন।

সাউথ ইণ্ডিয়ান রেলওয়ে (S I. R.)

জালারপেট—বান্দ্রালোর লাইন। ষ্টেশন—বান্দ্রালোর। বান্দ্রালোর হইতে উদিপি পর্য্যন্ত মোটর বাস সার্ভিস আছে।

(৩১) ফল্লুতীর্থ।

বিবরণ :—ফল্লুতীর্থ (Anantapur) মাদ্রাজ প্রেসিডেন্সীর অনন্তপুর জেলায় অবস্থিত ; ইহার অপর নাম ফাল্লুন। শ্রীমদ্ভাগবতের বিখ্যাত টীকাকার শ্রীধর স্বামী ফাল্লুনকে অনন্তপুর বলিয়াছেন। অনন্তপুর, বেলারী নগরের ৫৬ মাইল দক্ষিণ পূর্বে অবস্থিত।

পথ :—মাদ্রাজ এবং সাদার্ণ মারহাট্টা রেলওয়ে (M & S. M. R.)

মাদ্রাজ—রাণিগুন্টা—গুন্টাকাল—রাইচুর লাইন।

গুন্টাকাল—বান্দ্রালোর লাইন। ষ্টেশন—অনন্তপুর।

(৩২) ত্রিতকূপ।

বিবরণ :—ত্রিতকূপ (Trichur) মাদ্রাজ প্রেসিডেন্সীর কোচিন রাজ্যে পশ্চিম উপকূলের সর্কাপেক্ষা পুরাতন নগর। ইহার অপর নাম তিরুশিবপুর। স্থানীয় কিংবদন্তী এই যে পরশুরাম এই নগরের প্রতিষ্ঠা করিয়াছিলেন।

এখানে ভদাকুনাথমের বিখ্যাত মন্দির, পশ্চিম উপকূলের অত্র সকল মন্দির অপেক্ষা প্রাচীন বলিয়াই বিবেচিত হয়।

কেরল দেশের মধ্যে ত্রিচুর পূণ্যভূমি। পরশুরাম স্বয়ং ত্রিচুরে থাকিয়া শিবালয় স্থাপন করেন এবং ঐ স্থানকে তিরুশিবপুর নামে অভিহিত করেন।

পথ :—মাদ্রাজ এবং সাদার্ন মারহাট্টা রেলওয়ে (M. & S. M. R.)

মাদ্রাজ—জালার পেট লাইন।

সাউথ ইণ্ডিয়ান রেলওয়ে (S. I. R.)

জালার পেট—সোরানুর—মাদ্রালোর লাইন।

ব্রাঞ্চ লাইন :—সোরানুর—এরনাকুলাম। ষ্টেশন—ত্রিচুর।

(৩৭) বিশালা।

বিবরণ :—বিশালা (Bisale) মহীশূর রাজ্যের হাসান জেলায় সহ্যাদ্রির মধ্যে অপ্রশস্ত গমন পথ। বিশালা একটা গিরিশঙ্কট।

পথ :—মাদ্রাজ এবং সাদার্ন মারহাট্টা রেলওয়ে (M. & S. M. R.)

মাদ্রাজ—বান্দালোর সিটি লাইন।

ব্রাঞ্চলাইন :—(১) বান্দালোর—মাইশোর (M. & S. M. R.)

(২) মাইশোর—হাসান—আরসিকেরী (My. Ry.) ষ্টেশন—হাসান।

(৩৮) পঞ্চাপুরাতীর্থ।

বিবরণ :—পঞ্চাপুরা তীর্থ (Anantapur) মাদ্রাজ প্রেসিডেন্সীর অনন্তপুর জেলায়। শ্রীমদ্ভাগবতের বিখ্যাত টীকাকার শ্রীধরস্বামী বলেন যে পঞ্চাপুরাতীর্থ ফাল্গুনম্ বা অনন্তপুরের নিকট।

দেবরাজ ইন্দ্র শাতকর্ণিমুনির তপস্থায় ভীত হইয়া তাহার তপস্থা ভঙ্গ

করিবার জন্ত (১) লতা, (২) বুদ্ধদা (৩) সৌরভেয়ী (৪) সমীচী (৫) বর্ণা এই পাঁচটি অঙ্গুরা প্রেরণ করেন। অঙ্গুরাগণ অভিশপ্তা হইয়া কুম্ভীর রূপে যে সরোবরে বাস করেন সেই সরোবরের নাম পঞ্চাঙ্গুরাতীর্থ।

পথ :—(৬৫) ফল্গুতীর্থ দেখুন। ষ্টেশন—অনন্তপুর।

(৬৯) গোকর্ণ।

বিবরণ :—গোকর্ণ (Gokarn) বোম্বাই প্রেসিডেন্সীর উত্তর কানাড়া জেলায়। এখানে মহাবালেশ্বর মহাদেবের মন্দির আছে। এই মন্দিরটা দ্রাবিড় প্রথায় নির্মিত। ইহা একটি প্রসিদ্ধ তীর্থস্থান; অনেক তীর্থকারী এখানে আগমন করিয়া থাকেন।

মহাভারতে ও রামায়ণে গোকর্ণ তীর্থের উল্লেখ আছে। ভগবান শ্রীধনরাম তাঁহার তীর্থ পর্যটনকালে, শিবের সাক্ষাৎ আবাসস্থান এই গোকর্ণ নামক শিবক্ষেত্র দর্শন করিয়াছিলেন।

পথ :—মান্দ্রাজ এবং সাদার্ন মারহাট্টা রেলওয়ে (M & S. M. R) বান্দালোরসিটা—হাবলী—পুনা লাইন। ষ্টেশন—লোণ্ডা জংশন।
লোণ্ডা জংশন হইতে প্রায় ৬০ মাইল দক্ষিণে গোকর্ণ তীর্থ।

(৭০) দ্বৈপায়নী।

বিবরণ :—দ্বৈপায়নী স্থানের নাম নহে; ইহা দেবতার নাম। দ্বৈপায়নী শব্দের অর্থ দ্বীপম্ অয়নম্ যশ্চাঃ সা দ্বৈপায়নী, দ্বীপ বাসিনী। পশ্চিম উপকূলে বোম্বাই ব্যতীত আর কোনও দ্বীপ নাই। স্মরণ্য ঐ দ্বীপের নাম বোম্বাই (Bombay)। দ্বৈপায়নী দ্বীপবাসিনী পার্বতী, ইনি বোম্বাই দ্বীপের অধিষ্ঠাত্রী মুম্বাদেবী। মুম্বাদেবীর নামানুসারে 'বোম্বাই' নামকরণ হইয়াছে।

বোম্বাই, ভারতবর্ষের পশ্চিম উপকূলে অবস্থিত বোম্বাই প্রেসিডেন্সীর রাজধানী ও প্রধান সহর, ইহা একটা প্রসিদ্ধ বন্দর। কাষাদেবী রোড এবং আবদার রহমান ষ্ট্রীটের মিলনস্থলে মুম্বাদেবীর আধুনিক মন্দির বিরাজমান। বোম্বাইএর ভিক্টোরিয়া ষ্টেশনের নিকটে মুম্বা দেবীর পুরাতন মন্দির ছিল।

পথ :— বম্বে—বরদা এবং সেন্ট্রাল—ইণ্ডিয়ান রেলওয়ে (B. B. & C. I. R.) এবং গ্রেট—ইণ্ডিয়ান পেনিনসুলা রেলওয়ে (G. I. P. Ry.) প্রধান ষ্টেশন—বম্বে।

(৭১) সুপারকতীর্থ।

বিবরণ :—সুপারক তীর্থ (Sopara) বোম্বাই প্রেসিডেন্সীর থানা জেলায়। “সুপারকে মাহাত্মা জামদগ্নির পরম রমণীয় পানাগময় সোপান শোভিত বেদী তীর্থ আছে।”

মহাভারত বনপর্ব অষ্টাশীত্ৰিতম অধ্যায়।

পথ :—বম্বে—বরদা এবং সেন্ট্রাল—ইণ্ডিয়ান—রেলওয়ে। (B. B. & C. I. R.)

বম্বে সেন্ট্রাল—বরোদা লাইন। ষ্টেশন—নানা সোপারা।

(৭২) কোলাপুর।

বিবরণ :—কোলাপুর (Kolhapur) বোম্বাই প্রেসিডেন্সীর কোলাপুর রাজ্যে একটা নগর। ইহা একটা প্রাচীন সমাদৃত পবিত্র তীর্থ। এখানে মহালক্ষ্মী দেবীর মন্দির আছে।

পথ :—মাদ্রাজ এবং সাদার্ন মারহাট্টা রেলওয়ে (M. & S. M. R.)

মাদ্রাজ—বাম্বালোর লাইন।

বাম্বালোর—হাবলি—মিরাজ—পুনা লাইন।

ব্রাঞ্চ লাইন :—মিরাজ—কোলাপুর। ষ্টেশন—কোলাপুর।

(৭৩) পাণ্ডুপুর ।

বিবরণ :—পাণ্ডুপুর (Pandharpur) বোম্বাই প্রেসিডেন্সীর শোলাপুর জেলায় ভীমা নদীর দক্ষিণ তীরে অবস্থিত একটি নগর। ভগবান বিষ্ণুর অবতার বিখ্যাত বিঠল দেব বা বিঠোবার মন্দির এখানে বিরাজমান। পাণ্ডুপুর মহারাষ্ট্র দেশের এক প্রসিদ্ধ ও পবিত্র তীর্থস্থান। আমাঢ়ী ও কার্তিকী পূর্ণিমায় অসংখ্য যাত্রী বিঠোবা দর্শনে সমাগত হয়। সুবিখ্যাত মহারাষ্ট্রীয় কবি ও ভক্ত তুকারামের কবিতাবলী বা অভঙ্গ, বিঠোবার স্তুতি গীতে পরিপূর্ণ। শিবাজীর রাজত্ব সময়ে তুকারাম আবিভূত হন।

“দক্ষিণাপথে ভীমানদীর দক্ষিণ তীরে পাণ্ডারপুরে বিথলদেবের একটি মন্দির আছে। বিথল ভক্তের অপর নাম বৈষ্ণববীর। ইহাদের উপাশ্রয় দেবতার নাম পাণ্ডুরঙ্ বিথল ও বিথোবা। ইহারা তাঁহাকে বিষ্ণুর নবম অবতার বুদ্ধদেব বলিয়া বিশ্বাস করে। অতএব ইহাদিগকে বৌদ্ধ বৈষ্ণব বলিয়া উল্লেখ করিলে অসঙ্গত হয় না।”

ভারতীয় উপাসক সম্প্রদায়। ১ম ভাগ, ২৪৪ পৃঃ।

পথ :—গ্রেট্ ইণ্ডিয়ান পেনিনসুলা রেলওয়ে (G. I. P. Ry)

বস্বে—কুরহুওয়াদী—রাইচুর লাইন।

ব্রাঞ্চ লাইন :—কুরহুওয়াদী - পান্ডারপুর—মিরাজ। বারসি লাইট রেলওয়ে (B. L. R)। ষ্টেশন—পান্ডারপুর।

(৭৪, ৭৫) ভীমরথী ও কৃষ্ণবেণী নদী ।

বিবরণ :—ভীমরথী ও কৃষ্ণবেণী নদী (Bhima & Kistna River) কৃষ্ণা নদী মহাবালেশ্বর পর্বত হইতে উৎপন্ন হইয়াছে। ভীমরথী বা ভীমা এবং তুঙ্গভদ্রা এই দুইটি কৃষ্ণার উপনদী। কৃষ্ণা তীর্থ হিসাবে

গঙ্গার মত পুণ্যপ্রদা। স্থানীয় লোকেরা ইহাকে গঙ্গার গায় ভক্তি করে। হিন্দু শাস্ত্রানুসারে কৃষ্ণাও গঙ্গার গায় বিষ্ণু পাদোদ্ভবা। জনসাধারণ এই কৃষ্ণানদীকে গঙ্গামায়ী বলে। কৃষ্ণানদী গঙ্গার গায় দীর্ঘায়তন বিশিষ্ট। কৃষ্ণানদীর তীরে অনেক শিব মন্দির ও তীর্থ আছে; কনক দুর্গার মন্দির তাহাদের অগ্রতম। স্থানীয় হিন্দুগণের এই দেবীর উপর প্রগাঢ় ভক্তি। বৃহস্পতি গ্রহ যখন কন্যারশিতে গমন করেন তখন কৃষ্ণায়, এবং যখন ধনুঃ রাশিতে গমন করেন তখন ভীমায় পুষ্কর-যোগ হয়।

(৭৬) তাপীনদী।

বিবরণ :—তাপী নদী (Tapti River) মহাদেব নামক পর্বতমালা হইতে উৎপন্ন হইয়া পশ্চিমাভিমুখে গমন করিয়া কাষো উপসাগরে পতিত হইয়াছে। পূর্ণা নামে ইহার একটা উপনদী আছে।

তাপী হিন্দুদিগের একটা পুণ্যতোয়া নদী। ইহার তীরে অনেক তীর্থ আছে, তাহাদের মধ্যে ‘অক্ষমালা’ এবং ‘গজতীর্থ’ বিখ্যাত। আষাঢ় মাসে তাপ্তী নদীতে স্নান করিলে বিশেষ পুণ্য হয় যথা :—

“কুরুক্ষেত্র তথাকাল্যাং নর্মদায়ন্থ যৎফলং

তৎফলং নিমেষাক্ষেন তপত্যাষাঢ় সেবনাৎ।”

বিষ্ণুপুরাণ মতে তাপী নদী ঋক্ষ পর্বত হইতে উৎপন্ন হইয়াছে। “তাপী, পয়োষ্ণী নির্বিক্র্যা প্রমুখা ঋক্ষ সম্ভবা” বিষ্ণুপুরাণ ২য় অংশ ৩য় অধ্যায়।

(৭৭) মাহিষ্মতীপুর।

বিবরণ :—মাহিষ্মতীপুর (Maheswar) মহারাজ হোলকারের ইন্দোর রাজ্যের অন্তর্গত একটা নগর। ইহা নর্মদা নদীর উত্তর দিকে অবস্থিত। রামায়ণে এবং মহাভারতে মাহিষ্মতীপুরের উল্লেখ আছে।

“তিনি (সহদেব) তথা হইতে মাহিষ্মতী নগরীতে গমন করিলেন। তথায় মহারাজ নীলের সহিত সহদেবের সৈন্যক্ষয়কর ঘোরতর সংগ্রাম আরম্ভ হইল।” মহাভারত সভাপর্ব ত্রিংশত্তম অধ্যায়।

পথ : - বম্বে বরদা এবং সেন্ট্রাল ইণ্ডিয়ান রেলওয়ে
(B. B. & C. I. R.)

আজমীর—খাণ্ডয়া লাইন। ষ্টেশন—মৌ।

(৭৮) নর্মদা নদী।

বিবরণ :—নর্মদা নদী (Narbada River)

‘নর্মদা সুরসাচ্চাশ্চ নদ্বো বিক্র্যাদ্রি নির্গতাঃ’

বিষ্ণুপুরাণ ২য় অংশ ৩য় অধ্যায়।

নর্মদা গঙ্গার গ্রায় বিষ্ণু পাদোদ্ভবা। অমরকণ্টক পর্বত হইতে উৎপন্ন হইয়া কাশ্মে উপসাগরে পতিত হইয়াছে।

ইহার তীরে অনেক মহাতীর্থ আছে। নর্মদা-সাগরসঙ্গমে স্নান করিলে জন্ম জন্মান্তরের পাপক্ষয় হয়। যখন বৃহস্পতি বৃষ রাশিতে গমন করেন তখন নর্মদা নদীতে পুষ্কর-যোগ হয়।

(৭৯) নর্মদাতীরস্থ তীর্থ।

বিবরণ :—(ক) মাক্হাতা ওঁকারম (Mandhata) মধ্যভারতের নিম্নার জেলায় নর্মদা নদীর দক্ষিণ তীরে অবস্থিত। নর্মদা নদীর এক দ্বীপে ওঁকারেশ্বর মহাদেবের মন্দির আছে। ওঁকারেশ্বর মহাদেব দ্বাদশ জ্যোতির্লিঙ্গের অন্যতম। নর্মদার উত্তরপারে ‘অমরেশ্বর তীর্থ’।

পথ :—বম্বে বরদা এবং সেন্ট্রাল ইণ্ডিয়ান রেলওয়ে।

(B. B & C. I. R.)

আজমীর—খাণ্ডয়া লাইন। ষ্টেশন—বারওয়াহা।

বিবরণ :—(খ) ভেড়াঘাট (Bheraghat)। ইহার অপর নাম

ভৃগুক্ষেত্র। ইহা একটা প্রসিদ্ধ তীর্থ। মধ্য ভারতে জব্বলপুর জেলায় নর্মদা তীরস্থ গ্রাম। বাণগঙ্গা, নর্মদা ও সরস্বতী নদীর সঙ্গমস্থল বলিয়া ইহা ত্রিবেণী সঙ্গম নামে অভিহিত।

ভেড়াঘাটে একটা জলপ্রপাত আছে। ইহার নাম ধুয়াধার। প্রসিদ্ধ মার্বেল পর্বত (Marble rocks) ইহার অতি সন্নিকট, এই স্থান চৌমটি যোগিনী ও গৌরীশঙ্করের মন্দিরের জন্ম বিখ্যাত।

পথ :—গ্রেট ইণ্ডিয়ান পেনিনসুলা রেলওয়ে (G. I. P. Ry)

ষ্টেশন—জব্বলপুর হইতে ১৩ মাইল। ষ্টেশন মীরগঞ্জ, হইতে ২১ মাইল।

(৮০) ব্রহ্মতীর্থ।

বিবরণ :—ব্রহ্মতীর্থ (Broach) বোধ হয় ভৃগুতীর্থ। নর্মদা নদী তীরে নর্মদা সাগর সঙ্গমে ভৃগুতীর্থই বিখ্যাত তীর্থ। ইংরাজিতে ইহাকে ব্রোচ্ কহে। ইহা গুজরাটের ব্রোচ্ জেলায় অবস্থিত। কিংবদন্তী এই যে, এই সহর মহর্ষি ভৃগুদ্বারা প্রতিষ্ঠিত হয়। ইহার নাম ভৃগুপুর বা ভরুয়াকচ্ছ।

পথ :—বম্বে—বরদা এবং সেন্ট্রাল—ইণ্ডিয়ান রেলওয়ে।

(B. B. & C. I. R.)

বম্বে সেন্ট্রাল—বরোদা লাইন। ষ্টেশন—ব্রোচ্।

(৮১) নির্ঝিক্সা নদী।

বিবরণ :—নির্ঝিক্সানদী (Kali Sindh River) বিষ্ণুপুরাণ মতে ঋক্ষপর্বত হইতে উৎপন্ন হইয়াছে।

তাপী পয়োষ্ণী নির্ঝিক্সা প্রমুখা ঋক্ষসম্ভবাঃ

বিষ্ণুপুরাণ ২ অংশ ৩য় অধ্যায়।

বর্তমান কালী সিন্ধু নদী, বিক্র্যপর্বত হইতে উৎপন্ন হইয়া যমুনার উপনদী চম্বলের সহিত মিলিত হইয়াছে।

(৮২) ঋষ্যমুখ পর্বত ।

বিবরণ :—ঋষ্যমুখ পর্বত (Kudramukh) আনিগন্ধি বা আনাগণ্ডী হইতে ৮ মাইল দূরে তুঙ্গভদ্রা নদীর তীরে অবস্থিত। কিষ্কিন্ধ্যা সহরের আধুনিক নাম আনিগন্ধি। ঋষ্যমুখ পর্বতের স্বাভাবিক সৌন্দর্য্য পরম রমণীয়। এই পর্বতে স্মগ্রাব ও হনুমানের সহিত শ্রীরামচন্দ্রের প্রথম সাক্ষাৎ হয়।

“রামচন্দ্র মনোরম পম্পা প্রদেশ পরিক্রম করিতে লাগিলেন। রামলক্ষণ ক্রমে ক্রমে ঋষ্যমুখ পর্বতের সমীপদেশে উপস্থিত হইলেন। সেই সময়ে বানরগণের অধিপতি স্মগ্রীব ঋষ্যমুখে বিচরণ করিতে করিতে তাঁহাদিগকে দেখিতে পাইলেন।” রামায়ণ কিষ্কিন্ধ্যাকাণ্ড প্রথমসর্গ।

পথ :—মাদ্রাজ এবং সাদার্ন মারহাটা রেলওয়ে (M & S. M. R.)

হাওড়া—ওয়ালটীয়ার—বেজওয়াদা—মাদ্রাজ লাইন।

বেজওয়াদা—হসপেট—হাবলী লাইন। ষ্টেশন—হসপেট।

হসপেট ষ্টেশনের ৭ মাইল দূরে হাম্পি। তুঙ্গভদ্রা নদীর দক্ষিণ তীরে হাম্পি এবং উত্তর তীরে ঋষ্যমুখ পর্বত।

(৮৩) দণ্ডকারণ্য ।

বিবরণ :—দণ্ডকারণ্যের (Dandak) বর্তমান নাম খান্দেশ, ইহা পুনা জেলায় অবস্থিত। উত্তরে নর্মদা নদী হইতে দক্ষিণে গোদাবরী নদী পর্য্যন্ত বিস্তৃত অরণ্য প্রদেশের নাম দণ্ডকারণ্য।

অতি পূর্বকালে এখানে দণ্ডক নামে এক রাজা ছিলেন। তিনি ব্রহ্মশাপে পরিবার ও প্রজাবর্গের সহিত ভস্মীভূত হওয়ায় তদীয় রাজত্ব

অরণ্যে পরিণত হয়। তাহার নামানুসারে ঐ ভূভাগের নাম দণ্ডকারণ্য হইয়াছে।

“প্রাচীনকালে বর্তমান মহারাষ্ট্রের অধিকাংশস্থল দণ্ডকারণ্য নামে অভিহিত হইত। ঐ প্রদেশ ভারতবর্ষের দক্ষিণ পশ্চিম কোণে অবস্থিত। উহার উত্তর দিকে সুরাট ও মাতপুরা গিরিশ্রেণী, দক্ষিণে কর্ণাট প্রদেশ, পূর্বদিকে গোণ্ডবন ও ত্রৈলোক্য পশ্চিমে আরব সমুদ্র।”

শরচ্চন্দ্র শাস্ত্রী দক্ষিণাপথ ভ্রমণ।

(৮৪) পম্পাসরোবর।

বিবরণ :—পম্পানদী ঋষ্যমুখ পর্বত হইতে উৎপন্ন হইয়া তুঙ্গভদ্রার সহিত মিলিত হইয়াছে। ইহার সন্নিকটে একটী হ্রদ আছে। তাহার নাম পম্পা সরোবর (Pampa Lake)। পম্পাসরোবরের তীরে পম্পেশ্বরের মন্দির। গ্রহণাদি পর্বদিনে বহুদূর হইতে তীর্থকামীগণ পম্পাসরোবরে স্নানার্থ আসিয়া থাকেন।

“পম্পার তীরে ঋষ্যমুখ নামক বিখ্যাত শৈল রহিয়াছে। মহাত্মা ঋক্ষরাজের পুত্র সৃগীন্দ নামে বিখ্যাত মহাবীর বানর শ্রেষ্ঠ তথায় বাস করেন”।

রাগয়ণ অরণ্যাকাণ্ড ৭৫ সর্গ।

ভারতবর্ষে চারিটা প্রসিদ্ধ পুণ্য সরোবর আছে, যথা দক্ষিণে পম্পাসরোবর, উত্তরে মানস সরোবর (তিব্বতে), পশ্চিমে নারায়ণ সরোবর (কচ্ছদেশে) এবং পূর্বে বিন্দু সরোবর (উৎকলে ভুবনেশ্বর তীর্থে)।

পথ :—(৮২) ঋষ্যমুখ পর্বত দেখুন।

(৮৫, ৮৬) পঞ্চবতী, নাসিক।

বিবরণ :—পঞ্চবতী ও নাসিক (Panchabati & Nasik) বোম্বাই

প্রেসিডেন্সীর নাসিক জেলায় গোদাবরী নদীর উত্তরে পঞ্চবটী এবং দক্ষিণে নাসিক অবস্থিত।

পঞ্চবটী বনে শ্রীরামচন্দ্র সীতা ও লক্ষ্মণের সহিত বাস করিতেন। সুমিত্রা-নন্দন লক্ষ্মণ এইস্থানে সূৰ্পণখার নাক কাটয়া দিয়াছিলেন বলিয়া ইহার নাম নাসিক। বর্তমান সময়ে নাসিক ভারতবাসীর একটা প্রসিদ্ধ তীর্থ। নাসিকে গোদাবরীতীরে অনেক দেবালয় আছে।

পথ :—গ্রেট ইণ্ডিয়ান পেনিনসুলা রেলওয়ে (G. I. P. Ry)

বন্দে—কল্যান—ভূমাতাল জং লাইন। ষ্টেশন—নাসিক রোড।

(৮৭) ত্রম্বক।

বিবরণ :—ত্রম্বক (Trimhak) বোম্বাই প্রেসিডেন্সীর নাসিক জেলায় গোদাবরী নদীর তীরে অবস্থিত। ইহা হিন্দুদিগের একটা তীর্থস্থান। “ত্রম্বকং গোমতী তটে।” এখানে ‘ত্রম্বকেশ্বর’ মহাদেব দ্বাদশ জ্যোতির্লিঙ্গের অন্যতম শিবলিঙ্গ বিরাজমান।

বার বৎসর অন্তর যখন বৃহস্পতিগ্রহ সিংহ রাশিতে গমন করেন তখন গোদাবরীতে কুম্ভ-যোগ হয়।

১। হরিদ্বার ২। প্রয়াগ ৩। উজ্জয়িনী ৪। গোদাবরীতট নাসিক, এই চারি স্থানে কুম্ভ-যোগ হইয়া থাকে। প্রত্যেক স্থানে ঠিক বার বৎসর অন্তর কুম্ভমেলা হয়।

পথ :—ষ্টেশন—নাসিক রোড্। (৮৫) নাসিক দেখুন।

(৮৮) ব্রহ্মগিরি।

বিবরণ :—ব্রহ্মগিরি (Brahmagiri) পর্বত বোম্বাই প্রেসিডেন্সীর নাসিক জেলায় ত্রাম্বকের নিকট। এই পর্বত হইতে গোদাবরী নদী উৎপন্ন হইয়াছে।

(৮৯) কুশাবর্ত্ত ।

বিবরণ :—কুশাবর্ত্ত (Kushabarta) সরোবর ত্র্যম্বকের নিকট নাসিক হইতে ২১ মাইল দূরে অবস্থিত ।

(৯০) সপ্ত গোদাবরী ।

বিবরণ :—গোদাবরীর স্রোত দুই অংশে বিভক্ত, উত্তর ও দক্ষিণ । উত্তর স্রোতের নাম গৌতমী, দক্ষিণের নাম বিশিষ্টা । গৌতমী হইতে তুল্যা, আত্রৈয়ী ও ভারদ্বাজী এবং বিশিষ্টা হইতে বৃদ্ধা গৌতমী ও কৌশিকী নামে শাখা প্রবাহিতা । এই তিন শাখা সমন্বিতা গৌতমী ও দুই শাখা সমন্বিতা বিশিষ্টা সপ্ত গোদাবরী নামে প্রখ্যাতা ।

প্রত্যেক শাখার সঙ্গম স্থান মহাপুণ্যপ্রদ । যেখানে সপ্ত শাখা সাগরে মিলিত হইয়াছে সেই স্থানের নাম সপ্ত গোদাবরী (Seven Godavari) সাগর সঙ্গম ইহা অতি পুণ্য তীর্থ ।

ইহার এক শাখা কোকনদ বন্দরের নিকট বঙ্গোপসাগরে মিলিত হইয়াছে । কথিত আছে শ্রীমন্তসদাগর সিংহল যাইবার সময় এই সঙ্গম স্থলে জগজ্জননী কমলে কামিনীর সাক্ষাৎ পাইয়াছিলেন ।

সপ্ত গোদাবরী সঙ্গম উৎপত্তির বিষয় ও তাহার মাহাত্ম্য ব্রহ্মাণ্ড পুরাণাস্তর্গত গৌতমী মাহাত্ম্যে আছে—

তুল্যাত্রৈয়ী ভারদ্বাজী গৌতমী বৃদ্ধগৌতমী ।

কৌশিকী চ বিশিষ্টা চ সপ্তভাগাঃ প্রকীর্তিতাঃ

চেষাং নামানি মুনিভিনির্দিষ্টানি স্বনামভিঃ ॥

পথ :—মাদ্রাজ এবং সাদার্ন মারহাট্টা রেলওয়ে (M. & S. M R) স্টেশন—গোদাবরী ।

ষষ্ঠ পরিচ্ছেদ

উপসংহার

মহাপ্রভুর দক্ষিণাপথ তীর্থ-পযাটন কথা শেষ হইল। এই তীর্থ ভ্রমণ তাহার কৃষ্ণনাম প্রচার করিয়া এবং কৃষ্ণ-প্রেমভক্তি বিলাইয়া জগতের লোককে পরিভ্রাণ করিবার লীলার এক অংশ মাত্র।

“মথুরাতে পাঠাইল রূপ সনাতন।
তুই সেনাপতি কৈল ভক্তি-প্রচারণ ॥
নিত্যানন্দ গোসাঁঞকে পাঠাইলা গোড়দেশে।
তেহো ভক্তি প্রচারিল অশেষ-বিশেষে ॥
আপনি দক্ষিণ-দেশে করিলা গমন।
গ্রামে গ্রামে কৈল কৃষ্ণনাম প্রচারণ ॥
সেতুবন্ধ পর্য্যন্ত কৈল ভক্তির প্রচার।
কৃষ্ণপ্রেম দিয়া কৈল সবারে নিস্তার ॥” আদি, সপ্তম।

তিনি এই তীর্থ-ভ্রমণ ব্যপদেশে আপনার অকুমোদিত ধর্ম-প্রচার করিয়া লোকশিক্ষা দিয়াছিলেন। তিনি এই ধর্ম-প্রচার করিবার জন্য কোথায়ও বক্তৃতা করেন নাই অথবা উপযাচক হইয়া কাহারও সহিত শাস্ত্রবিচারে প্রবৃত্ত হন নাই। তাঁহার ধর্ম-প্রচার পদ্ধতি, তাঁহার শিক্ষাদিবার প্রণালী সম্পূর্ণ নূতন এবং মৌলিক। শিক্ষাদিবার এরূপ সুন্দর উপায় কেহ আবিষ্কার করিতে পারেন নাই। তাঁহার শিক্ষাদিবার প্রধান সূত্র—

“আপনি করিব ভক্তভাব অঙ্গীকারে।
আপনি আচরি ভক্তি শিখামু সবারে ॥
আপনি না কৈলে ধর্ম শিখান না যারে।
এই ত সিদ্ধান্ত গীতা ভাগবতে গায় ॥” আদি, তৃতীয়।

প্রভু ভক্তভাব অঙ্গীকার করিয়া শিক্ষার্থীর গায় ধর্মোচরণ করিয়া-
ছিলেন ; নিজের ধর্মজীবনের উজ্জ্বল দৃষ্টান্ত আবাগবৃদ্ধবনিতার সম্মুখে
স্থাপন করিয়াছিলেন । তাহার ধর্মজীবনের সৌন্দর্য্য এবং মাধুর্য্য অবলোকন
করিয়া, গুণমুক্ত ও চরণাশ্রিত ভক্তগণের অঙ্কুরে প্রেরণা দিয়া আপনার
অভিলাষানুযায়ী ধর্মশিক্ষা প্রদান করিয়াছিলেন । প্রভু সর্বশাস্ত্রবেত্তা
হইয়াও লোকশিক্ষা দিবার অভিপ্রায়ে রাজা রামানন্দ রায়ের নিকট তত্ত্ব
জিজ্ঞাসু হইয়াছিলেন । একদিকে তিনি জনসাধারণকে দেখাইলেন কিরূপে
শিক্ষার্থীকে শিক্ষা করিতে হয় ; কিরূপ আগ্রহ ও বিনয়ের সহিত শিক্ষা-
দাতার নিকট তত্ত্ব সংগ্রহ করিতে হয় । আবার অপরদিকে তাহার
পরিকল্পিত উপদেষ্টা রাজা রামানন্দ রায়ের হৃদয়মধ্যে অন্তর্যামীরূপে অধিষ্ঠিত
হইয়া, সেই সেই তত্ত্ব পরিশুট করিয়া দিয়া তাহারই প্রশ্নের উত্তর রাজা
রামানন্দ রায়ের মুখ হইতে বাহির করিয়াছিলেন । রাজা রামানন্দ রায়
বলিয়াছেন—

“কৃষ্ণতত্ত্ব রাধা তত্ত্ব প্রেমতত্ত্ব সার ।

রসতত্ত্ব লীলাতত্ত্ব বিবিধ প্রকার ॥

এত তত্ত্ব মোর চিত্তে কৈলে প্রকাশন ।

ব্রহ্মারে বেদ যেন পড়াইল নারায়ণ ॥

অন্তর্যামী ঈশ্বরের এই স্বীতি হয় :

বাহিরে না কহে, বস্তু প্রকাশে হৃদয় ॥” গদ্য, অষ্টম ।

সংকীর্তন প্রার্থক শ্রীকৃষ্ণচরণ চরিতাম প্রচার করিবার জন্ত এবং
প্রেমভক্তি শিক্ষাদিবার জন্ত নবদ্বীপে অবতীর্ণ হইয়াছিলেন ।

“নাম সংকীর্তনে হয় সর্বানর্থ নাশ ।

সর্ব শুভোদয় কৃষ্ণে প্রেমের উল্লাস ॥” অন্ত্য, বিংশ ।

প্রভু, ভক্তগণসমভিব্যাহারে নাম সংকীর্তন করিতে করিতে, কৃষ্ণলীলামৃত-রস

আস্বাদন করিতেন । ইহার ফলে তাঁহার অন্তঃকরণমধ্যে যাবতীয় অলৌকিক ভাবের উদ্বেক হইত এবং তিনি চিরবাহিত কৃষ্ণপ্রেমের উল্লাসে বিভোর হইয়া যাইতেন । তিনি ভক্তগণকে উপদেশ দিতেন,

“ভারত ভূমিতে হৈল মনুষ্যজন্ম যার ।

জন্ম সার্থক করি কর পর উপকার ॥” আদি, নবম ।

নিজে ইহার অনুসরণ করিয়া, ভক্তগণের কল্যাণার্থে সকলকে কৃষ্ণনামামৃত পান করাইতে করাইতে, তাহাদের হৃদয়মধ্যে অনুরাগাদি স্থায়ীভাবের সঞ্চার করিয়া দিয়া প্রেমানন্দ লাভ করিতে শিক্ষা দিয়াছিলেন ।

‘রাগমার্গে ভক্ত ভক্তি করে যে প্রকারে ।

তাহা শিখাইল লীলা আচরণ দ্বারে ॥” আদি, চতুর্থ ।

যখন প্রভু জন্মপরিগ্রহ করিয়াছিলেন, জনসাধারণ চন্দ্রগ্রহণ উপলক্ষ করিয়া তাঁহারই প্রেরণায় হরিনাম সঙ্কীৰ্ত্তন করিয়াছিল । এবং তিনি স্বয়ং কি শৈশবে, কি যৌবনে, কি গার্হস্থ্যাশ্রমে, কি সন্ন্যাসধৰ্ম্ম অবলম্বন করিয়া সকল সময়ে কৃষ্ণকথা প্রচার করিয়াছিলেন । তিনি নিজে হরি-গুণগান করিতে করিতে ভাবে বিভোর হইয়া যাইতেন ; সুদক্ষ অভিনেতার ন্যায় আচার ব্যবহারে আপনার অন্তর্নিহিত ভাবগুলি প্রকাশ করিয়া, ভক্তগণের হৃদয়ে সেই সেই ভাবের বিকাশ করিয়া দিতেন ; পরিশেষে তাহাদের সহিত কৃষ্ণপ্রেমানন্দ উপভোগ করিতেন ।

শ্রীমৎ কবিরাজ গোস্বামী, প্রভুর লীলা এবং তাহার নিজের কৃষ্ণনামামৃত আস্বাদন ব্যপদেশে লোকদিগকে কৃষ্ণ প্রেমরসাস্বাদন শিক্ষা, সূত্রাকারে এইরূপ বর্ণনা করিয়াছেন ।

“ফাল্গুনপূর্ণিমা-সন্ধ্যায় প্রভুর জন্মোদয় ।

সেইকালে দৈবযোগে চন্দ্রগ্রহণ হয় ॥

হরি হরি বলে লোক হরষিত হঞা ।
 জন্মিলা চৈতন্যপ্রভু নাম জন্মাইয়া ॥
 জন্ম বাল্য পৌগণ্ড কৈশোর যুবাকালে ।
 হরিনাম ল'ওয়াইলা প্রভু নানা ছলে ॥
 বাল্য-বয়স যাবৎ হাতে খড়ি দিল ।
 পৌগণ্ড-বয়স যাবৎ বিবাহ না কৈল ॥
 বিবাহ করিলে হৈল নবান যৌবন ।
 সর্বত্র ল'ওয়াইল প্রভু নাম-সংকীৰ্ত্তন ॥
 পৌগণ্ডবয়সে পড়েন পড়ান শিষ্যগণে ।
 সর্বত্র করেন কৃষ্ণনামের ব্যাখ্যান ॥
 যারে দেখে তারে কহে কহ কৃষ্ণনাম ।
 কৃষ্ণনামে ভাসাইল নবদ্বীপগ্রাম ॥
 কিশোর-বয়সে আরম্ভিলা সংকীৰ্ত্তন ।
 রাত্রিদিনে প্রেমে নৃত্য সঙ্গে ভক্তগণ ॥
 নগরে নগরে ভ্রমে কীৰ্ত্তন করিয়া ।
 ভাসাইল ত্রিভুবন প্রেমভক্তি দিয়া ॥
 চব্বিশ বৎসর এছে নবদ্বীপগ্রামে ।
 ল'ওয়াইল সর্বলোকে কৃষ্ণপ্রেম নামে ॥
 চব্বিশ বৎসর ছিলা করিয়া সম্যাস ।
 ভক্তগণ ল'ঞা কৈলা নীলাচলে বাস ॥
 তার মধ্যে নীলাচলে ছন্ন বৎসর ।
 নৃত্য গীত প্রেমভক্তি-দান নিরন্তর ॥
 সেতুবন্ধ আর গৌড় ব্যাপি বৃন্দাবন ॥
 প্রেমনাম প্রচারিয়া করিলা ভ্রমণ ॥

এই মধ্য-লীলা নাম লীলার মুখ্য-ধাম ।
 শেষে অষ্টাদশ বর্ষ অন্তলীলা নাম ॥
 তার মধ্যে ছয় বর্ষ ভক্তগণ সঙ্গে ।
 প্রেমভক্তি লওয়াইল নৃত্যগীত সঙ্গে ॥
 ছাদশ বৎসর শেষ রছিল। নীলাচলে ।
 প্রেমাবস্থা শিখাইলা আশ্বাদনচ্ছলে ॥
 রাত্রি-দিবসে কৃষ্ণ-বিরহ-স্ফুরণ ।
 উন্মাদের চেষ্টা করে প্রলাপ-বচন ॥
 শ্রীরাধার প্রলাপ যৈছে উদ্ধব-দর্শনে ।
 সেইমত উন্মাদ প্রলাপ করে রাত্রি-দিনে ॥
 বিজাপতি জয়দেব চণ্ডিদাসের গীত ।
 আশ্বাদেন রামানন্দ স্বরূপ সহিত ॥” আদি, ত্রয়োদশ ।

প্রভুর দক্ষিণাপথ তীর্থ-পর্যটন এক অলৌকিক ঘটনা । কবিরাজ
 গোস্বামী বলিয়াছেন—

“দক্ষিণ গমন প্রভুর অতি বিলক্ষণ ।
 সহস্র সহস্র তীর্থ কৈল দর্শন ॥
 সেই সব তীর্থস্পর্শি মহাতীর্থ কৈল ।
 সেই ছলে সেই দেশের লোক নিস্তারিল ॥” মধ্য, নবম ।

শ্রীমদ্ভাগবতে বলদেবের তীর্থযাত্রা বিবরণে দক্ষিণ দেশের ৩২টি তীর্থ-
 স্থানের উল্লেখ আছে । প্রভু সকলগুলিতেই পদার্পণ করিয়াছিলেন ।
 রামায়ণ এবং মহাভারতেও অনেক তীর্থ স্থানের কথা আছে । দক্ষিণদেশের
 তীর্থ সকল অতি পুরাতন, পবিত্র ও পূণ্যময় ; ঋষি ও হিন্দুরাজদিগের
 অক্ষয় কীর্তি । আবহমানকাল হইতে অনেক সাধুসন্ন্যাসী ঐ সকল তীর্থ

দর্শন করিতে সমাগত হইয়াছিলেন কিন্তু মহাপ্রভুর পাদম্পর্শে ঐ সকল তার্থের মাহাত্ম্য প্রচুরপরিমাণে বর্দ্ধিত হইয়াছিল।

মহাপ্রভুর তীর্থ-পর্যটন এক অপার্থিব ব্যাপার। ইহার পূর্বে এরূপ ব্যাপার পৃথিবীর কোনও স্থানে কোনও কালে সংঘটিত হয় নাই। এরূপ বিরাট ব্যাপার যে হইতে পারে তাহাও কেহ কল্পনা করিতে পারে নাই। তিনি খাহা করিয়াছিলেন তাহা কেবল তাহার পক্ষেই সম্ভব। তিনি বিশ্বসংসার প্রেমে ভরাইয়া তাহার বিশ্বস্তুর নাম ধারণ সার্থক করিয়াছিলেন। প্রভু বলিয়াছিলেন :—

“জগৎ ভরিয়া আমার হবে পুণ্য-খ্যাতি।

সুখী হৈয়া লোক গোর গাইবেক কীর্তি ॥ আদি, নবম।

তিনি তাহার অপরিমিত দয়া, অনন্ত বিশ্বজনীন প্রেম, অবিরলধারে বিশ্ব-সংসারে বর্ষণ করিয়া পবিত্র, অন্তঃপন্ন আনন্দরসে যাবতীয় জীবহৃদয় আপ্ত করিয়াছিলেন। তাহার কৃপায় ভগবৎ-প্রেম-তরঙ্গ দেশের একপ্রান্ত হইতে উখিত হইয়া, অপরপ্রান্ত পর্যন্ত বিপুল আকার ধারণ করিয়া প্রবাহিত হইয়াছিল। সেই প্রেম-প্রবাহ রোধ করিবার কাহারও সামর্থ্য ছিল না। সকলকে সেই স্রোতে ভাসিয়া বাইতে হইয়াছিল।

“সর্বলোক মত্ত হইল আপন সমান।

প্রেমে মত্ত লোক বিনা নাহি দেখি আন ॥” আদি, নবম।

এই প্রেম-প্রবাহ জাতি-ধর্ম-বর্ণ-বিচ্ছিন্ন নির্বিশেষে সকলকে বিহ্বল করিয়া তুলিয়াছিল। রাধিকার ভাব-কান্তি অঙ্গীকার করিয়া ব্রজের নিগূঢ় রসাস্বাদন করিবার জন্যই তাহার এ ধরাধামে অবতরণ। নিজে যাবতীয় রস পরমপরিতোষসহকারে উপভোগ করিতে করিতে প্রেমানন্দঘন রূপ পরিগ্রহ করিয়া ত্রিভুবন প্রেমময় করিয়াছিলেন। এখনও সেই কীর্তি দক্ষিণাপথের তীর্থ সকল ঘোষণা করিতেছে।

প্রভু জনসাধারণের দেবদর্শন আকাঙ্ক্ষা, উল্লাস, উৎসাহ বৃদ্ধি করিবার জন্য, দেবদর্শন করিতেই দক্ষিণাপথ তীর্থ-ভ্রমণে বহির্গত হন : তিনি পুনঃ পুনঃ বলিতেন কৃষ্ণ, কৃষ্ণনাম এবং কৃষ্ণ বিগ্রহে কোন ভেদ নাই ।

নাম বিগ্রহ স্বরূপ তিন একরূপ ।

তিনে ভেদ নাহি তিন চিদানন্দরূপ ॥ মধ্য, সপ্তদশ ।

বস্তুতঃ দেববিগ্রহ দর্শন করিতে তাঁহার অলৌকিক আগ্রহ ছিল । তিনি প্রাণ ভরিয়া শ্রীকৃষ্ণদেব, মল্লিকার্জুন, নৃসিংহদেব, লক্ষ্মীনারায়ণ, শ্রীরঙ্গদেব, রঘুনাথ, শ্রীরামলক্ষ্মণ, আদিকেশব, অনন্তপদ্মনাভ, শ্রীজনাদন, শঙ্কর-নারায়ণ, দ্বৈপায়নী, বিঠ্ঠলদেব প্রভৃতি বিগ্রহ দর্শন করিয়াছিলেন ; দেবতার গুণগান করিতে করিতে তন্ময় হইয়া সকলকে মাতাইয়া দিয়াছিলেন । তিনি স্বয়ং দক্ষিণাপথবাসী নরনারীগণকে কিরূপ ব্যাকুলতার সহিত, কিরূপ তন্ময়তার সহিত দেবমূর্তি দর্শন করিতে হয়, কিরূপে দর্শন করিলে শরীরে সাত্ত্বিক ভাব সকলের উদয় হইয়া প্রেমভক্তি লাভ হয়, তাহাই শিক্ষা দিয়াছিলেন । প্রভু একদিকে জ্ঞানদৃষ্টি পণ্ডিতগণের সহিত শাস্ত্রবিচার করিয়া, তাঁহাদিগকে তাঁহাদিগের ভ্রম প্রদর্শন করাইয়া কৃষ্ণভক্তিমস্ত্রে দীক্ষিত করিয়াছিলেন ; আবার অপরদিকে নিজে কৃষ্ণপ্রেমে বিভোর হইয়া দেবতার সম্মুখে নর্ত্তন কীর্ত্তন করিতে করিতে আপামরজনসাধারণকে কৃষ্ণপ্রেমে মাতোয়ায়া করিয়া দিয়াছিলেন । কৃষ্ণপ্রেমলাভই মনুষ্যজীবনের পরম পুরুষার্থ, ইহাই প্রতিপন্ন করিয়া কৃষ্ণপ্রেমে অনুপ্রাণিত করিবার জন্ত দক্ষিণাপথ তীর্থ-পর্যটন করেন ।

মহাপ্রভুর তীর্থ-পর্যটন কালে যাহারা তাঁহার দর্শনলাভ করিয়াছিলেন এবং যাহারা তাঁহার শ্রীমুখারবিক-নিঃসৃত হরিনাম গান শ্রবণ করিয়াছিলেন, তাঁহারা সকলেই কৃষ্ণপ্রেম লাভ করিয়া মহাভাগবত হইয়া গিয়াছিলেন ।

শ্রীঅঙ্গ শ্রীগুণ য়েই করে দরশন ।

তার পাপ ক্ষয় হয়, পায় প্রেমধন ॥ আদি, তৃতীয় ।

এবং ইহার অবশ্যস্বামী ফল গানসচক্ষে আপনাপন ইষ্টদেবতার মূর্ত্তি সন্দর্শন করিবার শক্তি লাভ করিয়াছিলেন ।

“মহাভাগবত্বে দেখে স্থাবর-জঙ্গম ।

তাঁহা তাঁহা হয় তার শ্রীকৃষ্ণ-স্মরণ ॥

স্থাবর-জঙ্গম দেখে না দেখে তার মূর্ত্তি ।

সর্বত্র হয় তার ইষ্টদেবে স্মৃতি ॥” মধ্য, নবম ।

তিনি দক্ষিণ ভারতের তীর্থে তীর্থে বিগ্রহদর্শন করিয়া দেবতার সম্মুখে নর্ত্তন-কৌর্ত্তন করিতে করিতে আবালবৃদ্ধবনিতাকে শিখাইলেন কি করিয়া দেবপ্রতিমা দর্শন করিতে হয় । প্রস্তর, মৃন্ময় অথবা ধাতু মূর্ত্তির ভিতর শ্রীকৃষ্ণস্মরণ বা ইষ্টদেব দর্শন করিবার পন্থা ও কৌশল শিখাইয়া দিলেন । তিনি অজ্ঞান-ভ্রমিরাচ্ছন্ন মানবের নয়নাবরণ উন্মোচন করিয়া দিয়া দেবতার অন্তর্নিহিত বিশ্বরূপ দেখিবার অধিকারী করিয়াছিলেন । তিনি একটীও বাক্যব্যয় না করিয়া, কোনরূপ বাদানুবাদ না করিয়া স্বয়ং কৃষ্ণপ্রেম দ্বারা অভিভূত হইয়া, এবং কৃষ্ণপ্রেমে তন্ময় হইয়া দেখাইলেন কৃষ্ণপ্রেম কি ?

প্রভুর কৃষ্ণপ্রেম অবলোকন করিয়া সমাগতজনমণ্ডলী চমৎকৃত হইয়াছিল । তাহাদের হৃদয়মন্দিরও কৃষ্ণপ্রেমে ভরিয়া গেল । পরিশেষে কৃষ্ণপ্রেম উচ্ছলিত হইয়া জলপ্রাবনের গায় সমস্তদেশ প্রাবিত করিয়া দিয়াছিল ।

“প্রেমাবেশে হাসি কান্দি নৃত্যগীত কৈলা ।

দেখি সর্বলোকের চিত্তে চমৎকার হৈলা ॥

আশ্চর্য্য শুনি সবলোক আইল দেখিবারে ।

প্রভু-রূপ-প্রেম দেখি হৈল চমৎকারে ॥

দর্শনে বৈষ্ণব হৈলা বলে কৃষ্ণ হরি ।
 প্রেমাবেশে নাচেলোক উদ্ধবাহু করি ॥
 কৃষ্ণনাম লোক মুখে শুনি অবিরাম ।
 সেই লোক বৈষ্ণব কৈল অণু সব গ্রাম ॥
 এই মত পরম্পরায় দেশ বৈষ্ণব হৈল ।
 কৃষ্ণ নামামৃত-বণায় দেশ ভাসাইল ॥” গদ্য, সপ্তম ।

মহাপ্রভু শ্রীভগবানের উপর নির্ভর করিয়া

“রাম রাঘব ! রাম রাঘব ! রাম রাঘব ! পাহিগাম্ ।

কৃষ্ণ কেশব ! কৃষ্ণ কেশব ! কৃষ্ণ কেশব ! রক্ষ মাং ॥”

এই শ্লোক পাঠ করিতে করিতে তীর্থ-পর্যটনে বহির্গত হইয়াছিলেন । তিনি নিঃসঙ্কে একজনমাত্র সহচরসমভিব্যাহারে সমস্ত দক্ষিণদেশ পরিভ্রমণ করিয়াছিলেন । প্রভু, হিংস্রজন্তুসমাকুল কত বিজন অরণ্য, কত দুারারোহ পর্বতমালা অতিক্রম করিয়াছিলেন ; কোথাও কাহারও সাহায্য প্রার্থনা করেন নাই ; কাহারও মুগাপেক্ষী হন নাই । শ্রীভগবান রক্ষাকর্তা এই বিশ্বাস সর্বদা তাঁহার হৃদয়-মধ্যে জাগরুক থাকিত ।

প্রভু যাবতীয় জীবের সহিত মিত্র ব্যবহার করিয়াছিলেন কাহারও সহিত অযোগ্য ব্যবহার করেন নাই । শ্রীরঙ্গধামে ব্রাহ্মণের গীতাপাঠ শুদ্ধ হওয়ার অণু তাহাকে উপহাস করিলেও, প্রভু ব্রাহ্মণের ঐকান্তিকতা দর্শন করিয়া ব্রাহ্মণকে আলিঙ্গন পূর্বক বলিয়াছিলেন, “তোমারই গীতাপাঠে অধিকার আছে এবং তোমারই গীতাপাঠ সার্থক ।” শ্রীরঙ্গধামে বেকটভট্টের সহিত সখার গায় হাস্য-পরিহাস করিয়া কালযাপন করিয়াছিলেন ।

প্রভু পরদুঃখকাতর, সহানুভূতি-পরায়ণ বলিয়া দক্ষিণমথুরার রামভক্ত ব্রাহ্মণের সীতাহরণ জনিত ক্ষোভ অপনোদন করিবার জন্ম রামেশ্বরের

বিপ্রসভায় সংগৃহীত কুর্মপুরাণের পত্রখানি লইয়া পুনরায় দক্ষিণমথুরায় আগমন করতঃ ব্রাহ্মণকে সেই পত্রখানি অর্পণ করিয়াছিলেন।

তাঁহার শত্রুগিত্রে কোনও ইতরবিশেষ ছিল না। বৌদ্ধগণ তাঁহাকে অপমান করিবার জন্য অপবিত্র অন্নপূর্ণ পাত্র আনিয়া বিষ্ণুপ্রসাদ বলিয়া তাঁহার সম্মুখে রক্ষা করিলে এক বৃহদাকার পক্ষী আসিয়া সেই থালি লইয়া গেল। দৈবাৎ সেই থালি বৌদ্ধাচার্যের মস্তকোপরি পতিত হইলে তিনি মুর্ছিত হইয়া ধরাশায়ী হন এবং শিষ্যগণ হাহাকার করিতে করিতে প্রভুর শরণাপন্ন হয়। তখন প্রভু কোনওরূপ বিদ্বেষভাব না দেখাইয়া শিষ্যগণকে আচার্য্যদেবের কর্ণে উচ্চৈঃস্বরে কৃষ্ণনাম করিতে উপদেশ দিয়াছিলেন।

তিনি সর্বত্যাগী সন্ন্যাসী, শরীরধারণের উপযোগী শিক্ষাগ্রহণ ব্যতীত অন্য কোনও দ্রব্য পরিগ্রহ করেন নাই। তিনি ফলাকাঙ্ক্ষা ও কর্তৃত্বাভিমান বর্জন করিয়া, সিদ্ধি অসিদ্ধি, সুখ দুঃখ, মান অপমান, শীত গ্রীষ্ম, নিন্দা স্তুতি, কল্যাণ অকল্যাণ সর্বতোভাবে পরিত্যাগ পূর্বক, ভগবানে মনোবুদ্ধি অর্পণ করিয়া সন্তুষ্টাচতে তীর্থ-পর্যটন করিয়াছিলেন। বস্তুতঃ শ্রীগোবিন্দদেব শ্রীমদ্ভগবদ্গীতার দ্বাদশঅধ্যায়ে বর্ণিত ভক্তের লক্ষণনিচয় শ্রীঅঙ্কের ভূষণ করতঃ, আদর্শ ভগবদ্ভক্তের ন্যায় তীর্থ-পর্যটন করিতে করিতে স্বকীয় আচরণ ও দৃষ্টান্ত আপামরজনসাধারণের গোচর করিয়া, ভক্তিতত্ত্ব, প্রেমতত্ত্ব প্রচার করিয়াছিলেন। ধর্মের গ্লানি এবং অধর্মের প্রাদুর্ভাব দেখিয়া, সাধুদিগকে রক্ষা করিবার জন্য এবং পাপীদিগকে শাসন করিবার জন্য মানবদেহ ধারণ পূর্বক যুগাবতার শ্রীকৃষ্ণচৈতন্য ভারতভূমিতে অবতীর্ণ হইয়াছিলেন।

“কলিযুগে যুগধর্ম নামের প্রচার।

তথি লাগি পীতবর্ণ চৈতন্য অবতার ॥” আদি, তৃতীয়।

নিত্যানন্দ, রূপ, সনাতন প্রভৃতি সেনাপতি এবং বিপুল ভক্ত-সেনা-
বাহিনীর সাহায্যে, কৃষ্ণনাম ও কৃষ্ণভক্তি প্রচাররূপ জয়চক্কা বাজাইতে
বাজাইতে, হরিনাম সংকীৰ্ত্তনরূপ তুরীধ্বনিতে দিগন্ত প্রতিধ্বনিত করতঃ,
রাধাকৃষ্ণ-প্রেম-পতাকা উডডয়ন করিয়া, শান্তিখড়া করে লইয়া, দয়াময়
গৌরহরি কৃষ্ণভক্তি-হীন নরগণের হৃদয়স্থিত অজ্ঞান-অশ্বর নিধনার্থে অগ্রসর
হইয়াছিলেন। কোনও রূপ প্রাণীহিংসা না করিয়া, এমন কি বিন্দুমাত্র
রক্তপাত না করিয়া, শ্রীতিশৃঙ্খলে আততায়ীগণকে সুদৃঢ় বন্ধন পূর্বক,
কৃষ্ণমস্ত্রে দীক্ষাগ্রহণরূপ সন্ধিপত্রে স্বাক্ষর করাষ্টয়া লইয়া, বিজয়োল্লাসে
কৃষ্ণভক্তি, কৃষ্ণপ্রেমধন বিলাইতে বিলাইতে আপনার অভীষিত বৈষ্ণব
ধর্মের প্রতিষ্ঠা করিয়াছিলেন এবং মানবের পরিত্রাণ পথ প্রশস্ত ও
পরিষ্কার করিয়া দিয়াছিলেন।

“বন্দে তপ্তস্বর্ণাভং ফুল্লারবিন্দলোচনম্ ।
অস্তঃকৃষ্ণং বহির্গৌরং সুন্দরং শচীনন্দনম্ ॥
রাধাকাঙ্ক্ষিধরং দেবং রাধাভাবসমন্বিতম্ ।
পাতকীভারণং বন্দে চৈতন্যচরণাম্বুজম্ ॥
সদাসত্ত্ব গুণাধারং সর্বভূতহিতে রতম্ ।
ভক্তচূড়ামণিং বন্দে কলিকল্মষহারিণম্ ॥
সংকীৰ্ত্তনরসোন্নতং হরিপ্রেমামৃতার্ণবম্ ।
মহাসন্ন্যাসিনং বন্দে নিৰ্ম্মমং করুণাময়ম্ ॥
সমদুঃখসুখং ধীরং প্রসন্নং সংযতেন্দ্রিয়ম্ ।
মুক্তকামাশয়ং বন্দে সত্যসারল্যমণ্ডিতম্ ॥
রাসানন্দরসোৎফুল্লং ভক্তমানস রঞ্জনম্ ।
শ্রীশ্রীমহাপ্রভুং বন্দে সগণং শান্তরূপিণম্ ॥”

